



Nº 2037 *

II
juris prud.
78.a.

DD

2



Hoc Volumine continentur.

- 1) Gundling de Feudis Vexilli.
- 2) ——, de Efficientia metus.
- 3) ——, de Emtione Exorum.
- 4) ——, An nobilitet Venter.²
- 5) ——, de Jure Imperii in cK. Ducatum Brande.
- 6) ——, de Renunciatione hereditatum filiorum illustrium.
- 7) ——, de Causa et origine unionis Electoralij.
- 8) ——, foliantur über Schiltteri Ius Feudale.



Albrecht, David Christopher [Resp.]

D. NICOL. HIERON. GVNDLINGII
POTENTISSIMI BORVSSIAE REGIS SACRIQE TRI-
BVNALIS QVOD EST IN DVCATV MAGDEBURGICO
CONSILIARII ELOQVENTIAE ET ANTIQVITA-
TUM P. P. ORDINARI

DE

EFFICIENTIA METVS
TVM IN PROMISSIONIBVS LI-
BERARVM GENTIVM TVM ETIAM HO-
MINVM PRIVATORVM AVXILIISQUE
CONTRA METVM

LIBER SINGVLARIS

IN QVO

VNIVERSA ATQVE SINGVLA SECUNDVM IVRA NATV-
RÆ ET GENTIVM CIVILE ROMANVM PONTIFICIVM ANTIQVAS GER-
MANIAE LEGES ET INPRIMIS OBSERVANTIAM FORI HODIERNI
EXCVTIVNTVR ATQVE ILLVSTRANTVR.



Nº 2038 *

HALÆ MAGDEBURGICÆ.
PROSTAT IN OFFICINA RENGERIANA
ad I CCXI.



RESULTS IN THE THERAPY OF
COPD IN MILD DURATION



PRÆFATIO.

Vr tam copiose disseruerim de efficien-
tia metus, auxiliisque, quibus ab eo
defendimur, multas, easque æquissi-
mas omnes, rationes habeo. Nam
siue præsumtas in hac cauſa docto-
rum opinioneſ perpendo, siue philosophiæ vulga-
ris argumenta conſidero, siue iura diuersa confufe
& permifte abiecta circumſpicio; haud facile
quodpiam inuenire poteram thema, quod vel poli-
endum, vel illuſtrandum, vel denique ab erroribus
repurgandum videretur magis. Quod non ita in-
telligo, ac ſi ius ciuile Romanum mea expolitione
indigeret, idque mutandum foret in melius. Haud
ægre enim permittam Crasso apud *Ciceronem*, in-
credibile eſſe, quam ſit omne ius ciuile, præter Ro-
manum, inconditum ac pæne ridiculum: ſed per-
mittam tamen ea ratione, ut ne patrium vilescat, inſi-
mumq; locum obtineat; aut etiam doctorum quæ-
cun-

PRÆFATIO.

cunque opinaciones pro legibus venditentur. Recte namq; rationes subduxit Crasius, cum suam respexit ciuitatem, cum in Quiritium intuitus est mores, cum peregrina iura popularibus contulit: simpli- citer si fecisset verba, non comparete, tum non tan- tum ab eo aperte dissentirem; verum etiam super- biæ labem tam inania iactanti merito adispergerem. Quis enim æquo ferat animo, solos Romanos ob sapientiæ gloriam extolli, ceteros abiici, vt fungos, contemnique? Quocirca in id maxime incubui, vt articulatim omnia distincteque proponerem; quæue rationis lumen ostenderet, separatim indi- carem; tum, quod inter gentes liberas promissio- nes metu extortæ robur haberent, euidentibus si- gnis exemplisque in luce collocarem: adiectis Ro- manæ reipublicæ legibus, Germanorum scitis, Pontificum decretis auxiliisque contra metum ab omni parte excogitatis. In his autem ita versati sumus, vt & quotidiano quasi actu attrita, & sin- gularia nonnulla, expulla interpretum confusione, traderemus: illa, ne qui gregatim paſcuntur, mur- mur emitterent; atque hæc etiam, ne, qui ante nos scriperunt, soli habuisse cornu copiæ vide- rentur. Quæ, si non improbabuntur tibi, dabi- mus operam, vt ne diligentiaæ nostræ conatus hic tantum subsistat. Vale.

CON-



CONSPPECTVS DISSERTATIONIS.

CAP. I.

*de Metu eiusque efficientia in genere respectu
voluntatis humanae.*

§. I. Vitia conuentionum error, dolus, metus dicuntur. II. Inquiritur, vtrum metus, qui simul definitur, ad hanc classem pertineat. Binæ questio[n]es propnuntur, vtrum voluntas humana possit cogi, itemque an voluntas coacta sit voluntas? III. Ut prima soluatur, ostenditur spem & metum a vi ortum trahere. IV. Spem auctam maius robur continere. V. Et augeri vero illam, vel intrinsecus, vel extrinsecus. VI. Ergo in omni spe vim esse, ergo coactionem. VII. Ac multo magis in metu: qui tamen sine spe rite intelligi vix potest, quamvis differant. VIII. Spes nobiscum nascitur, metus aliunde venit. VIII. Spes grata est, metus ingratu[s]. IX. In metu s[ecundu]s sunt impedimenta interna, ea auersionem progenerant: in auersione est impulsio. X. XI. Sed ingrata, quia contra naturam est. XII. In metu sunt quoque impedimenta externa, quae molestiam creant. XIII. Non tamen eadem ab omnibus molestia timetur. XIV.

Quamvis interea omnes hominum actiones sint inquietæ & coactæ, vt pote qui sp[iritu]i metusque serui sunt. XV. Id si est, sequitur, vt coacta voluntas maneat voluntas, quia omnes appetitio[n]es oriuntur a vi, quod probatur exemplis; ac tandem concluditur: spem & metum in effectu non aliter differre, quam impulsu[m] ac repulsum. XVI. Inter[va]lia probatur diuisio actionum in spontaneas & inuitas; quæ exponitur similibus atque exemplis. XVII probatur tamen sub hac cautione, ne quis omnes actiones putet inuitas. XVIII. Culpantur propterea doctores scholastici, quibus coactum & inuitum idem est. XIX. XX. hiuc refutantur perspicue. XXI. itaque cum etiam coactæ actiones sint spontaneæ, euincitur, Philosopher & IC. perperam disputasse de actionibus mixtis. XXII. Aperitur erroris fons. XXIII. Iureconsulti sibi ipsis non constant; modo enim actiones coactas pro absolute voluntariis habent, & obligationem iisdem at-



CONSPECTVS DISSERTATIONIS.

tribuunt. XXIV. modo obligationem ab hisce remouent. XXV. Cuiuserroris origo est, quod imputationis fundamentum in libertate voluntatis collocant; XXVI. Atque hinc etiam minus recte mentu gesta putarunt nulla, vel rescin-

denda ; quia non fuere libere gesta: cum tamen a parte acceptantis potius eiusmodi contractus vallet. Ius autem acceptantis diuersum est, pro differentia status naturalis & ciuilis.

CAP. II.

De effectu metus in promissionibus eorum, qui in statu libertatis viuant.

§. I. Status naturæ status libertatis est. II. non tamen licentia. III. vt fere existimauit Spinoza, cui temere nonnulli adsociarunt Hobbesium. IV. igitur etiam in hoc statu metus illicite potest inferri, & si inferatur, gestum inutile est. V. Secus ac Grotius putauit, qui promittentem tantum respexit, non acceptantem. Laudatur Puffendorfius. VI. refelluntur inanæ obiectiones. VII. Vffelmanni & Rachelii sententia examinatur; qui ius acceptandi inuasoribus concedunt: quod tamen etiam in summa libertate iis iure non competit. VIII. id Hobbesius quoque agnoscit, licet in statu naturali secus accidat. IX. Hic bellicus est. X. quamvis alii medium & ex vtroque confusum dicant. XI. in bello iuris disceptatio vel nulla, vel ratione facti obscurissima est. XII. Ergo o-

mnia, quæ disputantur, ad ideas pertinent. XIII. Hinc Grotius ad ius gentium voluntarium con fugit. XIV. XV. quoniam in hoc statu illicitus metus a bono & lictu discerni non potest. Quod ostenditur, & a dubitationibus aliorum defenditur. XVI. Itaque magis aptum argumentum ducitur a mutuo belligerantium consensu, ac compremissio in vim metumque : & comparatio instituitur inter litigantes in foro, & bellum gerentes. XVII.XVIII. indeque pactorum, quamvis metu compositorum, in statu naturæ firmitas demonstratur. XIX. XX. XXI. XXII. Secundum hæc principia pactum Francisci I. Madritianum cum Carolo V. dijudicatur : & Gallorum obiectiones refelluntur. XXII. XXIV. Comparantur Franciscus & Iohannes Valesius, ac prioris cauillationes de-



CONSPECTVS DISSERTATIONIS.

detequantur. XXV. Reuicitur bellorum distinctio, quæ per modum contractus, atque ex necessitate ineuntur. Polybius & Pufendorfius confutantur. Antiqui Scriptores raro foedera metu contracta improbat: recentiores aliter sentiunt. XXVI. in primis Pontifices Romani. XXVII. quod Paschalis II. XXVIII. & Innocentii III. XXIX. & Cardinalis Zabarellæ, & Clementis VII. exemplis. XXX. & Decretalium, & Cardinalis de Laurea consensu firmatur. XXXI. Hanc opinionem & Gallia Reges & scriptores quandoque pro re nata adoptarunt. XXXII. Hispanorum plurimi reiecerunt: qui laudantur. XXXIII. Sed hæc tamen non sunt trahenda ad promissa Imperantibus sine causa extorta a ciuibus & subiectis. Defenditur factum Mariae Scotorum Reginæ, quæ si bi subditis, ut & Friderici III, qui Brugensibus seruandam fidem negabat. XXXIV. quamuis aliud dicendum, si de iuribus ciuium & Imperantium obscure disceptetur. XXXV. Hinc collatio instituitur inter perduelles, & piratas. Cum his nulla societas est: cum illis denuo coniungi imperantes volant. Ergo seruanda posterioribus promissa; prioribus non item. XXXVI. Ea propter

iuste culpauit Wicquefortius Anonymum Bruxellensem, quod fœdus pacis Lusitanos inter, & Hispanos absone dixit nullum. XXXVII. Tandem experimentum fit, utrum hæc fundamenta ad imperii Germanici Caput, & membra possint applicari: distinguiturque inter metum, quem Cæsar ostendit Statibus secundum Imperii leges, ac contra illas, Improbatur Caroli V. factum in causa Conradi Tecklenburgici; cui Lingensem ademit tractum. XXXVIII. Deinde ostenditur, Status inter se non habere ius incutiendi metum, hoc est, ius belli, quod vocant, offensiui: obstat imperii leges: confutatur Limneus. XXXIX. nec illas abiisse in desuetudinem, quod copiose contra dissentientes firmatur. XL. Simulque probatur, neque etiam priuata eisdem proceres vim inferre sociis, & constatis, quos ita appellant, posse; in quam rem adducitur res iudicata, & singulare Rudolphi Habsburgici Diploma: quo inter Wenceslaum Bohemum & Ottонem Brandenburgicum in causa metus ex æquo & bono pronuntiauit. Additur simile promissum a Mathilda matre Rudolphi Palatino coactori factum, quod Albertus Rex Romanorum dixit irritum.



CONSPECTVS DISSERTATIONIS.

CAP. III.

De effectu Prōmissionis metu extortæ in statu ciuitatis imprimis Romanae.

§. I. In statu naturæ etum patrum securitatis sit II. homines ab illa libertate recedentes in ciuitatem concesserunt: ubi metus cefare debet. III. eoque omnes prōmissiones metu a priuatis extortæ non tantum illicitæ sunt, sed & nulæ: atque id quoque Romani in contractibus bonæ fidei agnouerunt. IV. quod siymatur e Pandectis: simulque edicti Prætorii, & formulæ Octauianæ origo e Cicerone in notis ostenditur. V. quod amplius probatur e Codice, e Symmacho ac VI. Glosſatoribus respondetur. VII. Ciceronis locus obscurus exponitur & VIII. qua forma Romani in expungendo metu pro differentia contractuum fuerint vni, clare explicatur. IX. hinc confutantur, qui aliud iure Codicis inualuisse contra Noodium putant. X. XI. qui defenditur. XII. atque inde origo erroris detegitur admissa in omnibus iudiciis actionis quod metus cauſsa. XIII. postea inquiritur in cauſam, quare Prætor metu initos contractus stricti iuris non renuntianerit irritos: quæ non am e corrupta Romanorum phi-

losophia, quam iure formulario deducitur. XIV. Sed cum vero non quiuis metus in iure attendatur, monettur, atrocem & illicitum requiri. XV. hinc definitur metus atrox & exemplis illustratur: adiecta variarum legum in notis explicatione. XVI. tum differunt de metu lymphatico, non iusto. XVII. item de metu præsentis: qui facultatem & voluntatem requirit: non facultatem. XVIII. XIX. XX. nec voluntatem solam quod exemplis & legibus stabilitur. XXI. XXII. exponitur, quid sit metus illicitus, illatusque contra bonos mores: itemque licitus, & bonis moribus conformis. XXIII. ad quem pertinet metus reuerentia. XXIV. de quo quidam absone statuunt. XXV. Ventilatur quæſio, utrum metus furibus & adulteris in flagrante delicto deprehensis iniectus sit licitus? quod negatur. XXVI. XXVII. Quoniam vero leges non curant metum, nisi sit aliquid gestum, hinc voculæ huius sensus dilucidatur: qua occasione l. 2. de his quæ vi metusque cauſsa & l. 7. de condic̄t, obt. e. enucleantur. In

qui-

CAP.

X



CONSPECTVS DISSERTATIONIS.

quibus metu gestum non esse dicatur, quod quis remoto metu facit vel promittit. XXVIII. Unde quid ad remotionem metus requiratur, scribarum inutili cautio-

ne reiecta, differitur. XXIX. quidque per damnum rapse datum in hoc negotio intelligatur indicatur XXX. exposita in transcur-
su l. 13. ff. h. t.

CAP. IV.

De effetu promissionis metu extortae secundum ius Pontificium.

§. I. Pontificium ius differt in hac caussa a iure Romano, licet dissentiant plerique. II. Requirit illud in omnibus actibus bonam fidem: eoque non est credibile, vlla ratione metu gesta posse esse rata. III. Quod etiam demonstratur variis exemplis. IV. Confusio autem iuris Ciuilis & Canonici fecit, vt contrarium statuerent Doctores plerique. Hinc sane exponitur cap. 2. X. h. t. V. Reiicitur distinctio Gonzalezii inter actus, qui libera voluntate fieri debent, & actus, qui ex libertate simpliciter: defenditur Imbertus contra A. Fabrum. VI. Pariter exploditur distinctio inter actus spiritales & non spiritales. VII. Panormitani, Wesenbecii, Hahnii sententia approbatur, qui metu extortas promissiones secundum Pontifi-

cum decreta existimarent nullas. VIII. Sed requiritur tamen hoc quoque iure metus iustus: qualis non est metus reuarentiae. Reiicitur distinctio doctorum inter reuarentiam, & nimiam reuarentiam: ceterum conceditur metum anathematis esse metum atrocem. IX. Refellitur Antonius Matthaei nepos, qui ius Canonicum metus non magni habere rationem contendit. X. XI. Differentia inter metu gesta iurata & iniurata. Iurata, cur Pontifices statuerint rescindenda? arcana consilia sacerdotum in iuramentis. XII. Examinatur opinio Augustini & Pontificum: utrum promissiones iniuratae firmius obligent quam iuratae? Refelluntur quidam e nostratis Theologis atque Iureconsultis: atque in primis excluditur ratio: in iuramentis ali-

quid



CONSPECTVS DISSERTATIONIS.

quid Deo promitti. XIII. Af-
firmarur Fridericum Barbaros-
som in authentica leg*i. si aduer-*
sus vendit. iuramenta metu ex-
torta dixisse nulla. XIV. Pro-
batur id ex Guntheri Ligurino.
XV. Quid sentiendum sit de re-

laxatione & absolutione iura-
menti ? quis absoluat secundum
ius Canonicum ? XVI. Etiam
Euangelici Doctores Lynckerus,
Linckius, Lauterbachius, ceteri,
absolutionem a iuramento vr-
gent. X. qui confutantur.

CAP. V.

De effectu promissionis metu extortae secundum anti- qua iura Germaniae.

§. I. Germani bellum ama-
runt, vim tumultus : in suis ta-
men ciuitatibus egerunt tranquil-
le, bona fidei dediti. II. Eo-
rum iura rationi naturali sunt
conformia: hinc etiam metu ge-
sta pro nullis habuerunt. III.
IV. Quod firmatur e legibus
Visigothorum. V. e lege Ba-
riuvvariorum VI. e Capitula-
gibus Francorum, formulis Mar-
culphi. VII. Repellitur obie-
ctio e Capitulari Caroli Magni
facta. VIII. qua se abripi pas-
sus est Schilterus. IX. X. hinc
ostenditur, illud Capitulare e
legibus Romanis aliisque
esse mixtum. XI. Adducitur

causa quare in sequioris ævi le-
gibus nihil de metu extortis pa-
ctionibus occurrat. XII. O-
stenditur, Fridericum Barbaros-
sam illas irritas existimasse. Qui-
dam e pace Constantiæ idem de-
monstrant. XIII. vt & Petri de
Vineis epistolis. XIV. Pro-
uocatur denuo ad Rudolphi Hab-
spurgici clarissimam decisionem.
XV. XVI. Quare non amplius
secundum leges antiquas Ger-
manicas iudicent ? Vtrum re-
scindi ac nullum esse in effectu
perinde fit ? An bene egerint a-
gantque Doctores in contrarium
eunt?

CAP. VI.

De auxiliis contra metum secundum iura, que adulimus diuersa,

§. I.



CONSPECTVS DISSERTATIONIS.

§. I. Auxilium contra me-
rum in ciuitate ex recta ratione.
II. Ab hac simplicitate recesser-
unt iuris Romani auctores. III.
Varia remedia contra vim ante
formulam Octavianam. IV.
qua denum factum est, vt etiam
in stricti juris contractibus me-
tus abigeretur. Duplex in edi-
cto via proposita: restitutio iu-
ris & actionis veteris, & actio
quod metus caussa. V. ac-
tiones restituta sunt utiles. VI. Cur
actionem quod metus caussa ef-
finxerit Praetor. Vnde illa ori-
ginem sumat. Est actio rei per-
secutoria; sed penal is ex post
facto. VII. Vnde variae diffi-
cultates concidunt. VIII. Qua-
re detur contra tertium etiam bo-
næ fidei possessorem. Negat-
ur ineptum esse, formulam con-
cipere conditionalem. §. IX.
Defenditur Oldendorpius ab
argumento Rhetii. X. Opinio
Rhetii & Faldeni, qui hanc actio-
nem sua natura dixerunt penala-
lem. XI. Adducitur caussa,
quare Praetor eam dixerit in rem
scriptam. XII. Ordo iudicarii-
us in caussa metus, si ageret in-
vasor re nondum tradita. XIII.
Ordo iudicarius, si ageret metum
passus re tradita. Formula Prä-

toria. Arbitrium. XIV. Tres
arbitrariæ actionis proprietates
(1) probatio metus: quomodo
peragatur? (2) Formula arbi-
trii. Quid significet parere ar-
bitrio, quid restituendum? ex-
plicatur difficilis l. 14. §. II. ff.
h. t. in notis. (3) absolutio vel
condemnatio. Respondet Hot-
tomanno, qui condemnationem
nunquam fecuturam sibi persua-
dit. XV. quomodo metus fue-
rit expunctus in iudiciis bonæ
fidei, si egisset invasor. Quid
sit exceptionem actionibus bo-
næ fidei inesse? Refutatur Hot-
tomannus. quomodo metus sit
extinctus, si perterrefactus egis-
set contra invasorem? eum in
finem explicatur rescriptum Ale-
xandri Imperat. l. 1. Cod. de re-
scindenda venditione. Obser-
vatio de vocula rescindendi. Re-
iicitur in hoc negotio distinc-
tiō inter emptionem & venditionem,
& rei venditæ traditionem. Ex-
planatur Vlpianus in leg. vlt. §.
I. ff. h. t. XVI. Adfirmatur in-
contractibus b. f. etiam rei vin-
dicationem locum habere. XVII.
etiam actionem ex contractu
quanti maioris, vel minoris. XVIII.
His constitutis, resoluuntur qua-
tuor questio[n]es & (1) quidem,
vtrum



CONSPECTVS DISSERTATIONIS.

vtrum tales actiones in bonæ fidei iudiciis sint directæ, an vtilles. XIX. (2) an actio quod metus causa sit remedium extraordinarium. quid cognitio sit apud Romanos? quid ius ordinarium. XX. (3) an hic detur iudicium rescindens & rescissorium. Tres opiniones recensentur: ab Hubero & H. Cocceio dissentuntur. XXI. (4) an in actione rescissoria duplex sit sententia definitiua? Laudatur Hahnius. XXII. Ostenditur, quare definitiua sententia in quadruplum fuerit concepta? Comparatio inter quadruplum in actione vi bonorum raptorum, & quod est in actione obmetum. Quare triplum effinxerit Prætor? quamobrem fur manifestus grauius fit punitus quam erector? noua sententia proponitur. Ius Romanum e Græco illustratur. Origo actionum penalium e Græcia. XXIII. In quadruplo continetur simulum restitutur in nota (*) ope Græcorum interpretum locus Vlpiani corruptus in l. 22. §. 1. ff. de

pignoratitia actione, quadruplicantur fructus & omnis cauſa: non tamen usuræ, quamdiu duret actio in quadruplum? an annus vtilis sit mutatus a Iustiniano in quadriennium: quod contra Hahnium aliosque variis rationibus adstruitur. XXIV. Ius Canonicum ignorat quadruplum, probatur contra Schilterum nouo argumento e S. Gregorii Epistolis. quare actiones dupli, quadrupli refugerint sacerdotes? XXV. Ius patrium, seu Teutonicum respuit itidem has Romani iuris ambages. XXVI. sed placuerunt illæ recentioris ævi doctoribus. XXVII. placuit etiam multis pœna tripli seu quadrupli: adducitur facultatis Wittebergenfis decisio. XXVIII. XXIX. a quibus omnibus dissentuntur: ac copiose eorum argumentis respondetur. XXX. Saltem clare demonstratur, eiusmodi decisionem nec Romanam, nec certam, nec Germaniae moribus prorsus esse conformem.

CAP.



CAPVT I.

DE METV EIVSQVE EFFICI-
ENTIA IN GENERE RESPECTV VOLVN-
TATIS HVMANAЕ.

§. I.



Itia conuentionum ap-
pellantur, quæ illarum naturam læ-
dunt ac peruerunt. Natura vero
omnium pactionum & contractuum
in eo videtur consistere, vt, prælu-
cente intellectu, ac decernente vo-
luntate, fiant. Igitur error, dolus,
qui intellectui aduersantur, & metus, qui voluntati
contrarius esse dicitur, in vitiis conuentionum vulgo
ponuntur.

§. II.

Sed videndum esse arbitramur, perspiciendum-
que cum cura, vtrum etiam metus ad hanc classem ab
Doctoribus, qui juris artem profitentur, iuste refe-
ratur: vt qui nihil aliud est, quam auersio cum opinione
damni fecuturi. (*) Qui præsumitis opinionibus sunt
immersi, quæstionem hanc habebunt pro Domitiana;

A

nos.

nosque actum agere sibi fortassis persuadebunt. At aliter, credimus, rationes subducent, si & nostris ratiociniis expendendis non nihil temporis indulserint. Quocirca binas prius quæstiones considerabimus, quarum altera eo redit, vtrum voluntas humana possit cogi? altera, an coacta voluntas sit voluntas? Deinde consecutaria adiiciemus, conclusionesque inter gentes, atque in foro ciuili perquam utiles.

(*) Sunt nonnulli Iuris auctores magnopere solliciti, quomodo timor et metus, formido, terror et trepidatio discernantur. Nos, cum ad rem nihil hæc faciat consideratio, labori inani supersedemus.

§. III.

Et in confessio autem est, multisque experimentis exploratum, ipsam hominum vitam esse motum, neque sine cupiditate metuque aliisque affectibus vivere hominem posse magis, quam sine sensu. (*) Omnis vero cupiditas, quam alii spei nomine insigniunt, & metus, quem nonnulli prouidentiam appellant, a vi quadam ortum trahunt. Et hæc vis vel congenita est, vel aliunde procedit. Sperant enim homines natura, cupiunt, desiderant, amant. Amor sine conatu non est: conatus potentiam requirit: potentia, vis, atque virtus synonyma (*) sunt.

(*) Sunt hæc Thomæ Hobbesii verba, qui affectus omnes ad spem retulit metumque. vid. Leuiath, Cap. VI, p. 25, & cum primis p. 32.

§. IV.

Quemadmodum vero spem (*) nostram, aliorumque quotidie augeri cernimus; ita negari vix potest, illud augmentum conjunctionem virium continere;

vires



vires autem coniunctæ multiplici impulsione constant. Vbi multiplex impulsio, ibi multiplex potentia. Quamobrem iterum relinquitur, vt inspe aucta maius robur, inque robore noua potentia, in potentia quædam quasi coactio deprehendatur. Quid enim facimus, quæso, cum res nobis, sensibusque obiicitur nostris, quæ mentem corpusque recreat, & gloriam pollicetur, & facultatibus nostris accessionem promittit? Nonne appetitus vehementior efficitur? Nonne tres istæ considerationes, quidquid est in mente cupiditatis excitant, adeoque inquietudinem producunt maiorem? Nam vbi cupiditas ibi motus; vbi motus, ibi violenta agitatio; vbi agitatio ibi inquietudo. Atque hæc quidem ab interno principio procedit; idque Hobbius phantasiam dicit,

(*) Nemo miretur, nos, cum de metu disputamus, differre de spe. Vix enim metus sine illius oppositu intelligitur: utpote qui vel vacuitatem spei, vel diminutionem eiusdem subindicat.

§. V.

Quod si ad ea, quæ extra nos sunt, mentem oculosque fleetamus, quam infinita rursus occurront, quæ afficiunt mentem, eamque ad spem erigunt maiorem? Nam, vt taceam, quæ occulte nos impellunt, ac spem illam diuinam, quæ inadspicuæ potentiaæ robore firmatur, silentio inuoluam; tamen euidenter, puto, constare, & homines, &, quæ sunt in rebus creatis, corpora reliqua singulis tere momentis acres appetitionibus nostris stimulos subiicere, quamuis diuerlo modo agant, & dissimili ratione voluntates nostras feriant, percellantque. Neque enim omnes eadem sperant, sicuti nec effectus rerum omnium experiuntur singuli. Va-

A 2

riant



4 CAP. I. DE METU EIVSQUE EFFICIENTIA

riant appetitus cum opinione obtinendi coniuncti, si-
cut illa corporis concretio varia, quæ se in animum
diffundit, atque in mentis nostræ interiora, ut ita lo-
quar, transit. Habet avarus suas inquietudines, volus
patibus deditus suas, ambitione inflatus suas identi-
dem; quas unusquisque peculiariter sentit, atque ex-
peritur.

(*) Est hæc iterum doctrina Hobbi: *Appetitus ceteri, inquit,
rerum particularium oriuntur ab experientia effectuum,
quos in nobis, vel aliis hominibus producerunt. Rerum
enim, quas non omnino cognoscimus, vel quas non credimus
existere, appetitum alium habere praeterquam experiendi
impossibile est.*

§. VI.

Ex quo perspicue, nisi me animus fallat, conse-
quitur, ut voluntas, dum cupid, appetit, desiderat, spe-
rat, amat, cogatur, siquidem verum est, in coactiōne
(*) vim potissimum spectari. Hæc vero cum obser-
uetur in affectu, quem spem dicimus, quid non tan-
dem obseruabimus in metu, qui cupiditates nostras al-
terat?

(*) Vélim, ut potissimum hoc respiciat Lector. Nam vbi
vis, ibi coactiō. Quod, si quis neget, tum vero rogabi-
mus eum, ut coactionem respectu actionum humana-
rum perspicue definiat.

§. VII.

Est enim metus, ut diximus, auersio. In spe
adiumenta cernuntur; in timore impedimenta. Quod
si vero adiumenta sine coactione concipi nequeunt,
quid fiet de impedimentis? Qui impellitur, vim sentit,
qui repellitur, seu auertitur, aut metuit, percipit ean-
dem. Tantum in hoc aliquid differentiæ conspicitur:

Spes,



Spes, vti post Hobbesum viderunt plures, (*) nobis cum nascitur, quia homo non est sine appetitu, appetitus non sine spe; metus vero non tam a prima natuitate nobis adeat, quam aliunde generatur, maioriique potentiae originem suam debet, nec sine contentione aliarum virium mente depingi potest. Appetitus autem cum opinione accipiendi saepius sine pugna alterius virtutis sese exserit.

(*) Laudandus est D. Thomasius, qui disciplinam de spe atque metu uberiori excoluit in Fundamentis I. N. quae vide Lib. I. cap. II.

§. VIII.

Cui accedit, quod ille conatus, cui spei nomen indidimus, quia primus est, a vi nobis grata proueniat; cum e contrario illa altera, quae metum progenerat, nunquam non sit, ac videatur acerba. Quod enim a teneris vnguiculis sensimus, ac quotidie experimur, illud, quia consueuimus, sine dolore atque incommodo toleramus. Quod noue nobis obuenit, & naturali cupiditati contrarium est, tam acceptum sane, gratumque videri non potest.

§. IX.

Sed notum vero est, impeditiones, quae spem minuunt, & interdum tollunt, vel intra nos cooriri, vel extra nos. Nam ipsae hominum appetitiones sibi saepe contraeunt; cupiditas otii cum cupiditate agendi ac laborandi pugnat; audacia ambitionis abiepto & seruili hominis tenacis animo refragatur. Et hoc interea certamen sine violentia peragi nequit: omnis autem violentia, quae contra naturam est, & propterea auersio vocatur, iniucunda omnino videtur.

§. X.



6 CAP. I. DE METU EIVSQUE EFFICIENTIA

§. X.

Signanter adiecimus : quæ contra naturam est. Etenim spes etiam suis non destituitur impulsionebus. Verumtamen illæ naturales sunt, nec mentem a scopo quem sibi præfixit, dimouent; sed motam fortius tantum impellunt & adiuuant, vti contingit in corpore iam moto, cum noua in illud fit incurso.

§. XI.

Quæ cum ita sint, optima profecto ratione concluditur, vt, quoties in nobis etiam aliquid obstaculi deprehendimus, contristemur: contristatio vero & metum comitatur, & sequitur. Sic homo membris contractus, cum saltare alios in seminarum pulcerissimarum coetu videt, dolore afficitur, non minus, quam cum eunuchus ad congressum cum virgine formosa se sentit minus aptum,

§. XII.

Similis motus in homine excitatur, cum extrinsecus nonnihil remoræ offendit, siue illud incurrat in oculos, siue minus. Nam & timor Dei, qui hominem post considerationem maiestatis ac severitatis diuinæ a peccatis cohabet, atque auertit, tristitiam in mente sibi relicta progignit, quemadmodum ceteræ quoque oppositiones, quæ a corporibus, ipsisque mortalibus oriuntur, ad molestias nobis creandas semper videntur aptæ. (*) Molestia vero quædam mali perpeccio est, quæ doloris sensum post se relinquit.

(*) Et auersionem autem habemus ejam ab iis rebus, non solum, quæ cognovimus, nos lesisse; sed etiam ab iis, quas, an lesuræ sint, nec ne nescimus. v. Hobb, Leuiath, p. 26.

§. XIII.



§. XIII.

Interea, sicuti non eadem omnia speramus; ita non timemus eadem. Ambitione turgidus cum infamia colluctatur: luxuriosæ vitæ immersus subductio nem omnium, quæ ad illam' pertinent, instrumentorum perhorret: opibus intentus paupertatem atque inopiam cumprimis pauescit. Sed hic tamen non timet ieunia, quæ metuit homo gulosus; nec fugit infamiam, quam omnibus modis auersatur gloriæ amore inflammatus. Ergo etiam in ipso metu diuerſa agitatio est, prout sunt hominum animi, animorumque, qui eodem afficiuntur, domicilia.

§. XIV.

Sed bonum factum! vidimus haſtenus, eos, qui sperant, vi quadam propelli, omnes etiam, qui metuunt, simili vi repelli & auerti. Iam vero, cum vel spe quadam excitati, vel metu præpediti nunquam non agamus, colligitur sane, vt omnes nostræ actiones non tantum sint inquietæ, verum etiam coactæ, eoque voluntas nunquam sit prorsus libera, sed semper coacta, prout etiam continue omnibusque horis momentisque & aperte, & occulte cogitur. Homo enim spei metusque, vnde ceteri quoque deriuantur affectus, seruus est.

§. XV.

Quamobrem altera nunc ventilanda quæſtio videatur, vtrum coacta voluntas sit voluntas? Quod vt congrue fiat, perspiciendum est, an desideria & auersiones dici queant, inuoluntariæ? Et hoc vero, nemo, quod ſcio, adfirmauit, nec forte adfirmabit quisquam. Quis enim vñquam adſeuerauit ſerio, nos, cum persuasionibus a-

mi-

micorum, & irritamentis seminarum succumbimus, cum adspectu, odore ac sapore ciborum, vini, numerorumque cupiditate abripimur, nos, inquam, agere inuitos, aut nolle, dum cupimus, aut resistere, dum rem amatam nobiscum coniungere laboramus, aut istud etiam aduersante & repugnante natura horrere, quod omnibus votis, & ambabus, quod aiunt, manibus amplectimur? Quod si quis adeo foret ineptus, ut *cuperet* ac *nolle* pro synonymis venditaret, eum non tantum non ferendum, sed habendum pro absente merito pronuntiaremus. Id certum est, aliud esse libere velle, aliud non velle, seu nolle. Qui metu percitus ob minas mortis, ignominiae, dampni, carceris &c, aliorum mentem flectit, non quidem libere id facit, sed sponte tamen. (*) Spontanea vero actio voluntaria est. Nam etsi tristitia, quae comitatur metum, voluntatis quandam repugnantiam indicare videtur; vix illa tamen efficit, vt, quod ob hanc caussam suscipimus, inuitum dici queat, seu non voluntarium. Est in metu, non inficiamur, contentio virtutum; sed superatur vna ab altera. Est in metu voluntatis auersio; sed &, dum auertimus animum, volumus; non minus quam, cum repellimur, mouemur. Spes autem & metus in effectu non aliter differunt, quam impulsus ac repulsus.

(*) Confundunt hæc plerique Doctores: confundit quoque latinus sermo. Opponit Ambiorix apud Cæsarem Lib: V. de B. G. Cap. XXVII. coactum ciuitatis voluntati suæ. At qui veritates querunt idioma vulgare curant scilicet,

§. XVI.

Ergo recte nonnulli actiones in spontaneas & inui-



inuitas, hoc est voluntarias & non voluntarias distribuerunt. Spontaneæ etenim voluntatem auctorem habent; inuitæ non item. Ita cor hominis mouetur, sanguis in gyrum voluitur, neque in potestate est nostra, ut peculiari cogitatione, eiusmodi agitationem, impediamus: quod indicio est, hanc actionem respectu nostræ voluntatis, esse inuitam, quia ab illa & electio, & determinatio voluntatis prorsus excluditur. Similiter nemo eos voluntarie aut sponte pronuntiabit agere, quorum musculi ac nerui suam originem versus perpetuo contrahuntur, & distenduntur, vt vel sardonio risu dentes denudent, vel, vt siebat in chorea sancti Viti, perpetuo saltu tripudient. Tali in conditione constitutus homo non magis sponte agit, voluntarieque mouetur, quam lapis in terram proiectus, aut pila cum impetu iactata & repercutta.

§. XVII.

Sed caue (*) putes, omnes actiones coactas esse inuitas. Tametsi enim verum videtur, actiones inuitas recte vocari coactas: non sequitur tamen vt, inuerso ordine, omni coacto inuiti titulus sit adfigendus. Sæpe nos ipsos cogimus; cumque antea obseruauerimus, homines spe metuque impulsos agere, relinquitur sane, vt aut omnis actio humana inuita vocari debeat, quod absolum, aut coactum voluntarium esse queat, quod omnino videtur veritati congruum.

(*) Eandem cautionem D. Thomasius legentibus ingessit in F. I. N. lib. I. cap. II. §. CV.

§. XVIII.

Idcirco grauiter impegerunt Scholastici, (*) quorum opinione coactum & inuitum pari passu ambulant

B

bulant



bulant, ac quæuis voluntaria actio libera est, & ipsa voluntas libertate intrinseca pollet, vt taceam, quod de inuitu per ignorantiam (*) minus apposite ab iisdem adfertur.

(*) Ne quis hac de re dubitet, I.F.Krebsium citamus, qui in sua *morum scientia* cap. I. II. seq. opiniones scholasticorum doctorum exacte retulit.

(**) Tam inepte ignorantiae vocula inuiti adiicitur, quam circulo quadratura.

§. XIX.

Quanquam enim quidam (*) obiciunt, eiusmodi actus coactos, non magis a voluntate dici posse imperatos, quam iter filii, in speluncam ab latronibus abrepti vocari mereatur iter a patre imperatum, qui filium in academiam ablegasset; non est tamen istud alicuius ponderis. Tu namque probes prius, voluntatem in omni coactione ita exulare, vt reuera patris abest voluntas, cum latrones filium bonis artibus intentum secum asportant & in captiuitatem trahunt. Eiusmodi simile doctrinam de inuitu potius illustrat, quam illam de coacto. Illic nihil imperat, agitque voluntas: hic vero primas tenet, quod exemplo facile est ad declarandum. Fac enim me latroni mortem minanti C. porrigere, an, dum porrigo, porrigere nolo? an manus extenditur sine voluntate? Quis igitur, nisi ipsem velim, cupiamque extendit? Nemo me tangit, nemo attrectat, nemo iniicit manum, nemo applicat membra: tantum minatur prædo, fulminat, furit: ego metuo, mortemque auerfor. Quid ergo? Malo dare C. vitamque redimere pecunia, quam mori; hoc est, nolo mori, malo diutius viuere. Cupiditas maior exsuperat minorem. Qui vero aliquid enixe cupiditatis

is



is magis sane illud censetur velle, quam quod appetit remissius. Itaque qui metuit, cogiturque, reuera, quod facit, voluntarie efficit.

(*) Illa similitudo a Iacobo Thomaſo ad vulgarem doctrinam illuſtrādām excogitata est, quam deinde alij adhibuerē plures, vid. not. ad Regul. Stahl. p. 529.

§. XX.

Quibus ita constitutis, alii sine negotio satisfieri dubio potest. Aiunt, (*) complures omni fuisse tempore repertos, qui nullis potuerint tormentis permoueri, ut manifestarent secreta, abnegarentque, quam semel sunt professi, religionem. Merito enim regero, inde nihil aliud concludi, quam inclinationem occultandi secreta fuisse maiorem appetitione commodioris, aut longioris vitae. Minor autem vis succumbit maior, & ab hac subigitur.

(*) Est hæc Krebsii, quem allegauimus, obiectio.

§. XXI.

Ex quo manifeste, nisi fallor, apparet, quam in eassum laborauerint tam Philosophi, quam ICti, cum disceperant, atque anxie inquisuerunt, vtrum actiones metu suscepτæ ad voluntarias, an necessarias, aut etiam tertium actionum genus, quod mixtum appellarent, sint referendæ? Nemo enim non videt, esse illas a voluntate productas, seu decretas. Qui mixtas dari actiones statuerunt, rem ita implicarunt, vt, quin se ipsos intellexerint, ambigendum fit. Partim enim voluntarium, partim non voluntarium repugnat. Quod voluntati contrarium est, voluntarium certe dici nequit: & quod voluntati conforme, eidem profecto aduersari videtur nequaquam.

§. XXII.



§. XXII.

Et huius vero erroris fons a præcisione (*) Doctorum permanauit. Nam cum mente separari præsentis periculi circumstantias posse viderent, pronuntiarunt temere, actionem, mortis, vel ignominiae timore initam, eo respectu inuitam potius, quam spontaneam debere appellari. Sed non animaduerterunt, tum, si seponatur atque animo absindatur periculum, aut evanescere actionem, aut, quod notandum, saltem actionem metu initam in fumum abire. Hoc autem si fiat, quare quæso actionem appellant metu suscep tam, a qua metum omnem, mentis sollertia, tollunt? Igitur rectius rem pensitarunt Thomas Aquinas, (*) &, qui eum sectantur, auctores, quum metu facta absolute voluntaria dixerunt.

(*) Legendum in hunc finem *Ioannes Clericus* in Arte Critica vol I. Cap. V. qui segetem errorum ab abstractis notionibus coortorum collegit. Quibus etiam ille, quem confutamus, est adiiciendus.

(**) Lib II. quæst. VI. art. VI. Ad scribam verba: *Sic, quod fit per metum, est voluntarium, it quantum scilicet est hic et nunc, prout nimirum in hoc casu est impedimentum maioris mali, quod timebatur; sicut proedio in mare fit voluntarium tempore tempestatis, propter timorem periculi. Unde manifestum est, quod simpliciter voluntarium sit: unde et competit ei ratio voluntarii, quia principium eius est intra. Sed quod accipiatur id, quod per metum fit, ut extra hunc casum existens, prout repugnat voluntati, hoc non est, nisi secundum rationem tantum,*

§. XXIII.

Iureconsulti, ad quos hæc potissimum pertinet doctrina, in quibusdam conclusionibus eam, quam demonstrauimus, veritatem agnouerunt: licet in aliis pa rum-



rumper cæcutierint. Quam enim ob rem delicta metu maioris mali perpetrata statuunt plectenda? Quod si omnis in eiulmodi specie exularet voluntatis electio, non foret, credo, delictum. Sed appellant delectum; simulque puniendum pro tribunali definit. Quocirca conficitur, ut metu patrata a voluntate, (*) tanquam e fonte, profluant.

(*) Nec iuuat, delicta ob metum patrari propter legis prohibitionem non posse, nec debere. Semper enim vrgabo, leges non violari nisi sponte nostra. Ergo dum pena afficitur ex timore peccans, concluditur, voluntatis decretum ab actione illicita minime absuisse. Quod sufficit.

§. XXIV.

Scio equidem, expedite nonnullos recentiorum in hac caufsa actiones bonas, malas, (*) & indiferentes distinguere, atque illas decernente, has repugnante voluntate susceptas statuere. Sed vereor iterum, ne nodos non extricent. Ea enim ratione habebimus actus coactos voluntarios, simulatque non voluntarios. Si quis peccet, terrore inductus, actio a voluntate, tanquam caufsa, procedet: si quis contrahat, simili metu perculsus, voluntas in consortium non veniet. Ecur vero? quia, inquiunt, in caufsis indiferentibus, vt sunt contractus, voluntas plena libertate frui debet; quæ si absit, obligatio quoque cessat, seu, ut loquuntur in schoulis, imputatio.

(*) Facit hoc Domatus in elegantissimo libro, quem inscripsit: *Les Loix ciuiles dans leur ordre naturel* lib. I. Tit. XVII. sect. II. p. 151. Simili ratione D. Titius Lipsiensis Professor incedit, tum in notis ad Puffendorffii libellum de O. H. & C. cum in iure priuato R. G. lib. I. Cap. II. n. 18.



§. XXV.

Ergo, quod illud $\pi\epsilon\omega\tau\sigma$ est $\chi\epsilon\delta\vartheta$, fundamen-tum imputationis in libertate voluntatis constituunt; qua tamen hæc prorsus eget, nostraque opinione in re-bus non existentibus merito collocatur. Quidquid enim molimur ac gerimus, spe metuque permoti, faci-mus, hoc est, coacte. Quapropter rectius agunt, (*) qui principium imputationis in eo quærunt, quod ali-quis sit actionis auctor. Eum vero auctorem appella-mus, qui, quod fecit, voluit, quodque promisit, aut præ-stitit, decreuit. At supra (**) fuit ostensum, etiam me-tu agentem vehementer cupere, seu velle.

(*) v. D. Thomasius in Fundamentis I. N. lib. I. cap. II.

§. CVIII.

(**) §. XIX.

§. XXVI.

Verum tamen, cum in omni pactione mini-mum duorum consensus requiratur, promittentis, & acceptantis, consequitur sane, vt vtriusque etiam ha-benda sit ratio. Eam ob caussam non sufficit, vt quis voluntarie promittat, sed vt etiam is, cui promissum est, officii sui rationem habeat, & sese decenter gerat. (*) Decenter vero se gerit acceptans, si iusacceptandi habeat, illudque ostendere quoque aliis possit. Ex quo clari-um reddi potest, vtrum metu promissum aut præsti-tum imputari queat, eoque pacto subsistat? Et intel-ligemus, ex parte promittentis nihil impedimenti af-futurum, quo minus voluntate sua, quamquam coactu alterius, fecisse dicatur. At ratione acceptantis paullo difficilior erit inspectio, quia videndum prius, vtrum is acceptandi facultatem habuerit, an secus. Quod vt ordine, itemque perspicue fiat, circumspiciemus ante omnia,



omnia, qua specie ius illud acceptandi in statu naturæ seu libertatis, appareat; quamque idem in statu ciuili, siue imperii, faciem induat.

(*) Hæc obseruatio *Samueli Puffendorfio* adtribuenda est, quem sequuntur recentiorum doctorum haud pauci, vid. L. N. et G. lib. III. Cap. VI. n. XI. XII.

CAPVT II.

De

EFFECTV METVS IN PRO- MISSIONIBVS EORVM QVI IN STATV LIBERTATIS VIVVNT.

§. I.

Status naturæ in æqualitate seu libertate consistit. Nam cum homines natura eiusdem generis sint, atque ordinis, sine distinctione atque prærogatiua in hanc lucem emissi, iisdem prædicti perfectionibus, iisdem etiam defectibus conspicui, neminique subiectum vero manifestum est, eos quoque in summa libertate esse constitutos, æquales inter se ac pares. Et par autem in parem non habet imperium: quidquid tibi licet, illud alteri etiam permisum censetur: omnes una eademque, ut dicitur, pertica tractantur.

§. II.

Quod, cum adfirmamus, atque homini in hac conditione existenti libertatem adscribimus, neutquam eidem infinitam peccandi licentiam tribuimus. (*) Possunt mortales de se ipsis ac rebus suis, nemine contradicente, ut liber, statuere; sed non possunt tamen semet



semet ipsos destruere; nec aliorum inuolare in iura, turbare cæteros, inuadere, lædere, violare, nisi quidem, ea, qua fruuntur, abuti libertate velint. Nec enim libertas rationis usum excludit. Homo, quamuis liber, tamen homo est, nec alteri merum incutere, aut vitæ, sanitati, libertati ac facultatibus eorum, cum quibus vna est, damnnum inferre iure potest.

(*) Consule et lege libellum Lockii de *Gubernatione Ciuiti* cap. I. §. III. sed qui tamen in eo decipitur, cum statuit, homines, in statu æqualitatis viuentes, se punire posse inuicem.

§. III.

Quod si quis legum dictata posthabendo alias secum viuentes temere nihilominus lacestat, tum is non tantum a tramite aberrat; verum etiam in latronum numero merito collocatur, ut qui parum pensi habeat, obuios quoescunque & nil tale commerentes aggredi, prostertere, metuque ostendo, spoliare. Neque enim illa sese facile probabit philosophia, quæ ius hominum in naturæ statu sola potentia, cupiditate, seu appetitu definit; ut tantum iure cuiquam liceat, quantum potentia valet, vel appetitu volet, nihilque prohibitum, nisi quod nemo cupit, aut nemo potest. (*) Hæc luporum leonumque natura est, ut quo potentia atque appetitus dicit, eant, quoque vis roburque natura indutum impellit, trahantur. (**) Hominibus rationis lux permissa est: hanc sectentur: quod illa ostendit, voluntati demum diuinæ conforme videbitur.

(*) Non dubium est, quin ita opinetur Spinoza: at iniuriam Hobbio faciunt, qui eandem illi labem affrictant. Si quando similes adhibuit voces, adhibuit comparate, hoc est, belli intuitu, quod in statu æqualitatis deuitari vix potest. In bello vero leges silent. Plura dicemus postea.

(**) Lib;



(**) Approbat hanc quoque *Hobbiius* veritatem, optatque, vt ne vnquam regnaret licentia. Sed, vtrum illa in statu naturæ tolliqueat, alterius est disquisitionis.

§. IV.

Finge igitur iam, iniuria, ac contra rationem aliquem esse læsum, ei ademptum quidpiam, aut ob promissum metu extortum adimendum aliquando: an valitrum putabis obligationis, quæ iactatur, vinculum? Et non arbitror. Deficit enim, quod necessario requiritur, ius acceptandi, deest legis, quam naturæ inditam seruamus, obseruatio, quæ, ne quis alterum temere lædat, serio præcipit. Ex actu vero in iusto, & contra lumen rectæ rationis suscepto, nihil profecto commodi, aut lucrī fas est acquirere. Ergo tota, quæ coalescere debuit, obligatio irrita erit, ac nulla, quia ex omni parte nunquam conualuit.

§. V.

Quod contra *Grotium* imprimis animaduertendum existimamus. Is enim Romani iuris auctores (*) sectatus temere credidit, promissionem eiusmodi propterea efficacem esse, quoniam consensus purus & absolutus præsto fuerit; quasi vero ad obligationem firmiter conglutinandam satis foret promittentis voluntas, nec a parte acceptantis aliquid amplius exigatur. Ex quo illa demum responsio permanauit, metum iniustum iniicientem obligari ad promissorem liberandum; quemadmodum vicissim promissor obstringatur ad soluendum. Quod breuius multo, ac sine eiusmodi circuitione fieri potuisset, si statuisset *Grotius*, promissorem ab omni obligatione esse immunem, aut, sicuti *Puffendorffius* ex hypothesi respondit, obligationem cum obligatione compensari.

C

(*) Lib:



(**) Lib: II. Cap. VII. Qui verba *Grotii* cum cura circumspicit, deprehendet, pleraque, quæ scripsit, ex idea processus coram Prætore, et Iudice pedaneo profluxisse.

§. VI.

Quæ omnia, et si sunt per se clara, nescio tamen, quid in transuersum egerit nonnullos, ut pro *Grotio* tanquam pro aris & focis pugnarent, &, quæ ingeniose *Puffendorffus* excogitauit, oppugnarent. Negant isti, quod antea adseuerauimus, infirme promitti ius acceptandi non habenti. Quamuis enim, (*) meretricula iniuste faciat, quod aliis sese, quæstus gratia, substeruat, non facere tamen iniuste, si quod libidinis cauſa promissum est, accipiat, vel datum retineat. Eadem, inquiunt, latronis cauſa est: pessime agit, cum ierrore homines innocuos ad promittendum vel dandum compellit; at nulla iniustitiæ labo commaculatur, si, quod extorsit, sibi seruet, aut, quod promittendo obtinuit, ius, prosequatur & exigat. Adeo abfione ratiocinantur, qui, auctoritate aliena decepti, falsæ opinioni se totos dedunt. Res namque eo redit, vtrum qui semel verecundiæ fines transgressus est, grauiter possit & debeat esse impudens. Potuisse *Vlpianus*, verba *Huberi* (***) sector, hac nouitate supersedere. Nam sine dubio turpitudo quæ est in prima meretricis professione durat in singulis actibus, hoc est, primo, & secundo. Qui *Vlpianum* (****) defenderunt, ad lupanaria, quæ Romæ tolerabantur, oculos direxerunt. Tu vide, an latrocinia ynquam, sicuti lupanaria, patienti animo ferantur?

(*) Inuenitur hoc argumentum in annotationibus *Guilielmi van der Muelen* ad l.c qui obnixe omnia fecit, vt in vtramque partem hanc quæſtionem agitaret: quanquam facile intelligitur, eum plus *Grotio*, quam *Puffendorfio* tribuisse.

(**) Ad



(**) Ad ff. de conditione ob turpem vel iniustam caussam.

(***) v. Struuium ad eundem Tit. n. XXII.

§. VII.

Itaque cum *Vffelmanno*, (*) quondam Iuliæ Academiæ Professore, nobis potius res erit, qui ex alio fundamento vim obligationis metu contractæ tuetur. Nam, cum vidisset, non adeo esse absolum, quod de iure acceptandi *Puffendorffii* adulit, tum vero eo est delapsus, vt adfirmaret, metu pressum, dum vere consentit, ius quoque acceptandi concedere prementi; cum nequaquam videatur verisimile, contrahentes voluisse, vt actus in vanum recideret. Quapropter magis esse, vt promissor exceptioni illi renunciasse censeatur, quam ex damno iniuria dato taluam habebat: quia alias nihil inter illos fuisse actum. Enimuero, quamquam conceditur, non esse facile in pactionibus explicandis interpretationem capiendam, quæ sit inanis vanescatque quasi in auras; tamen in hac caussa, quæ naturali æquitati repugnat, faciendum non est, vt per iniustum vim extorquenti accrescat commodum, quod tantum legitime pacientibus ex merito obtingit: vt taceam, effectum melioris conditionis non videri, quam est caussa plenissime iniusta. Neque enim fas est, vt homines, quamuis in libertate constituti, effrenes rulant, ac vim quibusvis promiscue inferant. Libertas, ius, & iustitia ex lege ante imperium naturali dimittenda est, ad cuius normam homines componere vitam debent.

(*) *Lib. de Iure, quo hom. homin. in serm. obligantur cap. VII. §. V.* Similibus ratiociniis indulserunt *Samuel Rachelius, de Princip. act. hum. I. 27.* itemque *Ioannes Logchinus Zentgrauius in summa Iuris diuini. p. 355.*

C 2

§. VIII.



§. VIII.

Dico, *debent*. Id ipse Hobbesius agnoscit, id ego, tu, hoc omnes vident; quamuis homines in libertate, ac statu naturæ positi minime faciant, nec quod suadet ratio, sollicite exequantur. Quid enim Principes, respuplicæ, ciuitates, atque integræ gentes aliud agunt quæso, quam quod appetitus itemque potentia suadet? Eam ob caussam *Malmesburiensis* Philosophus statum violentiæ ac belli statum naturæ appellauit, non quod nescireret, rationem pacis ac tranquillitatis amabiles fructus commendare, sed quod perspiceret, hominum naturam ita nunc esse conuersam, ut rigore imperii sublato, quasi excussis frenis, currant, &, quo pes fert, dissolute euagentur.

§. IX.

Exempla omnium sæculorum annales suppeditant. Quid namque nostri olim egerint Germani acutus *Tacitus* ostendit; quid interregni tempore contigerit, memoria tenemus; quæ in Frisiā irrepserit calamitas doctus *Huberus* (*) ostendit, aliique, qui gentis memoratæ res gestas literis consignarunt; quas turbas in nouo orbe obseruauerint Europæi, itidem scimus. Quamobrem status pacis mentis tantum præcisione concipi, ac delineari potest: reapse vix datur, si quidem imperii vinculum tollas, quod gentes liberitate vtentes in vnum ciuitatis corpus compingat.

(*) De *Iure Ciuitatis* lib. I. Sect. I. cap. III. n. VII.

§. X.

Nec iuuat, quamuis dicas: (*) statum libertatis proprie & accurate loquendo, nec statum pacis, nec etiam belli esse, sed medium forte, & confusum ex v-

tro-



troque chaos, plus trahentem de statu belli, quam pacis. Sufficit enim nobis, quod, qui sic philosophantur, insignem agnoscant confusionem, & semina tranquillitatis sat fateantur tenuia, quæ violentæ appetitio-nes facile suffocent. Iam vero alias constat, in moribus idem fere videri, non esse & non apparere. Quocirca, cum non appareat pax, seu stabilis inter eos, qui nullis imperii habenis reguntur, tranquillitas, relinquitur sane, vt de illa in statu libertatis frustra differamus, quia extra cerebri nostri, ingeniique ambitum ostendi dissentientibus nequit. Quis enim in summa libertate coluit pacem? (**) quis fruitur illa? Credo, singulos quoque, si Magistratus cessaret auctoritas, belli discrimen propriis experimentis ea ratione fore cognituros, qua Principum ac ciuitatum æternas discordias habent perspectas.

(*) Tuetur hanc sententiam D. Thomasus in fundament.
I. N. l. c.

(**) Exaudimus equidem pacis dulce vocabulum, sed rem ipsam nunquam videmus, aut gustamus. Quiescunt gentes per breve interdum temporis spatium: ad perpetuam tranquillitatem nunquam coeunt. Quis vero solitaria pugna certantes, cum quiescunt paullulum, dixerit amicos?

§. XI.

Itaque nullum mihi dubium hæret, quin iuriis disceptatio in hac confusione, & gentium diffidentia futura sit obscurissima. Nam, etsi generatim definiri potest, vtrum pactio metu inita sit valida, an minus; itemque quis iniuste alterum inuadat, quis iuste itidem inicutiat metum; vereor tamen, vt illa vaga ac generalis descriptio aliquem in actibus rerum usum præstet.

C 3

Ne-



Neque enim est quisquam adeo barbarus, qui iustitiam non sumat (*) obtentui. Conquirit ferocissimus quisque belli, quod gerit, iustificas caussas, describit, palam profert, explicat, omnibusque, qui legunt, anxie persuadere conatur, se iure optimo cepisse arma, hostemque, vel hostilia minitantem, ad officium coegisse.

§. XII.

Quæ, cum clare ab unoquouis comprehendantur, in eam fere opinionem propendo, omnia, quæ disputantur, ac nos quoque disputauimus, ad speculationes, quamuis ingeniose excogitatas, & ideas Platonicas pertinere, quæ ad caussas liberarum gentium felici successu applicari nequeant. Et hæ enim vel in perpetuo bello, vel metu, qui belli præludium est, vel summa confusione viuunt. Vbi vero bellum, metus, confusio primas tenent, ibi sane irrito conatu leges in subsidium vocantur, quæ tum demum obtinent, vbi de facto clarissime constat, aut per testes illud aliaque probatum generâ ad summam euidentiam deduci potest.

(*) Putat *Grotius*, lib. II. de I. B. & P. cap. XXII. n. III. esse nonnullos, & fuisse, qui iustificas caussas non curauerint: talem Brennum, talem Annibalem, talem Attilam describi, quibus pro foedere proque iustitia gladius fuisse. Verum recte respondent alii, & nos cum illis: scriptores partium studio incensos haud raro bella non caussis, sed prout eorum merces fuit, inita adfirmare. Quis vero Romanis de Hannibale conquerentibus credat? Christianis historiarum auctoribus quis? cum debacchantur in Attilam? Defendit Attilam Bonfinius, Hannibalem tueri alii sine negotio possent.

§. XIII.

Quod, cum fere cerneret *Hugo Grotius*, Vir
cla-



clarissimus, nec tamen ob hypotheses semel approbatas vestigia retro legere eidem integrum esset, ad ius gentium voluntarium, tanquam ad atulum sibi semper apertum, configit, (*) quo exceptioni metus iniuste illati locus non sit circa ea pacta, ad quæ per vim & metum belli solennis, siue talis, quod iure gentium iustum habetur, præsentes tuerint adacti. Quod perinde profecto est, ac si ingenue foret fassus, legem quidem de iniusto metu non inferendo in genere cognosci, sed commode applicari, ob defectum iudicis visibilis, minime posse; eoque ius acceptandi neutri deesse.

(*) Lib. III. de I. B. & P. cap. XIX. §. II.

§. XIV.

Quis enim, quæso, inter belligerantes id sibi sumeret, vt hunc iniuste, illum iustissima ratione arma corripuisse sit pronuntiaturus? an hostis? at tum eadem iudicandi facultas alteri quoque in propria caussa erit attribuenda? An aliae gentes? at hæ pares non tantum sunt, verum etiam vel ab illo, qui bellum gerit, longe sunt remotæ, vel eum contingunt proxime. Si hoc, aut hostes erunt, aut odio arcano prosequentur. Est enim finitimus semper litigandi materia. Sin illud, circumstantias odii, & totius incendii caussas nec cognoscant exacte, nec etiam, si cognoscerent, cum auctoritate de illis, quia sunt æquales, iudicium ferent. An totus orbis? Sed nunquam ita in vnum conspirabunt omnes populi, vt hunc absoluendum, illum condemnandum sint iudicaturi; vt taceam, totius orbis iudicium non nisi ab iis, qui oratorios amant flosculos, (*) & hyperbolis adsueuerunt, vrgeri. Verumtamen finge, plures gentes condemnare bellum, veluti ini-

quum



quum, & contra iustitiæ regulas suscepsum, forte ne sic quidem de illo, contra quem conclamatur, erit aetum. Maior suffragiorum pars non tam in statu libertatis, quam imperii aliquid prærogatiæ obtinet. Et tum vero iterum foret quærendum, vtrum maior pars sanioribus rationibus sit suffulta, quam illa altera, quæ minori suffragiorum numero nititur. Nec obest, vnumquemque proprio mentis iudicio peruidere, penes quem præsidium iustitiæ sit, vel etiam non sit: aggressorem in oculos incurrire, ausuque iniquo molientem bella. Valde enim dubito, an id adeo facile factu, tamque clarum, quod iactant, videatur. Sæpe aliquis pro aggressore habetur, qui se protegit, & arma ad sui tutelam prehendit. Principibus laxius defensionis spatiū permittitur, quam illis, qui sub iurisdictione superiorum, tanquam priuati, degunt. A veritate procul abest, eum, qui aggreditur, agere semper iniuste. Sicuti is, qui inchoat litem, non statim iniustitiæ labé commaculatur; ita etiam ille, qui gladium e vagina primus educit, latronum gregi non erit continue adiungendus.

(**) Res omnis eo tandem recidet, an is qui aggreditur, aut etiam sese contra vim peregrinam tutatur, legitima caussa subnixus id faciat? at caussa ambigua semper futura est, quia magis de facto, quam de iure disceptatur. Sed factum vero, quis non occultat, varieque conquisitis argumentis inuoluit? In moralibus, inquit Grotius, (***) circumstantia etiam minime variant materiam; & formæ de quibus agitur, solent habere interiectum aliquid, ea latitudine, ut modo ad hoc, modo ad illud extreum propius accedatur.

(*) In quorum classem *Lactantium* referto, qui gentium consensu naturæ vocem appellauit.

(**) Ad-



(**) Adde quæ in obseruationibus selectis leguntur, Tom. IV. Obs. VIII.

(***) Lib. II. cap. XXIII. n. i.

§. XV.

Magis speciosum est, quod alii vrgent : principales bellum motores esse semper plures ; & fieri vero vix posse, quin bellum vtrinque iustum pronuntietur. Ego vero metuo, ne, dum ita ratiocinantur, non obtineant, quod animo intendunt. Etsi enim repugnat, vt duo æquale & perfectum habeant ius vnam eandemque rem petendi, ac denegandi, hoc est, vt caussa belligrantium in se vtrinque sit iusta ; non est tamen id rationi, atque experientiæ adeo contrarium, vt neutrius caussa sit iniusta. Iniuste namqne agit nemo, nisi qui & scit, se rem iniustam agere. Multi autem id ob ignorantiam ineuitabilem nesciunt : multa etiam tam in iure, quam in facto, vnde ius oritur, fugere homines solent. Igitur iuste, id est, bona fide litigari ac pugnari potest vtrinque ; vt neuter etiam ex oratoribus de numero Virorum bonorum videatur euellendus. (*)

(*) vid. Grot. de I. B. & P. lib. II. cap. XXIII. §. XIII.

§. XVI.

Ergo, cum in iuris disciplina eodem, vti ostendimus, recidant, non esse, & non posse ostendi ac demonstrari, facere certe nequimus, quin iustitiæ atque iniustitiæ ambigua vocabula in controuersiis liberarum gentium paullisper seponenda, aliudque fundamentum ad stabile robur eorum pactionibus conciliandum arbitremur querendum. Quod sine ementito (**) iuris gentium præsidio fieri potest. Neque enim inficiabitur quisquam, Principes, cum ferrum inter se stringunt, ac iuris controuersi lites armis disceptant, in id in primis

D

in-



incumbere, ut, quod incertum hactenus apparuit, efficiatur certum, odiumque, quod æternum alias esset duraturum, finiatur quadantenus. Sed, cum ad hunc finem consequendum gladium vtrinque eligant, qui sine violentia ac metu vibrari vix potest, colligitur sane, ut quod placuit partibus, veluti iniustum reiici deinde nequeat, nisi quidem repugnantia admittere consultum existimemus. Prope enim ab amentia is videretur abesse, qui in decisionem armis faciendam consentiret, nec tamen consentire posthac vellet, qui vim intentaret, & intentandam vtrinque iudicaret, deinde vero contra vim iniustam multis verbis peroraret. In libus, fateor, priuatorum terminandis omnis armorum furor atque metus, quem partes sibi obiificant, procul remouendus est, quia lenioribus remediis & iudicis, quem agnoscunt, arbitrio ad concordiam reduci debent ac possunt. At, qui in excelsa ætatem agunt, ac soli DEO subiectos se se profitentur, ipsimet in his terris actionum suarum iudices sunt, ferroque sibi viam ad pacem aperiunt, aut saltem aperire consueuerunt.

(*) Potest equidem commode exponi *Grotius*, iuris gentium vocabulo nimium fauens: Sed cum tamen ambiguum sit, ac variis λογοπαχταις ansam præbeat, illud merito defugimus.

§. XVII.

Quod si quis obiiciat, Martis aleam anticipitem effe, ac viam fortunæ immerentibus sèpe palnam porrigerere, ei facile repono: cessare hic prorsus merentium atque immerantium, iustitiae atque iniustitiae cascas voces. In hac caussa aliquid sorti affine deprehendi, cuius iudicio litigantes pacis conditiones accipient.

Quod-



Quodcunque Mars decernit exæquat duos
et iniquum licet impares sint, gladius, & spes, & metus
obnoscens cæca versat. (*) ab alio non possunt
 Ciuii iure transactiones stabiles videri, quamvis ali-
 quid datum fuerit, remissumque, atque is qui transegit,
 non nihil damni sentiat. Inter gentes armis decerni,
 quæ verbis componi nequeant, sanguine acquiri, quæ
 æquitate obtainere vix liceat. Atque id vero inter par-
 tes probari, ab iis cognosci, in id compromitti : ab e-
 iusmodi pacto autem, compromisso, transactione, tan-
 quam a re iudicata, minime esse abscendendum. Vi-
 etorem quippe ius habere cogendi alterum ; nec co-
 actam voluntatem non esse voluntatem. Semper, ubi
 electio euadi non potest, in comparatione malorum,
 boni locum obtainere leuius.

(*) Seneca Thebaid. v. 629.

§. XVIII.

Quod, quum suis, ut fas est, ponderibus exegi-
 set Didacus Saavedra, (*) scriptor Hispanus, tandem
 de vi ac necessitate in pactionibus bellicis grauiter con-
 cludit : *Si ideo fallenda esset fides publica, nullam unquam*
fore de urbe aut exercitu dedendo compositionem, nullam
pacis trattationem, que sub isto titulo rumpi non posset. Et
 gerimus enim bella, & vim paramus, & victorias tri-
 umphosque optamus, ut tandem aliquando tranquilli-
 tas, quamvis temporaria, reducatur. At, quid prodes-
 sent tropæa ac victoriæ, quid illa timoris significatio,
 illa mentio pacis, si, quod promittitur, irritum sit, quod-
 que datur, reuocari quocunque tempore, & extorque-
 ri, quandocunque lubitum fuerit, licite (**) possit ? Qui
 in libertate viuunt, non aliud expediendæ salutis re-

D 2

me-



medium habent: consentiunt in metum, vim, strages, vulnera, carceris molestias, quas, ut deuident, saepius ληπτέον τῶν κακῶν, hoc est, de malis minimum paciscendo eligunt, eligendoque approbant.

(*) Symbol. Polit. XCIX. §. Conclusa p. 768. Cui *Werlhofium* adde virtuti longiori vita dignissimum in dissert. de *Pacis liberarum gentium*. §. XXIV. p. 47.

(**) Fuit, qui oppoheret: parum videri interesse, siue pacta inter liberas gentes alicuius firmitudinis dicantur, siue minus, maximie cum nulla inter eas pax stabiliri certa queat. Sed est illi responsum: iam non quæri, an inter populos in statu naturæ constitutos æterna unquam coalitura sit tranquillitas; verum an pactio, qua otium saltem temporarium fuit promissum, ex capite, quod metus causâ, infirmum ac nullum sit pronuntiandum.

§. XIX.

Quibus ita constitutis, facile nunc quidem de celebri Madritiano pacto, aliisque foederibus pacis metu extortis iudicium ferri potest. Est enim e *Guicciardino*, (*) *Belcario*, (**) aliisque notum, Franciscum Regem propterea implere, quæ promiserat, abnuisse, quod ab homine, qui sui iuris non fuerat, vi essent extorta. Cæsarem humanæ conditionis, tot fortunæ iniuriis obnoxiae, oblitum se ante custodiæ inclusum non nisi durissimis conditionibus liberasse: perpetuos carceres facinorosis hominibus esse destinatos: bello captos, & fortunam minus propitiam expertos iisdem detineri, Christianorum leges non permettere: vt obseruetur, quod quis libere nunquam pollicitus esset, nulla religione præcipi. Addebat Præses Parisiensis curiæ Selua, consilii huius Auctor, Zabarellam Cardinalem in consiliis suis ingenu



nue docuisse, quod in eo genere vi metuque foret gestum, ratum non haberi: Ioannem Cypri Regem, qui a Genuensibus captus filium obsidem dederat, neque fidem seruasse, neque etiam vlla ratione se obstrictum hostibus iudicasse. (***)

(*) Hist. Ital. libro XVII.

(**) Commentar. Rer. Gallicarum L. XVIII. p. 572. s. Et scripsit vero Franciscus Belcarius Episcopus Metensis pro Francisco & Galliae Regibus potissimum, ut, quæ acerbe interdum enuntiasset P. Iouius, castigaret, quæcum omisisset Franciscus Guicciardinus, vel minus curate narrasset, itidem suppleret, atque in melius conuerteret.

(***) vide Ioannem Bodinum de Republica lib. V. c. VII. p. 931.

§. XX.

Quæ omnia, cum primo obtutu eloquentiæ pigmentis obducta considerantur, imperitis imponere facile possunt, peritioribus non item. Vnde cordate Bodinus, ipse met Gallus, patria Andius: Miror ego, inquit, non erubuisse Principem tanti Senatus, quo nullus toto terrarum orbe illustrior est, non modo iuris facialis imperitum hominem testem laudare, sed etiam eius tam ineptis argumentis se munire. Nam, dum Franciscus ad arma prouolauit, & bello finire litem cum Carolo statuit, frustra nunc hercule vim occinit metumque, & ad Christianorum leges prouocat, vt potè quæ iniquitatis arguerent magnos Principes vinculis mancipantes. Vbi vbi enim hæc talia leguntur? Quod si Christianis integrum est, arma armis propulsare, ac cæde, deuastatione, incendiis nocere hostibus, integrum quoque erit hostium capita, id est, Principes in potestatem redactos tradere carceri, eosque longioris captiuitatis imagine terrere, vt, quod sine cruenta sanguinis humani effusione obtineri nequit, obtineatur pactionibus eorum, qui carceris



ceris tædio lassati de pace tandem magis serio cogitant.

§. XXI.

De cetero diffiteri nolo, me in admirationem quisse adductum, cum Franciscum Regem Christi leges allegasse animaduerterem. Hoc enim, si intra priuatum tecisset, eoque modo non tanquam Rex, sed tanquam alias homo singularis differuisse, terendum omnino, & consideratione vltiori dignum, quod dixit, iudicasse. At, cum more aliorum Principum non alia religione inflammatus egerit, quam quæ propriæ utilitatis velamento tegitur, peregrinum videbatur, ne dicam, inconcinnum, piæ in hac caussa doctrinæ exercitium (*) inimico Cæsari commendare, qui regnandi artibus non minus, quam ipse Rex Gallus, aliquid indulgendum statuebat.

(*) Notatu digna Clarissimi Bælli obseruatio videtur, quam occasione Agesilai Spartanorum Regis lit. G. in medium tulit. En conuersation, inquit, Agesilaus ne parloit, que de justice ; ce étoient les plus beaux discours du monde, que les siens. Entendant dire, qu' vne certaine chose étoit agreeable au grand Roi, par où est-il plus grand Roi, que moi s'il n'est plus juste, demanda-t-il ? voilà vne belle theorie mais la pratique n'y repondoit pas, lors qu'il s'agissoit de son Roiaume. Je veux croire que pour des intérêts particuliers il n'auroit pas facilement contrevenu à ses lumières, & ce par là que ie pretens que il avoit l'esprit & la Religion d'un Souverain. Combien y a-t-il de Rois & de Princes zélez pour leur Religion, équitables, & honnêtes de leur personne ; mais s'agit-il de nuire à leurs ennemis, ils suivent tous ou presque tous les maximes de Lacedemone ? Ce seroit ie croi vn livre de bon debit que celui, de la Religion du Souverain : il feroit oublier celui



de la Religion du Medicin. P ay oui dire depuis deux iours à vn homme de merite, qu'vn Prince Italien demandant des conditons trop avantageuses, lorsqu'il negocloit vn Traité de paix avec vn puissant Monarque, qui lui auoit enleué la plupart de ses Etats, l'Envoié de ce Monarque lui repondit : mais quelle assurance voulez vous, que le Roi mon maître puisse prendre, s'il vous rend tout ce que vous demandez ? Assurez-le, repliqua le Prince, que ie lui engage ma parole, non pas en qualité de Souuerain, car entant que tel il faut, que ie sacrifie toutes choses à mon agrandissement, & à la gloire & à l'avantage de mes Etats, selon que les conionctures s'en offriront ; dites lui donc, que ie lui engage ma parole, non pas sous cette qualité-la : ce ne seroit rien promettre, mais comme Caualier & honnête homme. Quoique ce langage ne repond point aux idees de ceux qui ont introduit dans le style de la Chancellerie la formule, nous promettons en foi & parolle de Roi, il est pourtant très-sincere & tres-raisonnable. Faisons encore deux remarques. Premierement ie distingue entre ce que croioit Urbain VIII. et ce que croioit Maphée Barbarin. La Religion du Souuerain entant que tel, & la Religion personnellement parlant sont deux choses. Autre &c.

§. XXII.

Ea propter maiori forte specie alii pro Francisco adulterunt: illum non potuisse cum hoste ea ratione pacisci: Principem captiuum, & qui in alieno territorio ita vituit, vt actiones circa imperium alibi situm liberæ ei non permittantur, pro mortuo haberí, eoque ciues promissis, quæ fecit, non teneri. (*) Quod, etsi, vt diximus, maiori verisimilitudine nititur, non habet tamen sat rationis. Nam, dum populus consensit cum Rege, vt bello adoriretur Imperatorem, congruit etiam probauitque, vt, si fors ferret, ac Mars communis, me-
tu



tu adigeretur ad pacis foedera ineunda. Aliud foret, si Demetrium Macedonem (**) esset imitatus Franciscus, qui, cum in potestate Seleuci non satis libere viueret, vetuit, aut sigillo, aut litteris suis credi, sed omnia, quasi se mortuo, administrari voluit. Et id autem, testantibus eius saeculi annalibus, neque fecit Rex, neque ut fieret, iussit.

(*) Eo pacto partim aperte, partim quoque occulte Franciscum excusare coniunctus est Hugo Grotius in opere immortalib. I. cap. III. n. XXIV. Ioannes Bodinus de Republ. lib. V. cap. VII. p. 931. David Blondellus in præfatione Apologetica.

(**) Apponam. quæ habet Plutarchus in Demetrio p. 914: edit. Xylandr. Ο δε Δημήτριος εν τοιάυτη τύχῃ γεγονὼς ἐπέσειλε πρὸς τὸν οὐον καὶ τὰς περὶ Αθῆνας καὶ ιορδίου πηγεῖον, καὶ Φίλες, μήτε γεράμιασιν αὐτῷ, μήτε σφραγίδι πισέναι, ἀλλ’ ὡσπερ τεθύμησος, Αιγαίονω τὰς πόλεις καὶ τὰ λοιπὰ πράγματα διαφύλαττεν. Demetrius vero, postquam in eam decidit fortunam, mandauit filio ducibusque & amicis, qui Athenis, & Corinthi erant, ne litteris vel annulo suo fidem adhiberent, sed, ac si mortuus sit, reseruarent oppida & reliquias regni Antiocho.

§. XXIII.

Quanto rectius, Ioannes Valesius, Caroli V. sapientis Pater, incessit, qui, quam Eduardo III. Angliae Regi, quanquam custodia detentus, fidem obstrinxit, exactissime seruandam implendamque statuit. Suaserunt etiam tunc temporis nonnulli, ut ne staret promissis, sed metus exceptionem Britannis obiceret. Verum ostendit Froissardus, (*) æqualis ea ætate scriptor, illum nullis compelli argumentis quiuisse, ut a pactis & iureiurando tantillum discederet. Adeo ei sanctum, quo alias frequenter usus erat, videbatur verbum: que
quand



quand la foy & l'assurance des promesses seroient banniés du monde, si deuoient estre infallibles en la boche du Prince, quoiqu' il ne peult estre forcé de tenir sa parole. Eam ob cauſam denuo in Angliam transfretauit, vt filium suum obſidem datum propter abitionem excusaret; ne rupti foederis ſuspicionem præberet.

(*) c. 173. seq. c. 214. seq.

§. XXIV.

Quod, cum memoria teneret Franciscus, in pri-
mis egit, ne hoc ſibi exemplum fraudi foret. Idcirco
coram Pontificis maximi & Venetorum legatis de du-
ræ captiuitatis moleſtiis conqueſtus eſt, eamque cum
tolerabili custodia Ioannis Valesii diligenter contulit.
Duos, aiebat, (*) Gallorum Reges bello captos fuſſe Ioan-
nem huius nominis prium, ac ſe quoque ſui nominis pri-
um Galliarum Regem ex eadem, ex qua Joannes, Valesia
familia oriundum: illum ab Eduardo III. huius nominis
Angliae Rege benignè exceptum, magnis ſemper honoribus
affectum, in libera custodia relictum, ad eandem mensam
ſepiuſ vocatum, ea demum cum Eduardo familiaritate con-
iunctum fuſſe, ut frequenter una venationibus, aucupiſ-
que operam darent; nec minus aquas inde Eduardum pa-
cis conditiones retuliffe, quin potius capti Regis amicitiam
ita ſibi confirmaffe, vt Ioannes in Galliam reuersus, & ſui
plane iuris in Angliam ad iniurendum hospitem redierit, &
grati animi insigne documentum dederit. Se vero longe
aliter habitum a Cæſare nunquam, niſi moribundum, inui-
ſum, dum ſortem ſuam iniquiſſimam execratus diutius ſu-
perſtes eſſe nolle. &c. Vnde elucet, Franciſcum exi-
ſtimaffe fere, Ioannem in libera custodia, ſe vero coa-
ctum, & vi metuque compulſum promiſſe. Id vtrum
E ei



ei auxilio sit futurum, dubito. Custodia enim custodia est, nostraque opinione perdifficiliter arcta, minusque arcta, vel arcta & arctior internoscitur. Atque hinc vero factum est, ut nonnulli custodiam, veluti humnam, ac Regis captivi dignitati congruam descripserint. Ipse Belcarius, (*) apud quem tot querimonias iactat Franciscus, candide adfirmat, eum in arce Madritia tam laxe fuisse afferuatum, vt, quoties velle, mulæ infidens, iustoque stipatus præsidio inde potuerit exire. Franciscum vero carceris duritiem, ne dicam, squalorem conquisitis in hanc rem verbis, exaggerasse, mirum non est. Sed fac tamen, vociferationes Galli veras fuisse: finge quoque, Cælarem multis firmisque præfidiis obfessum, quid? quod vinclum in tenebris circumclusisse, forte ne sic quidem iustum conquerendi caussam habebit captivus. Frustra quippe hostis, ira nondum deposita, quodam quasi iure exposcit, quæ vix permituntur amicis. Ut venatum ducat victimum, vt aucupiis recreet in suam potestatem redactum, nulla lege obstringitur victor. Talia humanitatis officia eiusdem clementiae ac benignitati relinquuntur. Benignitas autem virtus est, ad virtutem nemo, veluti ex syngrapha obstringitur, seu, quod eodem recidit, nemo per iustitiae regulas obligatur: vt prætereamus, Franciscum Madritio iam profectum noua pactione firmasse priorem. (***)

(*) Belcarii stilo satis nitido utimur consulto, cum nemo fere sit, qui viuide magis mentem Francisci exprefserit. v. p. 572.

(**) Commentar. Rer. Gallic. lib. XVIII. ad a. clo lxxxv.
p. 562.

(***) Egregius in hanc rem locus inuenitur apud Alphonsum

sum Vlloam scriptorem Hispanum nella vita di Carolo V. Lib. II. fol. 71. quem, vt excerptit Werlhofius, cum Lectore communicabo: Rispose il Rè Francesco, che egli hauea fermissima volontà di conseruar inuiolabilmente quella pace & amicitia tra loro fatta, & che attenderebbe realmente à quel che haueua promesso in Madrid senza alcun fallo, & così il giurò da vanti una croce che trouarono per la via. Et all' hora l' Imperatore replicando disse: il medesimo vi prometto, & giuro io, d' efferui buon fratello, & amico, & d' attendervi, a quanto per mia parte vi è stato promesso. Et dall' altro canto vi dico, ch' io vi riputardò huomo vile & indegno principe, se non m' attenderete a quel che m' havete promesso. Et con questo abbracciandosi strettissimamente tolsero comiato l' un dall' altro.

S. XXV.

Noui equidem, quosdam Gallorum in hac causa distinxisse bella, quæ veluti aleæ contractus, ineuntur, ab illis alteris, quæ ex necessitate ob aggressoris vim iniustum suscipiuntur. In illis valere inquiunt, quæ victoris coactu sunt gesta; in his non item. Cum quibus easdem Puffendorfium (*) tibias inflasse, vehementer miramur. Ostendimus enim supra, vim iniustum, simulatque aggressorem in actibus rerum vere demonstrarri vix posse. Nam quod de Karthaginensibus ex Polybio (**) adfert, vt qui fidem propterea fregissent, quod Romani per occasionem Sardiniam sibi, quamquam offerentibus pacem, magnamque pecuniæ vim inique extorsissent, nihil est. Habuerunt sine dubio Romani iustificas, quas ipse Polybius (***) commemo- rauit, belli caussas: de his autem quis iudicabit? quis omnes facti circumstantias sigillatim excutiet? quis probationes atque argumenta hinc inde allata penfici- labit?



labit? Simulamus s^ebe pacis studium, alioque dulci vocabulo decipimus: in animi penetralia nemo introspicit, eoque frustra iuris auctores occidunt, videndum esse, an ex animi sententia aliquis pacem cupiat. Quod si dicas, Polybium tandem pro Karthaginensibus pronuntiasse, repono: vnius aut alterius scriptoris dictata cordatos rerum aestimatores facturos parui. Habant etiam Romani suos defensores: (****) quid? quod inter antiquos deprehenduntur pauci, qui pacta bellis publicis expressa in dubium vocarint. In nouitiis scriptoribus maior numerus comparet, qui exceptioni quod metus caussa etiam inter liberas gentes locum reliquerunt.

(*) Lib. VIII. cap. VIII. §. I.

(**) Adscribam narrata Polybio lib. III. Hist. cap. XXX.

p. m. 256. edit. Gronov. Εἰ δὲ τὴν Σαρδίνην ἀφαιρεσθι,
καὶ τὰ σὺν ταύτῃ χρήματα, πάντας ὄμολογητέον, ἐνδογεις πε-
πολεμικένεα τὸν καθ' Αννίβαν πόλεμον τῆς καρχηδονίας. Καὶ μᾶ-
γαρ πειθέντες ἡμύνοντο τὰς σὺν κομῷ βλάψαντας. *Sin belli
caussam statuas ademtam Sardiniam, & pecuniam simul
extortam: fatendum omnino, iustum Carthaginenses ha-
buisse caussam eius belli gerendi, quod duce Hannibale fuit
gestum: occasione enim inuitati, eos ultimi iuerunt, qui per
occasione temporum ipsis nocuerant.*

(***) Libro I. circa finem. Linius Lib. XXI. cap. i. fraude
ademtam Sardiniam affirmat: sed *fraus* apud illum in-
genii follertia sonat.

(****) *Silius Italicus* Hannibalem, quem Sardinia amissa vreb-
bat, vix aliis, quam magnum prædonem, coloribus de-
pingit: quod indicio est, non idem omnes sensisse cum
Polybio: ut taceam, quæ *Albericus Gentilis* pro iustitia
armorum Romanorum adulit.

§. XXVI.



§. XXVI.

In quibus cum Pontificeis Romani familiam ducent, fas erit, subiicere exempla, ne, quod affirmamus, criminatio videatur. Et occurrit primo Ioannes IX, qui vñctionem Arnulphi Imperatoris eiusque coronationem, vñpote barbaricam, quæ per surreptionem Formoso Pontifici fuerit extorta, publico decreto abrogauit. Extat illud apud Labbeum Tom. IX. Conciliorum estque ordine sextu[m] i[us] pro Lamberto Guidonis filio eiusque ad imperium sublatione conscriptum, atque editum.

§. XXVII.

Alter Paschalis est, ordine secundus. Hic enim, vti e Petro Diacono, aliisque æqualibus auctoribus constat, post Henrici IV. excessum, sollicite laborauit, vt ius confirmandi Episcopos in Germania & Italia sibi ab Henrico V. filio relinqueretur. Id vero cum Henricus negasset, ac summi hunc sacerdotem militibus e templo, cum Cardinalibus, & nobilibus abstractum in custodiam tradidisset, compulsi tandem sunt & Paschalis, & eiusdem amici, vt, quod Imperatori, tremebantibus multis, abstulerunt, plurimis applaudentibus redenter coacti. Et tum igitur ex parte Pontificis est quæsitum, vtrum promissio vi extorta Christi (*) Vicarium obstringat? Et nemo in Concilio, quod Paschalis a. clc XII in Laterano congregauerat, ausus est adfirmare, Maximum Pontificem, & qui cum eo una promiserunt, teneri. Tantum id maxime deliberantium animos vssit: qui fieri possit, vt Paschalis ab obligatione liberaretur, quippe qui Cæsari promisisset iurato, ne se ob huiusmodi confirmationes, quas inuestituras appellant, de communione Christianorum depelleret. In eo ad vnum omnes consenserant, pa-



Etionem violentis mediis expressam non valere prorsus, de iuramento vero Cæsari præstito, hæsitabant. Ergo Gerhardum Engolismensis præsulis (**) consilium tota Synodus secuta est, qui priuilegium Henrico de inuestitibus concessum irritum, ac diris deuouendum, Imperatori autem inuestituras danti, ob iuramentum Paschalis, parcendum iudicauit, quemadmodum a Nicolaio Aragonio in Actis huius Concilii memoriæ proditum obseruamus. Similia Ordericus Vitalis hist. Eccles. lib. X. refert: *Papa, inquit, solerti custodia detentus omnique solatio destitutus, Imperatori, quicquid petierunt, concessit.* Robertus autem Parisensis, quasi Episcopus Leonensis, & Pontius Abbas Cluniacensis, aliisque plures de Cardinalibus & Prælatis Ecclesiarum Papam redarguebant, & quidquid Imperatori verbo, seu scripto concesserat, irritum esse debere indubitanter censebant. Et habuisset sane ille, quo vtebantur, obtentus aliquid speciei, si Pontifex vicariam Christi potestatem in his terris exercuisse, aut Cæsar ei aliquid iniqua ratione extorsisset. At, cum exploratae veritatis sit, Pontificem ius confirmandi Episcopos nec habuisse vñquam, sed inique illud eripere possidentibus statuisse, sine negotio conficitur, vt tam Paschalis, quam eius adiutores a veritate declinauerint, cum de metu iniuste sibi iniecto sunt conquesti, & omnia contra leges, moresque maiorum per furorem esse gesta alte intonuerunt.

(*) Ne gratis hæc videamus finxisse, audiamus Pandulphum Pisanum vitæ Paschalis II. scriptorem. Hæc, inquit, *acta sunt mense Februarii II. Idus, anno Dom. Incarn. M CXI. Indic. IV.* Eodem namque die Dominica, qua legebatur Euangelium, Assumst Iesus duodecim &c. & ait, illis ecce ascendimus Hierosolymam, ascensio ista descensio fuit: quo-

quoniam ut Dominus a malignis perpeſſus eſt iniuriam, ſic
& iſte a barbaris malitioſe captus eſt.

(*) Legi meretur Anonymus Auctoṛ apud Labbeum Tom.
II. Bibliotheç. p. 249. qui historiam Pontificum, & Co-
mitum Engolismensium recitat, & de Gerhardo Engolif-
mensi cap. XXXV. multa ad rem præsentem facientia li-
teris prodit. Vixit is circa a. c. CLIX.

§. XXVIII.

Sed eſt hæc, fuitque, & erit quoque omnium
Sacerdotum, qui Romæ imperitant, conſuetudo, vt,
dum cogunt, iuste, dum coguntur ipſimet, aut eorum
amici, iniquiſſime id factum quaſi pro tribunali pro-
nuntient. Qui Innocentii III. hominis in fraudem a-
cutiſſimi, litteras cum cura legunt, veritati, quod adſe-
ueramus, conſentaneum deprehendent. Nam, cum
Hermannus Thuringiæ Landgrauius copiis Philippi
Suevi ad incitas redactus, ab Ottone Bruniſiensi, cui
Papa impenſe fauebat, deficeret, ſequentes ad eum an-
cl. CC. litteras deſtinauit: *Quia liberæ voluntatis arbi-*
trium, quanto violentius quis flectere nititur, tanto amplius
in puritate ſuipropositi confirmatur, non credimus, quod
violentia Ducis Sueviā tuam mutauerit voluntatem, &
animum variauerit, licet coactus fuerit militare. Cum ergo
neceſſitate ceſſante, ceſſare etiam ſoleat neceſſitatis effectus,
monemus nobilitatem tuam & exhortamur attentius, & per
Apoſtolica tibi ſcripta mandamus, quatenus, cum tempus ac-
ceperis, ad cariſſimi in Christo filii nostri illuſtris Regis Ot-
tonis in Romanorum Imperatorem electi fidelitatis obſequi-
um ſine dilatione qualibet reuertaris. Eadem fere ad
Bohemiarum Regem ſcripsit, vt ex Registro, quod vocant,
Innocentii III. de negotio imperii elucet: *Sicut nuntiis*
& litteris tuis nobis multotiens intimasti, ab obſequio ca-
riſſimi in Christo filii nostri Regis Ottonis illuſtris non vo-
luntas, ſed neceſſitas te subduxit, integrum ei fidem ser-

11735



uans in pectore, quam non poteras in opere demonstrare.
Cum ergo iam ipsa necessitas diuino iudicio sit sublata, ex-
cusationem honestam prætendere non valeres, si ei de cetero
non impenderes auxilium & fauorem. Tu ergo, fili car-
sime, diuinæ dispositioni consentiens, quæ caussam ipsius Re-
gis evidenti iudicio approbavit, nostrum in hac parte iudi-
cium approbando, patenter & potenter eidem ad hæreas, si-
dem ei præstitam conseruans illasam; ut per hoc diuinam
& apostolicam gratiam vberius merceris. At alio plane
verborum circuitu vsus est, cum Philippi res essent af-
flectæ, & Ottonis arma præualerent.

(*) In vulgus illud illustrissimus Paderbornensium Episco-
 pus, e Furstenbergiorum familia oriundus, opera Stephani
 Baluzii emisit.

§. XXIX.

Quis igitur miretur, Cardinalem de Zabarellis,
 aliosque Præfulis Romani partibus strenue addictos
 in eam esse opinionem prolapsos; metu extortas Principum promissiones nullius roboris esse? Habent illi Christi Vicarios præeuntes. Ea ratione Franciscum I. Clemens VII. non tantum a promissione per vim elicita temere absoluit, verum etiam eo cum maxime incitauit, ut rupta pace sacro accederet fœderi, cuius conciliatorem semet serebat bellicosus Pontifex. (*) De Paullo IV. ipsi scriptores Galli talia recensent, ut belli inter Philippum Hispaniarum & Henricum II. Galliarum Reges conflati auctorem facile agnoscas. Nam, cum arma multi, inque primis Anna Momorantius grauissimis argumentis dissuassent, insinuauit ille per clientes Gallo, in vniuersis pactionibus Christianorum omnium Parentem excipi, vt pote penes quem suprema au-



auctoritas sit, dissoluendi scēdē Regum impressione maioris mali coalita. (***) Quæ, quam pessimi res sit exempli, nemo non intelligit.

(*) vid Belcarii Comment. Rer. Gall. lib. XVIII.

(***) Expositæ omnia idem Belcarius descripsit Lib. XXVII. p. 881. seq.

§. XXX.

Sed defluxit tamen illa turbulentissima doctrina in Canonum iura & Decretales, estque Innocentio III, quem viuis coloribus alibi depingemus, accepta prorsus terenda, & in capit. 29. X. de iureuando cum maxime reperienda. Apponam verba: *Sic consliterit quod predictus H. iniuste bellum mouerit contra I. ipsum* (*) *H. studatis inducere, ut vniuersa per huiusmodi violentiam occupata restituat conquerenti, eum a praestito sibi iuramento prorsus absoluente*. *Quod si acquiescere noluerit, ipsum ad hoc (si premissa veritate nituntur) cogatis per sententiam excommunicationis, terram eius interdicti sententia supponentes.* Quod capitulum Cardinalis Laurentius Brancatus de Laurea (**) adeo laxe exposuit, vt non tantum liberas gentes ad ea, quæ metu aliis iniusto ademerunt, restituenda putet obstrictas, verum etiam, si talis pactio occurrat, a Romano Pontifice iudicet soluendam. Quod profecto pluribus bellis fenestrarum non tantum aperuit, verum etiam, si temere admittatur, infinitas aperire in posterum potest.

(*) Pertinet hoc cap. ad historiam Philippi Audacis Francorum & Ioannis Britanniæ Regum. Vnde recte a Gonzalezio Tellezio adnotatum est, literulam H cum PH, esse commutandam.

(**) In Epitom. Canon. tit. *Iuramentum quando tenet.*

F

§. XXXI.



§. XXXI.

Nam et si illustrissimus Praeful Petrus de Marca
 (*) illas, quæ summorum Principum iuribus aduersan-
 tur, decretales in Gallia non esse, scribit, receptas ; non
 sumus tamen nescii, Reges saepe in summa conuersio-
 ne & perturbatione omnium rerum temporibus poti-
 us paruisse, quam moribus : quod exempla Francisci
 & Henrici II satis copiose probant, quippe quibus istud
 Pontificis dogma peropportune obtigit. Doctores qui
 sentiant diuerse, nec omnes velificant Papæ, nemo am-
 bigit.

(*) De concord. Sacerdot. & Imper. lib. II. cap. III. n. 6.

§. XXXII.

Sed tum vero etiam quibusdam Hispaniæ do-
 CTORIBUS ea adserenda gloria, & Ayalæ (*) cum maxime,
 & Couarruiæ (**) & Suanedræ digna eruditione mer-
 ces erit rependenda, qui bonis moribus rectæque ratio-
 ni hanc repugnare doctrinam contendunt, ut quæ Prin-
 cipes sub obtentu metus iniusti ab pactis, quæ iniue-
 runt, resilire permittat. Ita enim omnes pacificatio-
 nes futuræ non tantum inanes forent, verum etiam
 præsentes ac præteritæ, quæ iam coaluerunt, & subsi-
 stunt, tempore & occasione obsecundante, penitus cor-
 ruerent. Quod vero bonis moribus & rectæ rationis
 præceptis contrarium est, illud nec Papa iubere atque
 efficere, nec quisquam prudens potest suadere. Sed
 cur tamen Antistites ecclesiæ Romanae talia statuerint,
 facile est ad intelligendum. Nam si, quæ iniusto metu
 adempta, eorum iudicio sunt reddenda ; erunt fane illi
 & pacis & bellorum, quibus concutitur orbis, arbitri.

(*) de



(*) de I. B. L. I. c. VI. n. III. qui in hoc tamen falsus est,
quod forti viro, itemque Principi nullam adhiberi vim
posse statuit.

(**) P. II. de Matrim. cap. III. §. IV. n. XXI.
S. XXXIII.

Quibus obseruatis perspicue mox patebit, quid
de illa sit sentiendum specie, vbi Principes legitime im-
perantes a ciuibus suæque potestati subiectis per vim
metumque ad promittendum, seu faciendum adducun-
tur. Sicuti enim in bellis, quæ a liberis geruntur po-
populis, vtrique ius cogendi ex æquo, eoque ius accep-
tandi competit; ita euidenter falsum est, eadem facul-
tate gaudere ciues, quibus obsequii gloria est relicta.
Vnde in proclivi erit tueri Mariam Scotorum Princi-
pem, de qua *Camdenus* ad an. c. 15LXVII. nonnulla
litteris memoriaeque prodidit. Nam cum ab aduersa
factione in arce, quæ est in lacu Leuino, in custodiam
misla regnum eierare cogeretur, quæsitum est postea,
vtrum illa cesso, metu in carcere extorta, alicuius pon-
deris sit. Et non tantum Throcmortonus Reginæ E-
lisabethæ legatus, verum etiam aduocati Reginæ eu-
identibus signis atque argumentis ostenderunt, eiusmodi
abdicationem vi, atque terrore in vinculis factam pe-
nitus vacillare. Quocirca vnanimi nobilitatis melioris
consensu a. c. 15LXVIII. hæc lata sententia est: Re-
ginæ promissionem, quæ grauate, & mortis imagine
perterrita consensisset, merito irritam declarari, nihil
que esse. In quo recte mea quidem sententia iudica-
tum est. Neque enim ipse *Buchananus*, acerrimus a-
lias potestatis regiæ hostis, diffiteri potuit, Mariam Sco-
torum Dominam inuitam puero Iacobo regnum, Re-
storique pueri, Morauiæ comiti eius administrationem
dedisse.



dedisse. Regina vero ipsamet iuramento confirmauit, se vi, ac præsentaneæ mortis ostensione compulsam cœfionis instrumento subscriptissæ. Quis autem tam et frenem subiectorum licentiam putet ferendam? Eandem ob cauſam Fridericus III, pactionem Maximiliani cum Brugensibus initam in solemnni procerum imperii confessu discussiendam, ac pro re nata rescindendam iudicabat: tametsi Maximilianus parcendum in conditis ciuibus arbitraretur. (*)

(*) vid. *Spec. Honoris Austr.* lib. V. cap. XXXVIII. ad an. eius CCCCLXXXVIII.

§. XXXIV.

Sed aliter sine dubio comparatum est, cum inter ciues ac Regem cooritur diffensio, deque iuribus & priuilegiis eorum, ac pactis cum summo imperante factis disceptatur. Et vereor, vt metus illati exceptio locum sit habitura. Est enim sæpe obscurum, vter ex belligerantibus maiori iuris specie nitatur? an imperium sine modo acceperit Princeps? an ciues præter obsequium nihil sibi iuris reseruauerint? Et hæc vero quis deducet in iudicium? quis dabit litigantibus diem? Sed fac, Regi potestatem nullis limitibus circumscriptam fuisse traditam; subiectos autem conqueri de exactiōibus plane immodicis, rapinis, crudelitate, forte ne sic quidem omni iuris obtentu deſtituentur. Quantquam enim ius per vim agendi deficit; non deeit tamen facultas petendi lenioris imperii fructus. Si quid peccant, in modo certe peccant, quo quæ ad Principis officium pertinent, exigunt. Ut vt igitur subtilater loquendo iniuste faciunt, quod, quem precibus flexere debebant, cogunt; non superat tamen aliud interea remedium coniungendi denuo ciues cum magistratu



stratu supremo, quam *amvngias* & pacis fœdus; nisi quidem æternis agitandos odiis discordantes dixeris.

§. XXXV.

Quo ipso clare, ni fallor, differentia piratarum & perduellium intelligitur. Cum his enim imperantes vel coniungi denuo, data delicti venia, volunt, ne sine subiectis ipsi amittant superiorum & Imperantium nomen; vel, quando in vnam amplius societatem coire nequeunt, metu maioris mali futuri, ac desiderio pacis liberos potius, qui paruerunt, volunt, quam, ut communi exilio inuoluantur vtrique. Cum piratis vero, inquit *Tullius*, (*) nec fides debet, nec iusfirandum esse commune, hoc est, vt ego interpreter: cum piratis nemo vnam eandemque societatem ambit: hostes illi omnium sunt; quin, nec mali impendentis metus aufertur: prædo quippe prædo est, oppugnat, ex rapto viuit, obuios quoisque trucidat, in captiuitatem abripit. (**) At, qui perduelles fuerunt olim, vel in ciuitate manent, vel nouam, iuris nostri remissione, constituunt. Inter ciuitates vero pacta seruari fas est.

(*) Locus integer de officiis lib. III. cap. XXX. reperitur:
Vt si prædonibus pacium pro capite pretium non attuleris, nulla fraus est, ne si iuratus quidem id non feceris. Nam pirata non est perduellium numero definitus: sed communis hostis omnium. Cum hoc nec fides debet, nec iusfirandum esse commune.

(**) Idecirco Pompeius, cum belli piratici magnam partem pactionibus confecisset, ea conditione vitam prædonibus pollicitus est, vt fedibus, quas affignauerat, contenti posthac sine rapto viuerent. In quo spes eum neutiquam fefellit. Adfirmat enim *Florus* lib. III. cap. VI.



n. 14. *fideliorē in posterū nullām fuisse gentiē reper-tam.*

§. XXXVI.

Quocirca merito excanduit *Vicquefortius*, (*) cum post pacem terra marique inter Hispanos ac Lusitanos coagmentatam, Bruxellæ in vulgus emissum libellum legeret, in quo Lusitaniæ Rex reprobi iuris possessor, ac foedus metu iustum nullius momenti ac firmitatis dicebatur. La France, inquit ille, l' Angleterre & les Prouinces Vnies, qui n' estoient pas bien avec l' Espagne en ce temps la, ne se contenterent pas de reconnoistre le nouveau Roy de Portugal, & d' admettre ses Ambassadeurs ; mais elles se declarerent hautement pour son establissement, & pour ses interests. Plusieurs autres Princes suiuirent leur exemple & presentement le Roy d' Espagne mesme reçoit les Ambassadeurs de Portugal, & y enuoye les siens. C' est pour quoy ie ne puis asses m' estonner de ce qu' après vn traitté solemnel, qui a été fait entre ces deux Couronnes, on souffre à Bruxelles des gens, qui pour s' acquérir vne meschante reputation, ne craignent point de mettre le Roy de Portugal au nombre des Vsurpateurs, & qui ont l' impudence de publier dans leurs impertinents libelles, que le traitté, que la nécessité a extorqué au Conseil de Madrid, ne subsistera pas après elle. Les Espagnols protestent en tous leurs manifestes & en toutes leurs declarations, qu' ils n' ont iamais violé les traités, quelque desauantageux qu' ils leur fussent. Pour dire la verité, ils n' ont pas stipulé de grands auantages, en tous les traités qu' ils ont faits depuis celuy de Chastea en Cambrefsis. Celuy de Veruins les obligea a restituer tout ce qu' ils occupoient en France, & les traités



„tés des Pirenées & d' Aix la Chapelle leur ont arraché
 „des conditions assées dures, & neantmoins ils prétendent
 „les auoir obserués trés-religieusement ; non obstant
 „la rupture de l' an. 1673. Il me semble, que le mesme
 „auteur, qui tache de canoniser la probité & la sincérité
 „de Ferdinand le Catholique, se dispenseroit bien de faire
 „passer les Ministres d' Espagne pour des gens capables
 „de rompre après le traitté de Portugal, celuy que la
 „mesme nécessité a obligé le Roy d' Espagne de conclu-
 „re avec les Prouinces vnies. On scait bien que la plus
 „part des Princes n' obseruent point les traittés, qu'ils
 „peuuent rompre avec auantage ; mais il n'y en a point
 „qui s'en fassent honneur, ou qui prennent plaisir à faire
 „connoistre en mesme temps leur mauvaise volonté &
 „leur impuissance. Je ne dis rien du PRINCE DOM PE-
 „DRO, qui pendant la vie du Roy son frere, possede sa
 „femme & sa Couronne, & fait receuoir ses Ambassade-
 „urs par tout.&c. Adde, quod & Caietanus Passarellus,
 quanquam scriptor Hispanus, ita retulit belli Lusitani
 originem, vt Oedipo opus videatur ad iuris controuersi
 ænigma dissoluendum.

(*) de l' Ambassadeur & de ses fonctions lib. I. Sect. III. p.
 m. 30.

§. XXXVII.

Nunc, antequam hoc concludamus caput, cum
 cura circumspiciemus, an, quæ fundamenti loco prin-
 cipia collocauiimus, applicari quoque ad statum Imperii
 R. Germanici queant. Et occurrit hic Cæsar ; occur-
 runt quoque Regni proceres. Quid ergo, si Cæsar me-
 tu adigat, statu, iisque per vim exprimat promissiones,
 transactiones, terras, prouincias, iura ? an habebunt fir-
 mitudinem ? Et nemo non comprehendit, peruiden-
 dum



dum esse ante omnia, vtrum secundum publicarum legum tenorem primoribus imperii incusserit metum, an pragmaticarum sanctionum, vel obseruantiae in imperio immemor intempestiue ab armis praesidium petiuerit? Prius si sit, dubium sane non est, q[uod] in standum promissis, nec sine improbitatis labore, legumque manifesto contemptu a fide semel data possit abscedi. Nam, dum Imperator legibus suffultus arma resistentibus ostendit, iure agit sibi permisso, & potestate communi consensu in se translata. Ita exauctorationem Bauariae Ducis itemque Coloniensis Praesulis nemo facile, nisi qui eodem cum illis foedere coniungitur, oppugnando in dubium vocabit. Verumtamen, finge, Imperatorem proprio motu, non citatis, non auditis partibus, non vocatis paribus curiae, non admissis in consilium, ad quos pertinet causae cognitio. Principibus, ad arma conuolasse, & vi, manu, copiis compulisse repugnantes, ut pollicerentur, ut darent, remitterent, transigerent, quis stabile eiusmodi pronuntiaturus foret pactum? Teutoniae Imperatores summae quidem rerum præsunt, sed non exclusis eorum, qui in communionem administrandæ Reipublicæ sunt recepti, suffragiis, nec legibus quibusque proculcatis, ad quas obseruandas sese pactionibus obstrinxerunt iidem. Quamobrem de metu sibi iniuste illato iure meritoque conquestus est Conradus Tecklenburgi Comes, cuius terras iussu Caroli V. Maximilianus Buræ Comes armata manu inuasit, eoque militari terrore compulit, ut pecuniae ingentem summam tribus pensionibus solueret, simulac Lingense territorium in pignus traditum Burensi relinqueret. Causa, quam obtendebat Imperator, foedus Smalcaldicum fuit, cui nomen dedisse terebatur Tecklenburgicus.



cus. At neque id exploratum satis erat, neque citatus est incusatus, multo minus auditus, sed Maximiliani exercitu exscoliatus indigne succubuit: non attenta Pas- fauiensi transactione, quæ pressis quibuslibet, adeoque Conrado quoque iniuria subacto, subueniebat. Et ea igitur indignitate commotus peculiaribus in hanc rem litteris (*) intercessit, omniaque per vim, & metum a se gesta publice declarauit. Est autem iniuria tanto mai- or, quando is facit, qui minime debet, quique tuendo iuri, non tollendo, est constitutus. Itaque Principis al- legari auctoritas non poterat, cuius regnum non tan- tum sub grauiore regno; verum etiam legibus ac con- uentis erat circumscriptum, quarum vinculo Ca- rrolus sese profitebatur quoque obstrictum.

(*) Litteras publici iuris fecit auctor disquisitionis de iu- ribus potentissimi Borussiæ Regis in Comitatus Meur- fensem & Lingensem, p. 58. seq.

§. XXXVIII.

Quæ cum ita sint, agendum, expendamus tan- dem, an status Imperii se inuicem per vim ad promis- sionem, seu præstationem queant adigere, subactisque nulla exceptio, aut actio quod metus caufsa, competit? Cuius quæstionis definitio maximam partem ab illa al- tera dependet: vtrum imperii membra inter se ius habeant belli? Et non est non fatendum, per leges im- perii non licere proceribus Germaniæ prehendere ar- ma, & controuersias, quæ sibi hinc inde intercedunt, terminare ferro: habent illi communem iudicem: ha- bent Cæsarem: habent imperii tribunalia: adest pro- hibitio in Westphalicæ pacis instrumento; (*) repeti- turque sanctionibus, quas capitulationes (**) vocamus. Errant enim *Limneus*, (***) &, qui eidem ad stipulan- G tur,



tur, omnes, cum ius gerendi bellum, atque armis lacerandi alios statibus imperii publica lege adfirmant permisum. Confundunt illi leges abrogatas cum iis, quæ hodienum obseruantur. Olim namque, fateor, tumultuaria arma, publicæ pacis sanctiōne nondum promulgata, pugnasque Procerum quadantenus fuisse toleratas, vel, si mauis, permissas : nunc vero, posteaquam eiuscemodi mores legibus sunt sublati, & tribunalia constituta & iudices electi, nemo non videt, gladios in vaginam esse reconditos, nec propter legis præscriptum stringi amplius ab optimatibus, nisi ad sui detensionem, (****) debere : quam *Limnaeus* in legibus imperii a se allegatis ab offensionis iure non satis curate discreuit.

(*) Articul. XVII. §. 7. *Et nulli omnino statuum liceat ius suum armis persequi, sed si quid controvērsiae iam extortum sit, siue post incidenter, unusquisque iure experiatur, secus faciens sit reus fracte pacis : quo vero iudicis sententia definita fuerint, sine discriminē statuum executioni mandentur.*

(**) Capit. *Leopold.* & *Ioseph.* art. X.

(***) Lib. IV. iur. Publ. cap. VIII. n. 247.

(****), Non penetrat, cum quidam in contrarium nixi, afferunt, defensionem inter Principes atque offensionem difficulter discerni. Id enim duntaxat verum est de Principibus nullum superiorem & iudicem agnoscentibus : de nostratis vero nemo forte ambigit, quin in imperii iurisdictionem consenserint, consentiantque adhuc amplius,

§. XXXIX.

At alia interea quæstionis species est, vtrum publicæ pacis rogationi per contrariam imperii obseruantiam non sit iterum derogatum ; aut ita immutatus,

con-



conuersusque imperii status, vt ne habere vsum istud institutum queat? Saltem ad hanc opinionem *Ioannes Henricus Cocceius* (*) inclinat, Vir clarissimus, imperii que Principibus ensem in subsidium porrigit, ac tum demum Martem communem decernit, cum silent leges, aut iudicis iustitiæque obtainendæ nulla copia datur. Quam tententiam adeo late protendit *Observator Halensis*, (**) vt eo in statu, in quo nostram versari rem publicam credit, inualidum legum auxilium iudicet. Et perinde enim videtur illi, nullum esse iudiciorum ordinem constitutum, & constitutum manere citra effetum, nec quidquam continere momenti. Iudiciis autem vanescientibus quemlibet, etiam priuatum sibi ipsi consulere, & ferro ius suum prosequi tam notum est, quam quod exploratum maxime. Verumtamen me tu, ne hac ~~bet~~ turbulentis ingeniiis ac potentioribus cumprimis fenestra aperiatur miscendi quadrata rotundis, Nam etsi inficias ire nemo potis est, lites in Teutoniæ tribunalibus in longum extrahi, ordinemque procedendi tot difficultatibus esse circumseptum, vt causæ in iudicium deductæ per multas ætates ibidem agitantur; præclare tamen ab *Henningeso*, viro in imperii rebus versatissimo, adnotatum est, omnem tranquillitatem pessum esse ituram, si, obtenu non apparentis iustitiæ, primis regni, lites assiduas exercitibus, non exspectata Cæsaris sententia, armorum usus toret concedendus. Quod nequaquam illa in speciem excogitata percontatio conuelli: *quandiu ergo sit exspectandum?* Neque enim definiri tempus potest: quanquam interea certum, non omnes ordinum lites spirare æternum. Vidimus ipsi magni momenti controversias post lustrum, vel bina finitas. Sed fac ta-



men iurgiorum in imperio funes vltra sæculum extendi, quid tum? Sat est terminatum & abscissum iri, ni ipsimet impediunt, aliquando. Damnum vero, quod quis sua culpa sentit, non est damnum. Accedit, quod in has moras omnes consentiunt, totiesque consentium Regni primores iterant, quoties in sanctione, quæ offertur Imperatori, serio vetant, ne prætermisssis ordinariis iudiciis gladius e vagina educatur. Nec mouet, sententiam latam nihil adhuc extricare : deficere semper executionis auxilia. Facile enim respondeo : ergo tum demum capessenda esse arma, si deficiant. Qui vero ea ratione mucrone vtuntur, iura sua repetunt, nec tam bellum gerunt, (***) quam, quod suum est, persequuntur, post impetratam a præsidibus a Cæsare & imperio datis veniam. Qui citius curas suas præcipitando belli aleam experiuntur, illi leges regni posthabent, posthabitasque spernunt ; dumque hoc faciunt, sibi ipsis contradicunt, quando, quod probarunt, nunc non probant, proprioque arbitrio, quod nondum est suum, vel iuris adhuc dubii, iniqua ratione repetitum eunt.

(*) *Iurispr. Publ.* cap. XXIII. sect. I. n. XXIX.

(**) Tom. VI. obs. select. XXXI. l. (m.)

(***) Ita ratiocinatur *H. Grotius* in epist. ad Gallos p. 226.

§. XL.

Ex quo, nisi fallor, manifeste conficitur, ut, si iure res agitur, nunquam imperii membris integrum sit vel publice, vel priuatim sociis, collegisque incutere metum, antequam quid iustum, quid iniustum iudicis pro tribunalis sedentis vox atque sententia definituerit. Non publice, quia belli iure inter se destituuntur, omniaque verbis potius, quam armis secundum legis

præ-



præscriptum experiri debent. Non itidem priuatim, quia in contractibus ineundis priuatorum iure vntur: & hi vero per vim metumque neminem sibi obstringunt, ac si faciunt, peccant. Eam ob causam Rudolphus Rex Germaniæ pactionem Regis Wenceslai, Ottocari filii, qua Ottoni Brandenburgensi Marchionini, tutori olim ac curatori, antequam ad suos rediret, per vim multa septentrum millia promiserat, traditis interea & pignori obligatis nonnullis castris ac terris, invalidam peculiaribus tabulis pronunciauit, quas in notis repræsentabimus. (*) Simili ratione Albertus Rudolfi filius, conuentione Mechtildi sorori a Rudolpho Rheni Duce, ac Comite Palatino filio indignis modis expressam inanem ac nullam statuit. Quod vt clarius intelligatur, faciam. Erant in Mechtildis potestate Ludouicus filius, Bauarus postea dictus, & Imperator. Huius pupillarem procurationem ad se pertinere contendebat Rudolphus frater. Ergo matrem perinuitam fratremque, ex Schiltberga arce primæ Vindeliciae, captiuos Monachium abducit, eique, consiliariis quibusque remotis, vrbes, & castella, quæ pupillari administratione tenuerat, per vim extorquet. Sed hæc, vt erat apprime sapiens & cordata, postea persuadet Rudolpho, pactum fore stabilius, atque extra omnem aleam, si Cæsar is iudicio firmetur. Quocirca simul ad Albertum profiscuntur. Vbi Hoecstadium, locum extra ditionem Rudolphi, venerant, Mechtildis exemplo negat, se pactioni per vim a captiua iniquissime extortæ vlla ratione teneri; filium apud Cæsarem iniuriarum arcessit, & Nordlingæ postliminium impetrat, non modo ad iura dotalium bonorum, sed etiam ad curam tutelarem Ludouici filii, negantis se domum redditum,



rum, nisi sub materna potestate. (**). Nullum mihi dubium hæret, quin idem hodie in summis imperiis tribunaliis Cæsar is nomine sit decernendum, si quod metus caussa agatur. Merito enim recentioribus supercedemus exemplis, ne, dum, quod æquum est, diserte enuntiamus, contradicentes nostros conatus auctoritatem insimulent, vel immerentibus nobis partium studium frendentes impingant.

(*) *Rudolphus Dei Gratia Rom. Rex semper Augustus. Vniuersitas Sacri Romani Imperii fidelibus præsentes litteras inspecturis Gratiam suam & omne bonum.*

Ad Vniuersitatis vestræ notitiam volumus peruenire, quod nobis iudicio præsidentibus in vigilia Bartholomai Apostoli apud Friburgam in Orlandia nuncii Illustris Regis Wenceslai Bohemicæ, Nostram Celsitudinem accesserunt cum instantia postulantes, ut per sententiam vellemus inquirere, vtrum Princeps aliquis, vel alius cuiuscunque conditionis vi, vel metu inductus expers propriæ libertatis fideiustitionibus stipulationibus, vel quibuscunque aliis obligationibus se posset constringere vel arctare, ita quod impoterum super huiusmodi obligationibus extortis posset impeti vel aliquatenus conueniri, tanquam efficaciter obligatus, quod ad instantiam dictorum nunciorum per sententiam postulamus definiri, & sententiatum extitit a Principibus, Comitibus, Nobilibus & aliis imperii Fidelibus, qui ipsi iudicio præsentes aderant, quod Princeps, vel quilibet alius ad ea, que vi metue coactus promitteret, vel quibuscunque factis obligatoriis se adstringeret, factus sui compos nullatenus teneretur, & tales pactiones obligatoriaæ qualescumque censenda forent irritæ penitus & inanes. Qua vero sententia nostra approbatione sequente prolata prædicti nuncii ad speciem descendentes Nostro culmini supplicarunt, si inclitus Wenceslaus Heres Regni Bohemicæ præ-



notatus, quem Illustris Otto Marchio de Brandenburg aliquo tempore contra propriam detinuit voluntatem, deinde fatus propria libertate ad completionem illorum pactorum taliter extortorum, atque consummationem obligationum quarumcunque, sub quibus eidem Marchioni pro viginti millibus marcarum obligavit Ciuitatem Sitauiæ & Castrum Tronovv, cum eorum pertinentiis, Castrum Scharfenstein, & ciuitatem cum omnibus aliis attinentiis; Castrum Bezdcky cum suis pertinentiis, Castrum Deczein cum suis pertinentiis, Ciuitatem Vst, & Castrum cum eorum attinentiis, Ciuitatem Brüz & Castrum cum eorum attinentiis, nec non Castrum Snaderoe cum suis pertinentiis vniuersis, sub quibus etiam promissionibus taliter extortis, nisi Marchioni pro duobus millibus Marcarum fideiuissores per modum extorsionis coactus posuit, & pro quinque millibus Marcarum, quas se daturum promisit aliqualiter teneatur. Maxime cum inter nos & dictum Marchionem cum eius curæ ante hæredem Bohemiæ, cum suo Regno usque ad certum tempus committeremus, intercessit certæ conuentio digna in suo robore obseruari, videlicet quod expirante certo tempore, quod conuentioni adiecum fuerat, prænominatum Hæredem Regni Bohemiæ una cum suo Regno sine quolibet darimo, vel dispendio, vel quantalibet iniuriæ sine petitione quarumlibet expensarum iuxta legem conuentionis restituere pleno iure; cuius tam en conuentionis legibus dictus Marchio obuians minus iuste pactiones, obligationes, fideiuissones extorquens, indebito quæ promisit penitus violauit; atque singula superius expressa Principes, Comites & nobiles, qui eodem aderant iudicio per nos requisiti sententiando protulerunt, quod sepe dictus Hæres Regni Bohemiæ ad completionem dictorum pactorum, promissionum, fideiuissorum, nec non quarumcunque obligationum ab eo taliter extortarum per dictum Marchionem nullatenus sit adstrictus, sed a prædictis omnino per sententiam debeat liberari, & viisque penitus absolu-



soluti, obligationes, & dictorum honorum promissiones, fideiussiones, ipso iure nullae debent pro cassis, & irritis estimari. Vnde nos videntes, & prouida meditatione pensantes ipsam sententiam de bono & aequo iure subnixam eam autoritate regia approbantes obligationes dictorum honorum, seu pignorum, fideiussiones, promissiones, prout superius expensum existit, cum contra ius & aequum sint extortæ a dicto Marchione in dicti heredis præjudicium ac grauamen per sententiam, prout coram nobis extitit sententiatum irritantes fideiussores a suis promissionibus absoluenter, ciues Brüxenses & alios quocunque homines dictorum Castrorum, oppidorum seu Ciuitatum a sacramentis seu promissionibus dicto Marchioni ad mandatum dicti Heredis, vel alio quocunque modo praestitis etiam absoluendo, mandamus volis uniuersis & singulis, quatenus ipsum Heredem Regni Bohemiæ, quem mediante dicta sententia ab obligationibus dictorum honorum & aliis patris, fideiussionibus cum fideiisoribus datis absoluimus, & nuntiamus absolutum a prædictis omnibus & singulis dicto modo praestitis habeatis penitus absolutum; scientes eum ad perfectionem seu consummationem dictarum obligationum non teneri. Testes, qui præmissæ sententiæ interfuerunt, sunt: Wenc. Argent. H. Basiliæ. Episcopi, Romanæ nostræ Aulae Cancellarius. Nobiles Viri. H. Marchio Hohperck. Burggrauius de Nurnberg. Al. de Hohenberch. Eg. Furstemberch. Comites de Nifen. B. de Geroldsecke. Nobiles, & alii quam plures. Datum & actum Friburg in Orlandia, decimo Calend. Septemb. Indictione undecima. Anno Domini: cœcLXXXIII. Regni vero nostri Anno decimo.

(**) vid. Adelzreiteri Annales Boicæ gentis Part. I. Lib. XXV. c. XIX. p. 668.

CA-



CAPVT III.

De

**EFFECTV PROMISSIONIS
METV EXTORTÆ IN STATV CIVITATIS
INPRIMIS ROMANÆ.**

§. I.

ET si vero homines in statu naturæ pares, ac veluti reges, nemini subiecti, in summa libertate viuunt; non est tamen in eiusmodi conditione multum securitatis, æquitatis, iustitiae: exponuntur omnes assultibus & infidiis æqualium: dominia tere in incerto sunt: nihil isthic otii, nihil tranquillitatis, nihil pacis obseruantur. Quod quidem eo permouit plerosque mortalium, vt vitæ intutæ pertæsi pactione sub imperium irent, ac iuri suo renunciantes, suæque libertati valedicentes a liorum sceptris fæse submitterent, ne, quod possidebant, ex præsepibus suis inter mille pericula abstraheretur.

§. II.

Ergo primarius societatis ciuilis finis fuit, & est, vt metus faceat; illique plena securitate fruantur, qui præ libertate obsequium, præ æqualitate imperium optima mente sunt amplexi. Iam vero, cum neuter alterius carere ope commode possit, consequitur, vt modis ad pacem tuendam compositis alter alterum fleret, & ad suum inclinare propositum debeat: vis, metus, furor pari passu ambulant. Quid enim legum prodeffent præsidia, si omnia contra leges, temere, turbulentे, per vim, ferro, facibus, lapidibusque gerantur?

H

§. III.



§. III.

Eam ob caussam vix quempiam arbitramur futurum, qui promissiones metu extortas in ciuitate existimet ferendas, aut firmiter istud iudicet stabilitum, ubi maioris mali representatio consensum expressit. Ipsi Romani iuris interpretes non adeo fuerunt stupidi, aut bona mentis oblii, vt metum in foro promiscue tolerarent. Nam quamquam nonnulli in ea opinione versantur, plerosque ICtos Stoicæ philosophiæ præceptis imbutos conuentiones per vim initas iure putasse validas, non est tamen ita: quamuis omnium calculis fere sit recepta sententia. Etenim, si in bona fidei contractibus nunquam non, vt decet, bona fidei abundantia queritur, quippe qua maxime dicuntur (*) sustineri; quidquamne est, cur metus, qui in talem contractum vel circa rem, vel circa estimationem irruat, non itidem a bona fide sit alienus? Et nihil vero, quod huic repugnet opinioni, in omni existare legum apparatu tam perspicuum est, quam fraudem, dolos ac technas repugnare Romanæ simplicitati.

(*) l. 116. ff. de Reg. Iur.

§. IV.

Quod ut clarius intelligatur, perpendendum esse ante omnia existimo, formulam, seu actionem, quod metus causa a Lucio Octavio Prætore demum esse inventam, qui a V. C. 150LXXVIII. consulatu functus est, adeoque Ciceronis ætate floruit. Vnde idem Tullius in oratione III contra Verrem (*) hanc formulam diserte OCTAVIANAM appellavit. Sed quis vero credit cordate, Romanos usque ad haec tempora tam tuisse segnes, atque inficetos, vt contra metum nihil excoigi-



cogitauerint ciuilis præsidii? Et habent vero iure consulti Veteres, quorum in hac dissertatione inuestigamus & mentem & vsum, exempla, in quibus contractus bonæ fidei, metu expressi, irriti pronuntiantur ac nulli. Eo, nisi fallor, Vlpianus respicit, qui l. 116. ff. de R. I. lib. II. ad Edicatum (**) diserte: *Nihil consensui, tam contrarium est, qui (***) ac bonæ fidei iudicia sustinet, quam vis atque metus, quem comprobare contra bonos mores est.* Ex quo sapienter collegit Iacobus Gothofredus vir doctissimus, ut quemadmodum dolus contractum bonæ fidei, ita eundem metus reddat nullum. Quæ expositio Græcis quoque Interpretibus placuit, secundum quos διλογίῳ φόβῳ ἐντεῖς τὴν δέοχη τῶν καλῶν πίσι συναλλαγμάτων ἀσύρτα καὶ ἀνέχυρα ταῦτα ποιεῖ. Cui nequaquam refragatur, quod ad h. l. Iacobus Wissenbachius (†) in medium tulit: consensum etiam stricti juris contractus sustinere: neminem vero adeo esse sui oblitum, qui hos obmetum interuenientem ipso iure putet infirmos. Est enim iam a Gerardo Noodtio præclare monitum, bonam fidem & bonos mores liberum consensum, eoque a parte acceptantis dignam viris honestis sanctimoniam in primis postulare.

(*) Edit. Gronou. cap. LXV. Verba huiusmodi sunt: *Quid vultis amplius?* Aduentu L. Metelli, prætoris, cum omnes eius comites iste sibi suo illo panchreste medicamento amicos reddidisset; aditum est ad Metellum: eductus est Apronius: eduxit vir primarius C. Gallius, senator: postulauit a L. Metello, ut ex edicto suo iudicium daret in Aproniu[m], quod per vim aut metum abstulisset: quam formulam OCTAVIANAM, & Romæ Metellus habuerat, & habebat in prouincia. Primus hunc locum obseruauit Paulus Manutius in notis ad officia Ciceronis lib. I cap. XI, deinde Hottoznamus, Thomas Freigius, & Cuiacius



IC. Lucium Octauium indicarunt: hos postea alii sunt secuti, & in primis A. Perezius ad Tit. C. de his quæ vi metusque caussa gesta sunt. Vnde euidenter elucet, non esse, quod quis eruditissimo NO ODTIO de form. emend. doli mal. cap. XVI. ad sentiat, qui formulæ huius originem occasione l. 4. §. 33. ff. de doli mali & metus exceptione Cassio Prætori attribuit. Nam, vtut Lucius Cassius, M. Antonii Principis eloquentiæ, vt est apud Valerium Maximum lib. III. cap. IX. ætate vitam vixit, eiusque tribunal propter nimiam severitatem scopulus reorum dictum est: non sit tamen verisimile, eum formulæ, quod metus caussa auctorem fuisse. Apposite enim ex lege allegata concluditur, Cassium non proposuisse metus caussa exceptionem, ut pote contentum generali doli exceptione. At postea utilius esse visum, etiam de metu opponere exceptionem, quam Cicero, optimus harum antiquitatum interpres, OCTAVIANAM vocauit ob Lucium Octauium, qui a. V. C. 150 LXXXVIII. cum Aurelio Cotta consulari dignitate eminuit. add. I. in Verrem cap. L.

(**) id est ad edictum quod metus caussa. Quod Vlpianum lib. XI. exposuisse ex inscriptione l. 1. l. 3. & similibus ff. quod metus caussa intelligitur.

(***) Ioannes Eichelius in Commentar. ad R. I. p. 279. voculam ac expungit. Sed percommode ostendit Jacobus Gotfredus ad illam legem, ac idem sonare atque etiam. Wissenbachius cum Halvandro legit et: quod ad usum loquendi accedit proprius.

(†) in Comment. ad h. l. p. 497.

(††) Disputat. XVlll. ad R. I.

§. V.

Quod clarius multo Alexander Imperator l. 1. C. de rescindenda venditione expressit: si, inquit, Pater tuus per vias coactus domum vendidit: ratum non habebitur, quod



quod non bona fide geslum est : male fidei enim emptio IR-
RITA est. Aditus itaque nomine tuo Præses prouincie au-
ctoritatem suam interponet : maxime cum paratum te pro-
ponas id quod pretii nomine illatum est, emptori refundere.
Nihil hic de Prætoris auxilio dicitur : iudex ex officio
& fide bona metum poterat, ac debebat expungere.
Proinde, siue egerit vim passus, siue alius eundem con-
uenierit, iudicis ex æquo & bono cognoscentis muneri
conueniens erat, iudicare, non esse contractum, qui
metu initus est : quia inter bonos bene agier oportet.
Qui vero vim parat, simulatque infert ea ratione non
agit.

§. VI.

Id, quamquam & moribus Romanorum, & rectæ
rationi admodum consentaneum est ; non comprehen-
dunt tamen & vident omnes iuris interpretes ostensam
veritatem, auctoritate inepti Accursi seducti. Hic enim
barbare legendum censet, irritanda est, quasi Prætoris
opem magnopere necessum habeant, qui per vim ali-
quid gesserunt. Accursius vero, &, quem ceteri tu-
entur *Glossatores*, omnis, quam culpamus, confusionis,
auctores extiterunt, promiscue prætoriam restitutio-
nem in contractibus tam bonæ fidei, quam stricti iuris
vrgentes. Sed hos tamen Symmachus (*) ad meliorem
reducere mentem potuisset. Vox iuris, inquit ille, ac
legum est, bonæ fidei contractum non posse rescindi. Ete-
nim vel consistit, vel ipso iure infirmatur : peculiaris
rescissio non requiritur.

(*) Lib. II. epist. LXXXVII.

§. VII.

Quibus ita constitutis in facili est, explicare lo-
H 3 cum



cum Ciceronis, quem libro I. de officiis cap. XI. offendimus; iam illis, inquit, promissis standum non esse, quis non videt, que coactus, quis metu, que deceptus dolo promiserit? Quæ quidem PLERAQVE iure PRÆTORIO librantur, nonnulla LEGIBVS. Opponuntur illic ius prætorium & leges. Sed quæ sunt illæ leges de metu a iure Prætorio discretæ? Puto sincere esse fatendum, Tullium ad bonæ fidei contractus digitum intendere, ut qui ipso iure, seu lege nulli fuerunt, si violentia iisdem ac terror caussam dedit.

S. VIII.

Igitur summam rem complectar, & qua forma in expungendo metu veteres vñ fuerint Romani, breibus exponam. Contractus bonæ fidei & stricti iuris naturali rationi sunt incogniti. Ea in omnibus pactionibus ab vtroque latere nihil occultum, nullam dissimulationem, ac fraudem, nullam vim metumque patitur: potius omnia in germanum modum gerenda, atque expedienda sunt. Sed longe alia ratio veteribus Romanis sedet, apud quos contractus quidam bonæ fidei, quidam stricti iuris dicebantur. In his omnis metus sat grauis damnabatur, seu ipso iure iudicis officio coercebatur: quia absonum videbatur, a bonæ fidei iudicio bonam fidem, fas atque sincerum abesse. Enimvero in stricti iuris contractibus per vim metumque gesta, licet humanitate improbarentur, tamen in foro non magnopere vindicabantur, donec formularii iuris rigorem paullisper temperaret Lucius Octavius Prætor, & post Gallum Aquilum, qui actionem & exceptionem doli mali suggestit, ingenue ediceret: (*) QVOD METVS CAVSSA GESTVM ERIT RAVVM NON HABE-

BO.



BO. Durum enim videbatur, metum etiam in stricti iuris caussis non coerceri.

(*) l. i. ff. *quod metus caussa.*

§. IX.

Atque hinc quidem factum est, vt omnes leges, omniaque in Digestis, vbi de prætoria restituzione agitur, exempla ad stricti iuris contractus pertineant: nullum bonæ fidei iudicium contineat, vtpote quod iudicis officio extinguitur, ipsoque iure, non autem Prætoris demum præsidio atque auctoritate rescinditur. Quod, sicuti de iure digestorum certum videtur, ita perspicientum nunc quidem est, quid Imperatorum tempore in foro Romano obtainuerit. Et putant nonnulli, contrarium ea ætate in mores irrepississe, auxiliumque Prætoris tam in bonæ fidei, quam stricti iuris iudiciis fuisse imploratum. Quod, quam sit minus verisimile, euidenter ostendam. Ratio enim, quæ ad dissensum contra nitentes permouit, hæc est: Alexandrum l. 4. & 5. C. de his, quæ vi metusque caussa rescrispisse, venditione vi metuue facta iurisdictionis tenore, siue forma Edicti perpetui impetrari, vt, quod improbe factum est, in priorem statum reuoluatur. Ex his verbis colligunt, etiam in bonæ fidei contractibus formulam Prætoris obtainuisse. Ego vero concedi mihi ante omnia postulo, vt, si ostendi queat, ætate Alexandri contractus bonæ fidei auxilio restitucionis in integrum non indiguisse, verum etiam sit, Alexandri rescriptum alia ratione fore explicandum. Atqui iam Iupra euidentibus signis atq; argumentis demonstratum est, Vlpianum contractus bonæ fidei, in quibus vis metusque nonnihil turbarum dedit, ipso iure esse irritos: idque etiam a dissens-



dissentientibus (**) admittitur. Sed Vlpianus autem Alexandro æqualis extirit, vt pote quem amicum suum (***) vocitauit Imperator, eunderique Parentis honorifico nomine (†) est dignatus. Quare relinquitur, vt Alexandri æuo in hac cauſa distinctione inter contractus bonæ fidei & stricti iuris nondum exoleuerit: nisi quidem aliquis inciuiliter adfirmet: Alexandro imperitante veterem distinctionem obtinuisse, & non obtinuisse. Cui accedit, quod Græci interpretes (††) luculentter nobiscum consentiant.

(*) Consule D. Boehmeri succinctam delineationem de *Actionibus* Sect. II. cap. XI. p. 455.

(**) vid. *succinctam del. de Act. I. c.*

(***) v. l. 4. C. *de contrahenda stipulatione.*

(†) l. 4. C. *Locati.*

(††) illorum verba §. 10. apposuimus.

§. X.

Interea summis viribus eo connitendum est, vt rescripto Alexandrino salutare remedium adferatur. Et iam vero docte monuit Gerhardus Noodtius (*) ICtus summus, Alexandrum Imperatorem tum demum Praetoris edicto in emptionis ac venditionis, qui bonæ fidei est, contractu locum reliquisse, SI ALIA ACTIO (**) NON SIT. Id vero sit, inquit, verbi gratia, si venditori ob emptoris inopiam aduersus eum inanis futura sit venditi actio; & interim res per metum vendita peruenierit in manum secundi emptoris, aduersus quem actio ex vendito priori venditori dari nequeat. Dabitur igitur eo in casu actio quod metus cauſa, in quadruplum, intra annum, post annum in exemplum d. l. 4. vel utilis rei vindicatio leg. 3. Cod. eodem titulo.

(*) In libro *de forma emendandi doli.* cap. XVI. p. 134.

§. XI.



§. XI.

Quæ responsio, quanquam est admodum plana, non placet tamen vulgarem opinionem tuentibus. Illa limitatio, aiunt, *si alia actio non sit*, eo pertinet, ut, si post annum vtilem instituatur actio, caussæ cognitio requiratur; in qua potissimum videndum, annon alia actio iure ciuili sit prodita, quemadmodum ipse Vlpianus legge 14. §. 1. 2. *quod metus caussa* ad Edictum definit. Verumtamen non queritur, an non etiam post annum vtilem agenti caussæ cognitio sit necessaria, sed utrum in iudiciis bonæ fidei requiratur eadem. Extremum adfirmat Noodtius, Vir eruditissimus; ut prius non inficiatur idem. Limitationem autem esse generalem, non particularem, inde fit verisimile, quod ita demum decernenda dicatur actio quod metus caussa, si alia minime occurrat. Quod si contendas, Imperatorem loqui de actione in simulum post annum, tum vero etiam in uno atque etiam, Alexandri temporibus Vlpianum Ictum generatim contractus bonæ fidei per vim expressos declarasse irritos. Quod satis est, ut ne quis specialem limitationem animo proponat.

§. XII.

Quæ cum ita se habeant, intellectu haud quam nunc videtur difficile, qui factum sit, ut permulti iuris Antecessores a ianuâ aberrauerint. Indulserunt illi, ut iam *in παρέδω* obseruauimus, non nihil *Accursio*, certisque interpretibus, qui historiam iuris, eiusdemque originem parum pensi habuerunt. Ad quod, postquam accessissent aliæ rationes sat speciosæ, non fuit amplius, qui de veritate huius propositionis dubitaret: meru promissa aut data firmitudine nunquam destitutus prætorem vero ex æquitate rescindere. Postea, quum

huiusmodi rescisio casu nonnunquam quadruplum in sinum eorum, quibus vis fuit admissa, effundisset, & præterea actio in rem scripta multo pinguor pareret, quam illa altera mere personalis, quæ contra metum incutientem duntaxat, non autem contra tertium posidentem cum effectu institui potest; aut etiam rei vindicatio, in qua haud facile dominium probatur: tum vero factum est, ut nemo cum cura inquireret, vtrum actus sint ipso iure nulli, an rescindendi, vtrum bonæ fidei, an stricti juris.

§. XXI.

De quo, antequam copiosius differamus, age, consideremus, quid permouerit Prætorem, vt contractus metu coagmentatos rescindendos iudicauerit, non autem irritos edixerit, seu nullos. Video enim, eo quosdam delabi, vt e corrupta morum disciplina hoc, quidquid est, deriuent, parumque inter actionem in rem scriptam, & rei vindicationem interesse contendant. In quo iis minime actipulor. Nam qui honorarium Prætoris munus habent perspectum, quio ius summum non tam tollebat, quam temperabat, is certe sine negotio intelliget, quam ob rem ille contractus stricti iuris, quos metus composuit, non pronuntiauerit inanes atque nullos. Corruptio philosophiæ Romanæ in caussa non est.²⁴ Nam hæc bonæ fidei contractus terrore coalitos in irritum cadere iussit. Contractus autem stricti iuris formulariis rubricis originem suam debent: & hæc vero nequaquam ex peruersis morum præceptis, sed arcanis patrum consiliis repetendæ sunt. Iam igitur, cum Prætor illud antiquum & seuerum ius nequierit extinguere, fecit is, ut certo modo subsisteret, atque iterum, ubi ab æquitate ma-

nife-



nifeste desciererat, illud ingeniosa ratione corrigeret. Atque hanc ille e porticu desumfit, in quo coacta voluntas est voluntas (*): eam ceteri adoptarunt prudentes: hanc nos quoque, sed *certis conditionibus* comprobaui-
mus. Vix enim inde concluditur: ergo quia voluit promittens, firmitatem habet conuentio. Ipse Prætor existimauit rescindendam: nec ambigo, quin dicturus fuisset nullam, nisi memoria tenuisset, se leges antiquas non tollere, sed languentes extollere, obscuras euolue-
re, angustas dilatare, seueras moderari.

(*) ff. l. 21 §. 5. *quod metus cauſa.*

§. XVI.

Restat nunc, ut exacte ostendamus, qui metus secundum Romani iuris disciplinam contractus reddiderit irritos, quiue eos itidem Prætoris voce labefactauerit. Nam, quum homines sæpe vana timeant, & le-
mures sibi fingant; interdum quoque ab aliis terre-
antur, qui facultate incutiendi metum nequaquam de-
stituuntur, non sine cauſa præstantissimis Iureconsultis
monitum est, metum requiri atrocem, simulatque il-
licitum.

§. XV.

Atrox vero metus (*) non quiuis timor est, sed, prout ad mentem Labeonis differit Vlpianus, maioris malitatis; (**) aut, quemadmodum Gaius (***) rem exprimit, non vani hominis metus, sed qui merito in hominem constantissimum (+) cadat; quod quidem fieri censem, si mortis, (++) si verberum, (+++) si vinculorum, si seruitutis, (*+) si stupri (**+) denique tristis imago oculos mentemque pacientium percellat: siue illa in se quis metuat, siue in suis. (++*)

(*) Vlpianum sequimur, qui solius metus mentionem facit, & vim omittit: quamlibet, vim in Edicto metui adiectam fuisse olim, idem fateatur. Et licet vero non nihil inter vim ac metum differentiae queat excuspi, si subtiliter rem pensites; tamen in effectu iuris inter vim metumque parum, aut etiam nihil in hac causa interest. Vis enim illa, quam iuris magistri compulsiuam nominant, sine metu non est: quanquam hic ad annum magis, illa ad corpus pertinet. Quo Iacobo Gotha-fredo Vlpianum incusanti satisfieri, ni fallor, potest. vid. Comment. ad R. I. p. 496.

(**) l. 5. quod metus causa. Multi malitatis voculam tolerare detrectant, utpote minus latiriam. Plurimæ editiones habent mali: in MS, quo usus est Charondas occurrit malignitatis: Russardum coniicere calamitutis accipimus a viro Clarissimo Cornelio Bynkershoeckio, curius suauis Carolus Andreas Dukerus opuscula varia de latinitate iurisconsultorum veterum iunctim edidit, & animaduersiones nuperrime adiecit. (v. p. 325.) Et hic vero recte putat, variantes illas lectiones glossam sapere, & substitutas fuisse ab iis, qui insolentia vocis malitas offendebantur. Graeci sane non legerunt mali, quod præclare vidit Hilligerus ad Donellum Lib. XV. cap. XXXVIII. p. 1381. alias enim νανὸς reddidissent, non μεγάλης παροφελειας. Interea nemo est ex antiquis, qui huius sese vocis patronum ostendat, nisi quidem veterum glossarum excerpta quis in subsidium vocet. Iacobus Cuiacius analogica ratione formatam conjectat e genituio mali, ut bonitas, castitas, sanctitas. Quibus addit laudatus Dukerus, multa in eamdem terminationem exeuntia antiquis visitata fuisse, quæ, quia vel deinde in desuetudinem abierunt, vel apud alios probatos scriptores, qui nunc supersunt, non leguntur non minus insolentia videntur, quam malitas. Huiusmodi esse v. g. magnitatem, acritatem, angustitatem, lubidinitatem, deliritatem, &c.

(***)



(***) l. 6. eodem tit.

(+) Sapienter obseruat Huberus, superlatuum propositum usurpari. Neque enim constantia in idea animo proponenda est. Leges omnes ciuiliter & comparate accipiendæ sunt. Utique enim maiorem in viro, quam femina, in homine robusto, quam ægro animi stabilitatem desideramus.

(++) l. 4. Cod. de his quæ vi metusque caussa gesta sunt.

(+++) Cruciatus corporis a morte proprius abest: de verberibus non est, qui dubitet, illis corpus affligi. Carcer vero apud Varronem lib. IV. de lingua latina a coercendo ducitur. v. l. 3. in f. l. 7. ff. quod metus caussa.

(*) Regula iuris est, seruitutem morti comparari: Vnde serui quoque pro nullis iure ciuili habentur. Et huic autem periculum intentatur, si quis seruo manu missis instrumenta eius apud se habens, ea se interuersurum dicat, nisi ab illo quid accipiat. vid. l. 8. ff. quod metus caussa.

(**+) Pertinet huc Pauli assertio l. 8. §. 2. tit. eod. Quod si dederit, ne stuprum patiatur vir, seu mulier, hoc edictum locum habet; cum viris bonis metus iste maior, quam mortis esse debet. vide quæ ad h. l. notauit Mornacius. Talem metum Wessenbechius metum infamiae realis appellavit: quem fere Ulricus Huberus in prælectionibus ad Digesta imitatur, ut qui suam sententiam exemplo Tarquinii Sexti & Lucretiae ex Liuii histor: lib. I. cap. LVIII. illustrat: Tace Lucretia, inquit, Sextus Tarquinius sum. ferrum in manu est; moriere, si emiseris vocem. Cum mortua ingulatum seruum nudum ponam. In seruili adulterio necasse dicam.

(+++) Eiusmodi extensionem l. 8. b. tit. fecit. Nam Parentes pro affectu magis in liberis torrentur, quam cum sibi met ipsi aliquid mali intentatur. Hugo Donellus idem probandum arbitratur, si liberi simile quidpiam in parentibus metuant, vir in uxore, uxor in marito. Comment. de I. C. lib. XV. cap. XXXIX. p. 818.

§. XVI.

Quæ cum sola statuimus, clarum est, nos eadem opera, atque uno verbo cetera omnia remouere, in quibus vel nullus metus ab aliis illatus occurrit, vel sat modicus, quem neque leges neque Prætor existimant currandum. Nam cum & lex, & edictum delicta coercent, in metu autem, quem quis sibi infert, delictum minime inueniatur, relinquitur sane, ut is, qui lymphatico metu concutitur, nec legum, nec Prætoris auxilio esse queat securus. Vnde recte Labeo (*) respondit, edicto locum non esse, si quis fundum suum dereliquerit, *audito quod cum armis quis veniret.* Neque enim iuspicio, sed metus præsentis periculum restitutioni locum facit. Quod totum contra est, si posteaquam armati ingressi sunt, tunc discesserit dominus. Tantum quæritur, vtrum, si nondum sint ingressi, sat tamen graues habeat paterfamilias existimandi rationes, eos ingressuros, atque ita profugiat, vtrum, inquam, tunc Prætoris voce restitutoria actio sit permittenda. Et putem: quoniam non mera iuspicio est, quando ambulantes cum telis videmus; sed metus sat iustus, qui mentem expectoret, vbi iam in eo sunt armati, vt irruant, meque repugnantem vel occidant, vel vulneribus confectum ejiciant. Ad quam speciem Cuiacius l. 33. §. 2. ff. de usucaptionibus videtur re tulisse.

(*) l. q. ff. b. t.

§. XVII.

Ergo, quod memoriæ infigendum est, præsens metus requiritur, cuius illatio & voluntate aperta inferendi periculi, & eius inferendi facultate absoluatur. Neutrum sine altero sufficit. Et voluntas vero demonstratur, si quis e. g. armatus diceret: ecce mortem tibi



bi imminentem, aut verbera, aut carcerem: vel, si Magistratus (**) in talia verba erumperet: facito, si fecus, experiaris, quid ego in te possim. Tales minæ, ac denuntiationes, si præcesserint, dubium non est, quin metus adsit atrox, qui constantem virum percellat. Potentia sola, aut nocendi facultas non efficit, vt, quod gestum (*) est, vel irritum, vel imminuendum sit. Fac igitur, inferiorem cum superiore quidpiam gerere, subiectum cum Principe, rusticum cum domino, ciuem cum magistratu, seu præside ciuitatis, & gerere quidem, vt solent ceteri, qui cum aliis contrahunt, sine minaciis, & verbis improbis; quamlibet paciscens eorum opes metuat: & nemo sane putabit, gesta non fore rata. Neque enim ad inuidiam nocere alicui dignitatem oportere Diocletianus & Maximianus rescripserunt l. 6. Cod. de his *qua vi metusque caussa gesta sunt*. Idem viderur adfirmandum, si quis blanditiis, ac precibus Principis permotus aliquid gerat, (***) contrahatue.

(*) Eodem argumento ius reuocandi litem non habent, qui sub specie formidinis prouocationem non interposuerunt; adeoque faciendum omiserunt. v. l. 2. Cod. de his, qui per metum iudicis non appellarunt,

(**) Claram est, nos loqui de metu, quo magistratus vtitur modo minus licito: vtpote de quo intelligenda sunt verba postrema l. 3. hoc tit. Aliud dicetur infra §.XXI. de timore, quem ille ex officio incutit. Interea, caue, statuas, metum potestatis publicæ concussionem videri: contra hanc vero longe alia remedia esse prodita, quam istud Prætoris. Optime namque animaduertit Arnoldus Vinnius partit. Iur. lib. II. cap. LIII. minorem & molliorem magistratus impressionem concussionis nomine veni-

venire; atrocem vero mortis, verberum, carceris merito vtique referri ad edictum.

(***) vid. *Wesenbecius* paratitl. h. cit. n. 5.

§. XVIII.

Pari ratione nec sola voluntas, nec mali inferendi denuntiatio aliquid efficiet, si is, qui minatur, non sit eiusmodi potentia conspicuus, ut, quod vult seque vel le ostendit, exsequi queat. Ita indefinitæ iactationes, & contestationes, (*) itemque minæ alicuius vexationis, quales instrumenti de re pecuniaria scripti retinendi; & forte nominationis ad ciuilia munera (**) nequaquam sat rationis, atque ponderis habent, ut quod gestum est, infirmetur. Fateor equidem, talia sine argumento metus non proponi. Terrifica sane vox est: vexabo te, dum viues; lites noctam ab infimo tribunali usque ad summum; non reddam tibi instrumenta litteraria, quibus carere vix potes: efficiam, ut reipublicæ onera sentias præ ceteris; ac quæ his similia. Et tamen *Vlpianus* ait, rem nullam timeri; nec, ut nostra fert opinio, inique. Etenim vexationes auctoritate Magistratus auertuntur: qui instrumentum de re pecuniaria scriptum retinet, iuris remedio ad officium compelli potest: qui munera, hoc est, reipublicæ onera denuntiat, is vel iuste hoc facit, vel iniuste. Si prius, vanescit metus: sin posterius, non deficient forte legitimæ exceptionis præsidia. Ergo, qui tales iactationes metuit, vane metuit.

(*) v. I. 9. C. de his quæ vi metusque caussa &c.

(**) I. 8. C. tit. eod. adde, quæ *Huberus* differit. in *Economia Romana* ad tit. ff. quod metus caussa.

§. XIX.

Atque hoc, credimus, in causa fuit, quare Doctores,



tores, (*) cum metum minarum vix iudicassent suffi-
cientem, hanc limitationem adiecerint: nisi ab eo pro-
ferantur, qui possit & soleat minas exequi; qualem se
Iupiter apud Homerum prædicat:

Ὥν δὲ λάζοιμι
κίπτασκον τεταγών ἀπὸ Βηλὸς ὁ Φρέδρος
Γῆν ὀλυγηπελέων

*Quemcumque prehendam,
Hunc dabo præcipitem ex alto, raptusque iacebit
exanimatus humi.*

In aliis minæ tam immanes flocci erunt faciendæ.

(*) vid. Huberis in prælect. ad ff. ad b. t. §. 2. Prætereun-
dum non est, fuisse, qui cum *Wesenhecio* existiment, et-
iam leuem metum passis iudicis officio succurrendum
esse. Quod merito *Bachouio*, aliisque displicet. Ita
enim, inquit, *leges, quæ requirunt metum iustum & re-
rum in omnibus contractibus, perspicue eluderentur.*

S. XX.

Vnde recte pronuntiarunt Diocletianus & Ma-
ximianus, quando accusationis institutæ, vel futuræ metu
alienationem, seu promissionem factam rescindi postu-
lantis *improbum desiderium* appellarunt. (*) Tametsi e-
nim accusationis publicæ metus, propter pericula capi-
tis, quæ damnatione inferuntur, sat videtur grauis; ta-
men cum is, qui minatur, facere nequeat, ut ille, quem ac-
cusat, statim mortem, deportationem, & cruciatum cor-
poris sustineat, vix sane iuris sensu intelligitur, quomodo
metus *præsens* conquerenti sit illatus. Eandem ob cau-
sam etiam infamia metus vanitatis arguitur, quoniam illi,
qui eiusmodi labem sese affricaturos minantur, illam
efficere neutiquam possunt. Non enim infamia res

K

talis,



talis, quæ cuiquam pro subitu adfigi queat. Requiritur hic ius, & factum infamiae dedecus commerens: alienum conuicium, infandæque contumeliae ad eiusmodi turpe stigma inurendum minime sufficiunt. Quæ ratio est, quare in eiusmodi caussa Prætoris auxilium cessauerit. (**)

(*) l. 10. C. de his quæ vi metusque caussa &c,

(**) l. 7. ff. eodem tit. Apte Huberus Eunom. Roman. p. 174.

Qui metuit, inquit, infamiae minas, si nullius meriti sibi conscius fuerit, rem vere nullam metuit: Vir bonus & constans ridet mendacia famæ. Si dicat æger homo iniudicæ, & impotens iræ: Faciam in te librum famosum, cantabo errores tuos publice. Prætor ait, rem nullam fruſtra times. Si quis autem mereatur infamiam, huic non subueniet, quia meretur; & metus, in quo nihil est, quam turpitudo, sine danno & cruciatu, non est caussa civilis acta rescindendi.

§. XXI.

De cetero, vtut metus interuenit, & is ab alio incutitur, simulatque periculum præsentaneum obicitur; non valebit tamen ille ad restitutionem, seu illius, quod gestum est abolitionem, nisi sit illatus iniuria & contra bonos mores. Vtrumque Ulpianus (*) coniunxit: sed vim, inquit, accipimus atrocem, & eam quæ aduersus bonos mores fiat; non eam, quam magistratus recte intulit, scilicet iure licito, & iure honoris, quem sustinet. Finge igitur, magistratum in exsecutione iudicati iubere debitorem, vt vel solueret, vel in carcerem descenderet; & finge porro, debitorem sic compulsum pecuniam aliunde sumtam soluisse, quis dicat soluentem, obtenu metus, repetitum iuste, quæ dedit? Iure quippe licito debitoribus morosis carceris squalorem denun-



denuntiat magistratus, qui cum soluendo non sint, alio-
cunde pecuniam non expediunt. Quod eo merito ex-
tenditur, ut, quæ in carcere quoque ex conuentu sunt
promissa, vel præstata teneant, dummodo quis iuste &
legitime in vincula sit compactus.

(*) I. 3. ff. *quod met. caussa.*

(**) I. 1. *qui bon. cedere possunt.* add. *Hugo Donellus Com-*
mentar. lib. XV. p. 818.

(***) vid. *Hilligeri Donell. Enucl. lib. XV. cap. XXXVIII.*
I. (b).

§. XXII.

Alia species in lege 21. pr. ff. *quod metus caussa*
habetur. Nam cum liberta contra patronum suum
ingrata facta ἀναδέλωτη ex lege metuens aliquid patro-
no dedisset, vel promisisset, ne in seruitutem redigere-
tur, definitum est, edictum cessare. Quare sic vero?
Et obscure respondit Paulus, *quia hunc sibi metum ipsa*
intulit. Clarius est, si dicatur, mulierem sua culpa,
suoque merito fecisse, ut hic sibi inferretur metus:
quod iuris intellectu perinde est, ac si sola huius timo-
ris auctor fuisset. Perperam enim Huberus eam limi-
tationem adiicit: modo patronus ei tamen hunc metum
non ostentauerit, eiusque intermissione pecuniam expres-
serit: tunc enim sine dubio daretur restitutio, si liberta
eum urgere auderet. Immo vero non daretur. Nihil
namque caussæ est, cur non & hic recte dicatur patronus
metum seruitutis intulisse, cum eius inferendi an-
sari præbuerit ingrata mulier; ecque hunc sibi timo-
rem iuris interpretatione (*) ipsa arcessuerit.

(*) vid. *Donell. Comment. I. C. lib. XV. p. 818.*

§. XXIII.

Huic rei, cum metus per quam similis fit, quem

K 2

reue-

reuerentialem barbare vocarunt, (rectius verecundiae dixissent,) non ab re erit, si illius quoque fundamen-tum probe excutiamus. Videas enim quosdam metu reuerentiæ gesta irrita dicere, quosdam rata. Quare videndum est primum illius reuerentiæ natura. Et hæc vero agnitionem potentia in alio, quem venera-mur, inuoluit: vnde loco cedere in re quacunque cu-pita honorare est. Ergo eo tota quæstio redit, vtrum intuitu ejuscemodi honoris, quibusdam hominibus de-bit, gesta in vanum recidant? Et puto non fore, qui adfirmaturi sint extremum. Exemplum est in lege 22 ff. de Ritu nuptiarum, vbi Celsus matrimonium, quod patre cogente hoc est, imperante contraxit filius, voluntarium statuit & firmum. Similis locus in leg. 26. §. I. ff. de pignoribus occurrit, vbi pater obligat prædium filii sui, & filius scribit instrumentum obligationis. Du-bium non est, quin res metu oppignorata alias rescis-sioni locum faciat. Verumtamen, quia metu reue-rentiæ duntaxat coactus est, recte scribit *Modestinus*, contractum esse pignus, & silentium eius loco conten-sus haberi.

§. XXIV.

Quid est igitur, quod adiiciunt nonnulli, etiam metum reuerentiæ edicto locum dare, si vel enormis læsio occurrat, vel impressio acceſſerit, & alia violen-tia? Certe *Couarruñas* (*) & *Wesembœcius* (**) eo pacto rationes suas subducunt. At, cum quæſtionis statum temere peruertant, non est, quod multum nos eiuf-modi adiectiones perturbent. Vbi enim enormis læsio obſeruatur, ibi non tam propter timorem verecundiae contractus vacillat, quam propter damnum grauiffi-mum

mum, quod sentit filius. Quod & in altera specie animaduerit *Bachouius* (***) qui eiusmodi additionem & conditionem sine circuitione dixit ineptam, quoniam ita res non manet in terminis metus reverentialis.

(*) de Matrim. part. II. cap. III. §. VI. n. 4.

(**) in parait. D. quod metus caufa n. 3.

(***) in notis ad *Wesenb.* parat. l. c.

§. XXV.

Potius illud disquirendum est, annon licito more furibus & adulteris *ἐν αὐτοφύσῃ* deprehensis incutiatur terror, vt aliquid donent, promittantue, vt ne vinciantur, aut occidantur, aut prodantur, &, vt in *Circulione* loquitur *Plautus*, intestabiles fiant? Et scribit sane Pomponius, (*) etiam hoc exemplum ad edictum pertinere: quamquam *Venusinus Poeta* (**) contra niti, & *Seruum Galbam* IC. cum sale videatur perstringere:

*Qui moechis non vultis, vt omni parte laborent:
Utque illis multo corrupta dolore voluptas,
Atque haec rara, cadat dura inter saepe pericla.
Hic se præcipitem te^{cto} dedit: ille flagellis
Ad mortem cæsus: fugiens hic decidit acrem
Prædonum in turbam: dedit hic pro corpore NVMMOS:
Hunc perinxerunt calones: Quin etiam illud
Accidit, vt cuidam testes, caudamque salacem
Demeteret ferrum: IVRE omnes: Galba negabat.*

Num igitur & Pomponium, virum iuris scientissimum, moechum quoque dicemus, vt qui contra moechos pronuntiare noluerit, quemadmodum de Galba adseuerat *Horatius*? Et non arbitrer, Nam, licet eiusmodi furtiuos amores nemo prober; nemoque priuatis concessam vindictam culpet; neque etiam lex Iulia dormiat, quæ



adulteria seuere coercuit; tamen in iure nimis accidit frequenter, vt actus aliquis illicitus iuris quodam effe-
ctu potiatur, quamlibet sua pœna suoque cruciatu vix destituatur. Quocirca nullum mihi dubium hæret, quin ipse Pomponius fuisse dicturus, C. Gallium, vt est apud Valerium Maximum, (***) a Sempronio Musca deprehensum iuste fuisse flagellis cæsum; Lucium Octauium a Caio Memmio neruis licite contusum: Carbonem Atticenum a Bibieno, item M. Pontium a P. Ceruio non inique fuisse castratos: habebat enim & ille perspectum, quid iræ parentis maritique infelcis indulserint publici mores. Nunc istud duntaxat disceptatur, vtrum hac ira cessante, eo nomine pecunia extorqueri a delinquentibus pos-
sit? Et apte definit Paulus, (†) præterquam, quod in legem Iuliam incident, qui pro comperto stupro acceperunt, etiam Prætorem interuenisse merito; quod gestum esset malo more. Et hic autem non re-
spicit, an adulter sit, qui dedit, sed hoc solum, quod hic ac-
cipit, metu mortis illato. Quo præsidio tanto magis o-
pus fuit, quod alioquin viam metumque passo nullo alio
remedio ciuili erat consultum, neque etiam is condi-
tione ob turpem caussam vti poterat, quemadmodum
apparet ex l. 4. de condic. ob turpem caussam. Accedit,
quod mariti ita sæpe cum vxoribus componunt, vt
hæ adolescentes in lautiori parte positos ad libidinem
pelliant, quos deprehensos illi deinde magna pecu-
niæ summa metu prodigionis, vel verberum, vel mor-
tis emungunt.

(*) l. 7. §. 1. ff. quod metus caussa.

(**) lib. I. Satyr. II. v. 38. seq.

(***) lib. VI. cap. I.

(†) l. 8. ff. hoc tit.



§. XXVI.

Quæcum clare intelligantur, reliquum est, ut
doceamus, nec metum iustum, nec iniuria illatum ab
alio sufficere, nisi simul eius caussa aliquid gestum, (*)
adeoque damnum fuerit acceptum. Iam enim ante
monitum est, restitutionem, quid? quod abolitionem
ob delictum decerni: delictum ex gesto cognosci. Ge-
stum vero tam late accipitur, ut pacta, conuenta, stipu-
lations, alienationes, translationes, quin remissionem
quoque & non gesta, seu omissa comprehendat. Sic
restituitur non tantum, qui stipulando promisit, qui
coactus donauit, & transegit, &c. sed etiam qui passus
est in suo solo ædificare, (**) qui vsumfructum vel ser-
uitutes amisit (***) . Qui vero nullum ex metu dam-
num sensit, nec iudicis officio, nec Prætoris auxilio in-
diget, quia nihil ei ob timorem, de quo differimus, ab-
est. Itaque, si quis iniuste quidem perterrefactus ali-
quid promiserit, deinde vero sine novo metu id solue-
rit, non restituetur. Quamuis enim promissor ob me-
tum large ac prolixe aliquid esse videatur pollicitus,
adeoque illa præcedens trepidatio propemodum solu-
tioni caussam dedisse pareat; tamen verum est, ex illa
priori impressione solutionem non esse factam; cum
licuerit coacte promittenti, non soluere, vtpote exce-
ptione tuto, & præterea ita constituto, ut si luberet, ac-
ceptilationem illius obligationis vltro petere posset. Et
huc Alexandri Imperatoris (+) rescriptum pertinet,
quod recitamus: cum te non solum cœuisse, verum etiam
soluisse pecuniam confitearis: qua ratione ut vim passus re-
stitui, quod illatum es, postules, perspici non potes: quan-
do verisimile non sit, ad solutionem te properasse, omissaque-
rela



rela de chirographo, utpote per vim extorto, nisi & in soluendo vim te passum dicas.

(*) Ideo gesti quoque in Edicto est iniecta mentio.

(**) l. 9. in pr. ff. *quod metus caussa.*

(***) l. 9. §. 7. ff. *eodem.*

(†) v. l. 2. C. de his quæ vi metusque caussa.

§. XXVII.

Cui sententiae nequaquam aduersatur Pomponius in l. 7. *de conditione ob t.c.* qui ex ea stipulatione, quæ per vim extorta esset, si exacta pecunia foret, repetitionem concessit. Apposite enim Iacobus Cuiacius (*) inter conditionem ob turpem caussam, & actionem, quod metus caussa distinxit. Nam qui exigit, turpiter petit simulatque turpiter accipit. Quod vero ex iniusta vel turpi caussa apud aliquem est, vel reperitur, condicione potest. In actione quod metus caussa secus est. Hic impressio requiritur, violentia, & metus satis atrox. At, qui sua sponte exsoluit, quod promisit, is metu se se coactum adfirmare nequit. Quæ responsio multo commodior est, quam illa altera imperitorum Doctorum, (**) qui cum voculam *exacta* offendissent, etiam solutionem per vim extortam somniarunt. Sed a veritate procul abest, *exigere* idem sonare, ac per vim extorque-re. Exigunt creditores pecuniam mutuo datam, nec illam tamen per vim atque arma de manibus debitorum excutiunt.

(*) ad l. 9. §. 3. ff. h. tit.

(**) Hi enim glossam sequuntur: glossa vero ab omni humaniori literatura vacua est.

§. XXVIII.

Ceterum præclare animaduersum ab illustri

Rhetio



Rhetio (*) est, consensum huiusmodi nouum ex inter-
vallo subsequi debere, metu amoto, loco tuto, itemque
seculo. Quod si enim in instanti fiat, simulationi ac
dissimulationi non nihil datum censebitur, Vnde sapi-
enter Samuel Strykius, (**) vir vere pragmaticus, istud
indoctorum scribarum εὐρημάτινον risit, reiecitque, qui
in contractibus, quos condunt, remissionem exceptio-
nis quod metus causa sacerius inferciunt; quasi scilicet
hæc aliquid efficeret formula, cum durat cogendi pote-
stas, illudque metus momentum. Ob eandem ratio-
nem illa quoque cautio, tanquam inanis repudianda est,
quando nonnulli interrogari iubent promissores, utrum
animo lubenti, ac nullius coactu fidem dederint? Quod
si enim id eodem temporis vestigio contingat, omnis
confessio nihil proficiet, quamvis hilari vultu, ac fron-
te itidem exporrecta illa dicatur facta. Multi quippe
vultu lætitiam præ se ferunt, quamlibet inclusus dolor
pectus acerbe strangulet. (***)

(*) Dissert. de operat. metus. cap. IX. n. 2.

(**) de Caut. Contr. sect. I. cap. IV. §. 9.

(***) vid. Rhet. I. c. n. 6,

§. XXIX.

Ergo paucis potius dispiciemus, an damnum
oporteat esse datum reapse, si vel edicto locus sit con-
cedendus, vel tota eiusmodi pactio nulla pronuntianda?
Et facili negotio intelligetur, requiri detrimentum.
Quid enim restituet Prætor, quid itidem erit irritum, si
mea non intersit, gestum rescindi, omnique firmitudi-
ne destitui. At mea certe non interesset, si nihil da-
mni in præsenti emineat, nihil etiam in futurum immi-
neat. Quæ verba postrema sollicite tenenda sunt. Fac
enim

enim me coactum fideiussisse, fac, alia cautione interposita, me creditorem securum reddidisse: forte etiam verum erit, mihi actionem quod metus caussa competere. Licet enim nullum adhuc damnum contraxerim, tamen haud procul absurum, quin certo contraham. Quæ autem in propinquo sunt, iuris intellectu videntur esse præsentia.

§. XXX.

Atque hæc quidem, si rite perpendantur, tum vero haudquaquam difficile erit ad coniiciendum, quare is, qui metu expressit pecuniam sibi debitam, aut rem, iure dominii sibi competentem minime possit conueniri ex edicto. Hæc enim actio damnum requirit, idque verum, nec imaginarium. Atqui debitor non potest dici damnum fecisse; contra quem creditor, aut dominus & ius & actionem habebat. Ceterum, ne vis illata in cinitate, vbi tranquille viuendum, maneat impunita, lege Iulia (*) de vi cautum est, itemque condicione ex lege Diui Marci, quæ recitatur in l. 13. ff. *quod metus caussa*. Et vult vero illa, vt, qui sibi ipse vel auferendo rem suam, vel extorquendo summam sibi debitam ius dicit, ius crediti amittat. Quo amissio, mirum non est, timore presso dari condicione. Tantum dubitatur, quæ condicione, vtrum illa indebiti, an hæc ex decreto Diui Marci locum habeat. Et putat D. Strunius, (**) sufficere conditionem indebiti, aut illam generalem sine caussa; quoniam verba Decreti essent negantia: *ius crediti non habebit*. Sed disputantur hæc nimis subtiliter. Perinde enim est, siue quis repeatat rem terrore ademptam condicione indebiti, siue condicitione ex constitutione Diui Marci. Similiter non est necesse, vt hic fictio iuris statuatur, qua is,



is, qui vi abstulit rem suam, ius etiam nullum initio habuisse censendus sit. Ecce enim fictione utramur, ubi legis clarissimum testimonium audimus? Sed haec tradidisse ad nostrum institutum abunde fit. Alio tempore adferemus plura.

(*) Poena legis Iuliæ in hac caussa fuit infamia, simulatque *confiscatio tertie partis bonorum v. l. fin. ff. ad legem Iuliam de vi priuatu.*

(**) Exercit. VIII. n. 14.

CAPVT IV.

DE

EFFECTV PROMISSIONIS METV EXPRESSÆ SECUNDVM IVS PONTIFICIVM.

§. I.

Pontifex maximus simiam Imperatorum in pluribus egit: in hac caussa non egit; quanquam multi sint, qui optime illum cum Romani iuris disciplina conspire contendant. Sed ostendemus, spero, euidentibus signis atque argumentis pactiones, conuenta, stipulationes terrore factas, iure Pontificio irritas iudicari, & inanes; quidquid alii in contrarium nobisoggani- ant.

§. II.

Nam cum bonæ fidei nihil magis repugnet, quam vis atque metus; Praefules autem Romani in omnibus contractibus fidem bonam, eamque exuberantem requirant; consequitur sane, ut, ea deficiente, deficiat quoque consensus plenus, quippe qui non tantum a parte promittentis, verum etiam a parte acceptantis

L 2

cum

cum mentis integritate debet esse coniunctus. Sed quis vero animi puritatem apud illos venetur, qui, latronum more, atroci alios metu examinant? Et constat sane ex Canone II. Tarragonensis Concilii apud Regionem & Burchardum, sacros Praesules de fide bona adeo fuisse sollicitos, ut iis, qui in facerdotum numero esse volunt, emendi vilius, & vendendi carius studium penitus interdixerint. Quanto igitur minus fit verisimile, tot viros peculiarem vitæ sanctimoniam affe-stantes, ac leges & decreta sua sub pietatis specie misericordie commendantes, voluisse ultra ratione vim atque metum in conuentionibus ac stipulationibus pacientium tolerare?

§. III.

Quod, ut paullo clarius eluceat, diligentem operam nauabimus, ituri per exempla, quæ Pontificum rescriptis continentur. Et traditur vero, atque ab universis fere Doctoribus conceditur, sponsalia, (*) quid? quod matrimonium (**) ob metum atrocem inita ipso iure labefactari; votum, itemque monasticæ religiosis professionem timore mortis verberum, atque vinculorum factam mancam esse; absolutionem ab sententia anathematis atque deuotionis per vim elicital in vanum cadere; electionem ecclesiasticam metu graui factam nullius roboris censeri; resignationem beneficii terrore susceptam ab omni iuris effectu vacuam esse. Quæ omnia indicio sunt, ius Pontificium tam subtili ac spinoso decisionis generi supersedisse, utpote quo plura conuenta per vim metumque facta in se stabilia, Prætoris demum auxilio erant rescindenda.

(*) cap. XV. XVI. X. de Sponsalibus.

(**) c. Si verum cauß. 31. quæst. 2.

§. IV.



§. IV.

At, posteaquam insignis contusio in fcholis Do-
ctorum coorta est, atque illi ius ciuale ex canonibus
Patrum, & decretis Pontificum interpretari, & horum
rescripta vicissim ex iuris Romani fontibus exponere
coeperunt, factum est, vt etiam in caussa metus atro-
cis ius canonicum cum Prætoris formula concordare
sibi persuaserint. In quem finem litteræ capitilis II. de
bis quæ vi metusque caussa fuit, ex amissim in hæserunt,
vt pote in quo Wigorniensi in Anglia Episcopo rescri-
bitur, eum qui coactus ecclesiam suam eierasset, nequa-
quam obstringi, sed quæ metu & vi essent facta de ratione
iuris & ordine in irritum debere reuocari. Sed vereor,
vt, quod volunt, hisce voculis demonstretur. Nam
præterquam, quod hic de iuramento sermo sit, quod
maiori auctoritate est expungendum, tum vero modus
etiam loquendi in irritum reuocari adeo videtur ambi-
guus, vt magis vanitatem, quam rescissionem indicare
verisimile fiat. Neque enim Alexander III. Antistes
Romanus adeo idiomatis latini erat compos, vt appo-
site omnia, & proprie, & significanter efferret. Cui
sententiæ nequaquam refragatur vocula reuocandi. Est
enim adhuc aliquid differentiæ inter rescindi, & nullum
pronuntiari. Quod nullum pronuntiatur nullius mo-
menti initio fuit; quod rescinditur, demum ex post
facto debile redditur. Atque illo sensu etiam irritandi
verbum in capite VI. X. *etdem* videtur explicandum.

§. V.

Aliorsum si accipiatur, atque nos fecimus, timen-
dum est, ne exceptiones longius latiusque ipsa regula
pateant; quod prorsus videtur incongruum. Et eam
vero

L 3



vero difficultatem vix tollunt, qui cum *Emanuele Gonzalezio* (*) discrimen constituant, inter actus illos qui ex libera voluntate fieri debent, & inter eos, qui ex libertate simpliciter, seu consensu. Scire enim oppido vellem, quare quidam actus omnimodam libertatem exposcant, quidam non item? Quod si discrimen iudiciorum bonæ fidei, & stricti iuris in pontificiis decretis nonnihil fundamenti haberet, adhuc fortassis toleranda distinctio foret. At ubi ubi quæso eiusmodi discrimen in illis inuenitur & inculcatur. Pontifices forum conscientiae sine intermissione fere crepant: & hoc autem omnem iniquitatis Romanæque subtilitatē speciem respuit. (**). Nam ob causam nunquam probare potui acerrimam *Antonii Fabri* (***) censuram, qua *Ioannem Imbertum*, virum alioquin doctum, & inter pragmaticos Gallos elegantissimum temere insectatus est, quod in Enchiridio scripsit, non conuenire Viro Christiano credere, alios hodie nullos esse contractus: quam qui bonæ fidei sint. Falsum enim est, sic peruerteri totam iuris canonici prudentiam, quamlibet certo modo concedatur Fabro, peruerteri illam (†) iuris Romani.

(*) Comment. ad cap. I. X. de his quæ vi metusque causa sunt.

(**) vid. *Ioannis Valeri* different. utriusque fori. voc. iudicium diff. III. IV. & voc. Contractus diff. VII.

(***) de Error. Pragmatic. decad. IX. error. I.

(†) Saltem confectores sub *Iustiniano* totum ius hisce doctrinis impleuerunt.

§. VI.

Quapropter aliud, omissa illa distinctione, qui emunctioris naris sibi videntur, praesidium circumspexere; discrimen faciendo inter actus spiritales, eosque qui



qui spiritualium numero non comprehenduntur. Illos ob metum concurrentem inanes, hos vero stabiles omnino & firmos pronuntiant. At non modo illa differentia fallit in sacramentis, vt sunt baptismus, ordo, & confirmatio, quæ, vt ut metu accepta, (*) firmissime valent; verum etiam in negotiis non spiritualibus falsitatis haud difficulter argui potest. Fac enim matrimonium itemque sponsalia, quæ sunt præludium sacramenti, iusto timore celebrata vanescere, quia, vt loquitur *Petrus Damianus*, (**) nuptiale mysterium a carnali sacrilegio venit discernendum; fac etiam votum religionis solenne ob spiritualem, quam flagitat, figuram manere: (***) pone absolutionem vi extortam ob contemptum clavium, (+) & cælestis potestatis viribus omnino carere: quid fiet quæso de electione ecclesiastica, (††) de resignatione (†††) beneficij, de promissione dotis, de manumissione, de donatione gratuita ob metum maioris mali facta? Num hic aliquid rerum superarum est? aliquid mystici? Et vereor, vt ne iterum principium petant, inque his omnimodam libertatem incaute exigant, in ceteris libertatem solam exposcant, non omnimodam.

(*) Cap. 3. §. item X. de Baptismo.

(**) in opusculo XLI. cap. 1.

(***) Gonzalez ad cap. 1. b. tit. n. 17.

(+) cap. unico b. tit. in 6. Zieglerus ad *Lancellottum lib. IV.*

tit. XIII. §. 44. p. 1058.

(++) cap. cum terra X. de elect.

(†††) cap. Abbas X. hoc tit. Cabreros de metu lib. II, cap.

XIV. n. 54. Gonzalez ad cap. IV. b. t. p. 955.

§. VII.

Igitur proprius ad veritatem accesserunt, qui metu

tu

tu gesta ipso iure ex Pontificum decretis dixerat nulla: in quorum numero *Panormitanus*, *Wesenbechius*, atque *Habnius* deprehenduntur, (*) viri graues ac singulari iuris cognitione eminentes. Cui illud quoque argumentum censemus addendum, doctrinam de metu primum in *Decretalibus* proponi, postea demum rubricam, de *restitutionibus* in *integrum* sequi: quod sane indicio est, metu gesta eiusmodi auxilio non indigere.

(*) vid. *differentiae I. C. & Canonici*, quas C. I. institutio-
nibus adiecit *Schilterus*, p. 463. add. cap. IV. X. b. tit.
vbi diserte ab *Innocentio III.* Pontifice dicitur: *que vi me-
tusque causa sunt, carere robore firmitatis.* Quin nec
litteras censeo prætermittendas, quas *Cap. II.* produxi-
mus ab eodem *Innocentio* exaratas. In illis absolute, ter-
rore gesta non obligari, adfirmatur: nulla rescissionis
mentione iniecta.

§. VIII.

Ceterum istud omnino pro certo assumendum existimamus, Pontificio quoque iure eiusmodi metum exigi, qui cadat in virum constantem; (*) & corporis interat cruciatum, vel, si quid huic simile videtur. Vnde nec de verecundiæ metu diuersum his tabulis prodi-
tum est. Hic enim non ita mouet, ac percellit homi-
nes, vt eos, alioquin constantes & fortes, concutiat gra-
uiter, dimoueatque de proposito. Quod si accedant verbera, vincula, minacæ immanes, mox dandæ exe-
cutioni, tum vero vanescit timor reuerentiæ, ac mani-
festa μεταμορφώσει in atrocem, illicitumque transit. Eo
caput II. X. de desponsatione impuberum refero, vbi pu-
ella parentum minis impuberi desponsa liberam facul-
tatem accepit, yt cum alio adolescenti, vel viro con-
iuncta



iuncta ætatem ageret. Neque enim verecundia commota dici poterat, quam minax patris vultus, & verba longe asperrima ad assensum pepulerunt. Sed an vero sine eiusmodi minis, & vi magna nimia detur verecundia altioris disquisitionis videtur. Saltem id exploratum est, altum in legibus Romanis, Pontificumque rescriptis de illa nimietate *absoluta silentium esse*. Quidquid hac de re profertur, in cerebro Doctorum argumento l. i. §. 5. & 6. *quar. rer. act. non datur enatum est*, qui nimiam reverentiam & metum grauem æquiparari audacter contendunt; eaque ratione indueti sacerdotem metu & reverentia Præsulis sui beneficio renunciantem officio iudicis clamitant restituendum. Quod sane totam compagem disciplinæ iuris tam ciuilis, quam canonici resoluit, vt pote in qua eiusmodi requiritur terror, qui virum, vel minimum feminam constantem quatiat. Reetius rationes suas subducunt, qui anathematis timorem in hunc censum referunt. (**). Licet enim ad poenam illud inuentum non sit, tamen omni pœna humana interdum videtur terribilis. Eo enim fulmine tacti infamia laborant: non admittuntur ad magistratum: amouentur & reiiciuntur ab omni hominum consortio: non ius durat connubii: sepultura, aliments, & vita denique ipsa habentur indigni: hinc spoliантur, & rebus suis exuuntur, & exui etiam iubentur, quin capiuntur tandem & cæduntur, idque impune: nec occidens dicitur homicida: quamuis pœnitentia iniungatur, eaque sat leuis. Ex quo luculentter arbitramur constare, id fulmen non esse semper brutum, sed tali saepe impetu vibrari, ut non tantum vir constans, sed constantissimus quoque eius fragore percellatur, & frangatur. (***)

M

(*) Cap.



(*) Cap. 4. X. b. tit. *cap fin.* X. de appellationibus.

(**) Faciunt hoc post glossam in cap. cum olim de restitut. spoliatorum. Loriotus ad l. 3. sequ. de R. I. et Sebastianus Medices de cas. fort. p. 1. quæst. VII. n. 7.

(***) Consule Antonium Matthæi de Jure gladii cap. XXXI. p. 509. seq.

§. IX.

Quod sicuti graphicè depinxit Antonius Matthæi nepos; ita vicissim minus curate rem pensitauit, quando ius canonicum interdum metus non magni habere rationem in nuptiis & votis adfirmauit. Id enim, ut probaret, cap. 17. X. de sponsalibus adduxit, itemque cap. 6. X. de voto & voti redēptione. Verum, cum aude hæc loca, eaque, qua par est, industria perlustrassēm, tandem deprehendi, virum alias perdoctum grauiter offendisse, ac peccasse. Neque enim in priori metus exigui, ut ille, ait, ratio habetur sed duntaxat præcipitur, ne ad matrimonium ineundum cogatur mulier, quæ iurisfundi religione neglecta nubere renuit, cui, se nupturam, sancte iurauit: addita ratione fatis prægnante, quod coactiones soleant difficiles exitus frequenter habere. In altero vero tantum abest, ut aliquid de voto ob leuem metum rescindendo, vel abolendo dicatur; etiam nihil huius rei ibidem reperitur. Quid enim id consequentiæ est? Votum spontaneum sit: ergo leuis metus ad illud extingendum sufficit. Et hæc vero conclusio nusquam, credo, in Canonum iure occurrat.

§. X.

Supereft, ut vnicum dubium, idque speciosum quadantenus de medio auferamus. Si metu, inquiunt, gesta per se concidunt, aut secundum Pontificii iuris dicta-

dictata, irrita sunt pronuntianda, qui fit igitur, vt, cum promissioni metu extortæ accedit iuris iurandi religio, illa teneat, nec obligatio, donec laxetur vinculum, exolescat. Et facile repono, promissionem non videri propterea efficacem, quod metu gesta manent, & subsistunt; sed quod hic nouum vinculum, noua erga Deum obligatio interuenit. Dabimus enim dissentientibus animo per quam lubenti, iuramentum graui terrore elicitum non esse nullius momenti: vtut non sum nescius, arbitrari doctores haud paucos, illud una cum ipsa promissione secundum rescripta Pontificum in irritum recidere, Saltem in illa opinione *Seraphinus*,
 (*) *Mogolonius*, (**) & *Cabreros* (***) sunt: alii vero cum *Boekelmanno* (+) inter actus iure gentium & naturæ, & actus iure ciuili illicitos sollicite distinguunt. At nos, vti diximus, facile, quod cupiunt, permittimus, Pontifices tantum non omnibus promissis iuratis aliquid stabilitatis adtribuisse. Nam cum illi Patrum philosophiam huic fauere sententiæ, & *Augustinum* (††) in primis ad has inclinare partes animaduerterent, fieri sane non potuit, quin & ipsi huic opinioni patulas aures præberent; maxime, cum ius relaxandi eo pacto ad suum deuolutum ouile intelligerent. Quod postremum *Innocentio III.* adeo opportunum accidit, gratumque, vt obtentu jura-mentorum, quæ suæ iurisdictionis esse contendebat, et iam de liberarum gentium fœderibus cognoscere auderet. Non putet, inquit, (†††) aliquis, quod iurisdictionem illustris Regis Francorum perturbare aut minuere intenda-
 mus. Non intendimus indicare de feudo, sed decernere de peccato. — Postremo cum inter Reges ipsos reformata fuerint pacis fœdera, & virisque prestito proprio iuramento firmata, quæ tamen usque ad tempus prætaxatum seruata



non fuerint, nunquid non poterimus de iuramenti religione cognoscere, quod ad iudicium Ecclesiae non est dubium pertinere, ut rupta pacis fœdera reformentur.

(*) *De priuileg. Jurament. priuileg. CX. n. s.*

(**) *De Metu cap. IX. n. 9.*

(***) *De Metu cap. IX. n. 9.*

(†) *Ad Digesta h t. n. 2*

(††) *In Epist. CCXXIV. ad Alipizum.* *Quod scripsisti, ait, de genere jurationis violenter extortæ, ut inter nos requiramus, obsecro te, ne res lucidissimas disputatio nostra faciat obscuras. Si enim certa mors intentaretur, ut aliquid illicitum ac nefarium seruus Dei se iuraret esse facturum, mori malle, quam iurare debuerat, ne iurationem scelere impleret. Nunc vero cum tantummodo populi perseverantissimus clamor ad nullum nefas hominem cogeret sed ad id, quod si fieret, licite fieret, quis censem propter, incerta, non dico, damna et quaslibet iniurias corporales, sed propter ipsam mortem cauendam, certum perjurium debere comitti.* Et paullo post: *Solemus et hæc, quamvis in hominibus a Christi gratia et nomine alienis, cum ingenti admiratione laudare: et ad hoc in libris diuinis inquirendum putamus, utrum aliquando licite peieremus, ubi nobis, ne iurandi facilitate in perjurium prolabamur, etiam præceptum est, ne iuremus?*

(†††) *Cap. XIII.X. de Iudiciis.*

§. XI.

Eadem Sacerdotum molitiones in ceteris tere, quæ ad contractus priuatorum pertinent, quæstionibus Mornacius (*) deprehendit, quas vniuersitas sub simili colore ad iudicia Galliæ ecclesiastica Præfules traxisse facros commemorat; quia tabelliones nunquam non adiecissent, præstitum a contrahentibus sacramentum de seruandis, quæ pepigissent. Et tum vero ante omnia



omnia erat peruidendum, vtrum per vim metumque, an ex libero voluntatis arbitrio istud fuerit adiectum præstitumque. Quæ omnia satis probant, Pontifices sui quoque commodi caussa tantam sacramentis firmitudinem dedisse. Iure, an iniuria? videbimus.

(*) *Ad l. 8. Cod. de Episcopali audiencia.*

§. XII.

Sunt enim non tantum inter eos, qui Romani antistitis placita sequuntur; verum etiam inter nostrates, tam theologos, quam philosophos & iureconsultos (*) nonnulli, qui Augustini, aliorumque Patrum enunciata cæco adsensu dignantur: persuadentes tibi, supremo, cum iuramus, Numini, ius acquiri, eoque huic saltem, si non partibus, aliquid promitti. Id autem, si fit, fas esse dicunt, seruare promissa, non tam latronis, vel timorem incutientis intuitu, quam DEI, quem nemus impune læserit, luseritque: quasi vero is videatur ludificare Numen sanctissimum, aut nomine eiusdem abuti, qui corde suo trepidat, &c. ut vitam suam redimat, latrone exigente nuda verba absque mente emitit. Quæ namque hæc quæso inuocatio foret, quæ mens? Num vt paciscens obligetur arctius? promissumque fiat confirmatus? At istud nunquam potest firmari: deficit hic ius acceptandi. Quidquid dictum actitatumque est, in sui detensionem dixit gessitque misser, qui vbi terrarum foret, nesciuit edepol. Jam vero, si ipsa promissio ob acceptantis, seu stipulantis crimén inanis est, quis Deum, bonorum nostrorum minime egentem vrgentiorem promissorum exactorem, quam hominem existimabit? Quis prædonum caussa tam sollicite eiusmodi pollicitationes credet seruandas?

M 3

Sci-

Scilicet hi digni sunt, qui summi Numinis auxilio commodum percipient, lucrumque tollant. Sed fac tamen, nomen Dei in vanum vocari a pauentibus: num putas delictum iri attributum per vim atque metum iurantibus? Immo vero magis est, vt si quid peccabitur, illud imputetur vim iniustum adhibentibus? (*) Qui enim ea ratione lingua iurant, mentem injuratam gerunt. Quod illi etiam videntur agnoscere, qui coactores a superiori cogi posse existimant, vt quod sibi persancte promissum est remittant, vel, si quid iam datum est, restituant. Atque ita autem vereor, ne, qui nobis, videntur contrarii, ipsimet proprio nunc se se gladio iugulent, dum amplius statuunt, inuaso post solutionem ius repetendi haud quamquam denegari. Quid enim hoc aliud, nisi ludus iocusque est? Cui ius repetendi permittitur, ille sane indebet soluit. Qui vero nihil debet, quare, quæso, soluat? Ergo recte iterum Hobbesius (***) rationes subduxit, quando insurandum nihil superadde-re obligationi, pactisque opinatur. Eam doctrinam si-cuti Puffendorfius (****) copiosius deduxit; ita variis conclusionibus argumentisque illustravit.

(*) In horum numero Iohannes Werlbofius, vir ceteroquin doctissimus, deprehenditur. Sine dubio is Grotii amore abductus in errorem incidit. Video enim illud potissimum ab eo argumentum vrgeri, nomen DEI non esse temere adhibendum, eumque testem vocandum vindicemque sine causa. Quæ sane Patrum, et Hugonis Grotii philosophia est, quam deinde abunde confutabimus. Vide interea diff. de pacis liberarum gentium n. XX. p. 33.

(**) Est hæc D. Titii accurata ad propositam objectionem responsio in obseru. ad Puffendorfi libellum de officio hominis et ciuis obs. 2. 8.

(****)



(***) *De Ciue* cap. II. n. XXII.

(****) *De I. N. et G. lib. IV. cap. II. §. 6. seq.*

§. XIII.

Nam etsi iam Fridericus Ahenobarbus in *Authentica l.1. Cod. si aduersus renditionem idem statuisse videtur*; non adiecit is tamen legis, quam promulgauit rationem: ut silentio prætermittam, permultos iuris auctores ad eam opinionem fuisse adductos, dictam *authenticam* eo pacto esse explicandam, vt iuramenta metu præstata nullius sint mornenti, quod ad effectum contraetus confirmandi: vtcunque conualecant ea deu respectu DEI, qui vocatus est testis, usque dum laxetur religiosum sacramenti vinculum. Sane *Gonzalezius*, (*) vt & *Iacobus Wissenbachius* (**) ea ratione animum inducunt. Neque enim credibile videtur illis, Fridericum pontificii iuris, cuiustum maxima fuit auctoritas, oblitum, noui quidpiam statuere voluisse. Et nūum vero fuisse, si sacramenta ob impressionem maioris malis facta irrita pronuntiasset. Tam diu namque Deo iurantes obligari sacri canones sanciunt, donec iurisurandi gratia a Pontifice tacta fuerit, & impetrata absolutio.

(*) *In commentario ad Decretales* hoc tit. p. 965.

(**) *In Commentationibus cathedraliis ad Codicem* p. III.

§. XIV.

Quam sententiam sicuti sub veritatis censuram reuocauimus; ita perspicue deprehendimus eiusmodi interpretationem ex allegatis verbis non nisi violentis remedii exsculpi. Saltem *Guntherus in Ligurino*, (*) qui Friderici constitutionem metro expressit, repugnantibus affundere lucem aptus est.

Jura-



*Iuramenta metu, mortisue dolore coacta,
Præcipue, ne quis multis nocitura loquendo
Publicet, aut in se crudeliter acta queratur,
Nullius meriti, vel ponderis esse iubemus.*

Quæ postrema verba adeo sunt perspicua, vt, qui præsumtis opinionibus non sunt prorsus occæcati, facile peruident, ea congruere notissimæ loquendi formulæ, qua aliquid esse dicitur irritum, seu nullum. Pontificis auctoritatem vero non est, quod quis absteruisse Barbarossam existimet. Insultauit ille Alexandro, & hic illi : sicuti istius temporis acta luculenter testantur. Tantum abest, vt Ahenobarbus Pontificis opiniones adoptasse videatur.

(*) *Lib. VIII. v. 793.*

§. XV.

Et ita vero facile nunc iudicare possumus, quomodo accienda sit contraria canonum doctrina, quæ de absolutione a iuramentis agit, earumque relaxatione. (*) Quod si enim iuramentum non tenet, nec nouam obligationem producit, dici profecto non potest, requiri liberationem. Quid enim soluendum quæso, quidue laxandum, si nihil sit quod laxetur? (**) At dupli ratione in hac causa canonica iura contradicunt. Primum negant, vti animaduertimus, in iure-iurando nihil esse obligationis; (***) deinde, et si id ita foret, tamen pro maiori cautione, & conscientiæ securitate absolutionem necessariam autumant; (+) petendam vel a Pontifice vel ab Episcopis. Alios non admittit *Couarruias Hispanus*. (††) Quod enim Deo promissum est, præter Deum, eiusque ministros remittere nemo potest. Sed Papa Dei minister est, eiusque pro-



propemodum in his terris vicarius, qui illud potestatis cum ceteris Episcopis communicat; nisi diserte quosdam exceperit casus, sibi reseruandos.

(*) Etsi non sumus nescii doctores I. Can. inter absolutiōnem & relaxationem aliquid discriminis finxisse; tamē, quia non omnes eodem modo loquuntur; quidam vero promiscue has voculas usurpant, veniam nos impetratueros speramus, si posteriorum methodum modosque loquendi sectemur.

(**) Ita merito argumentantur *Icti Argentoratenses in Consilii suis III. n. 131. 132. Volum. II. Rennemannus Jurispr. Membr. IV. disp. XXX. §. 48.*

(***) Hoc est illud πρῶτον Φεύδος, quod abs canonici iuris magistris, & Grotio quoque fundamenti loco erroneæ opinioni substernitur.

(†) per cap. XII. in fine X. de iure iurando.

(††) in cap. quamvis pactum part. I. §. III.

§. XVI.

Atque hæc placita illis facile condonantur, quibus piaculum videtur a Pontificum disciplina abire tantillum. Sed id, fateor, mirum est, tam illepidā vṛgeri ab iis, qui Praefulsi Romani decreta alias contemnunt. *Ioannes Emericus Rosbachius* in eam opinatiōnem est prolapsus, vt illud quod inter Deum ac homines intercedit iurisiurandi vinculum putauerit insolubile: (*) *D. Lynkerus* (**) vna cum aliis credidit (***) liberationem a juramento, quod prædoni fuit præstitum nec peti, nec concedi ab imperantibus posse: alii alia commentati sunt, bonarum esse mentium statuentes, ibi etiam culpam timere, vbi nulla reperitur. (†)

(*) In append. tract. de Comparatione iuris ciuilis & canonici qnæst. I.

N

(**) In



(**) In Analectis ad Sym. Struu. ad tit. ff. quod metus causa p. 80.

(***) vid. Lauterbach. Collegium I. tit. de Iuramentis n. XXIX. Linckius ad decretales de his quæ vi metusque causa fi- ant. p. 230.

(†) Einsiedel de Regal. cap. II. n. 256. Græu. I. consil. XXII. n. 3. seq.

§. XVII.

Quæ aberrationes, vnde sint profectæ, nemo non videt. Nam posteaquam D E O aliquid in iura- mentis promitti semel probarunt; tum vero tolli obli- gationem ab hominibus, petique eiusdem ab imperanti- bus solutionem atque relaxationem nefas habitum est. Ceteri, vt sunt forte timidi, vel timidissimorum etiam hominum sectatores; ita relaxationem fine intermis- sione crepant, trepidantes interea, vbi nemo irascitur, & fugientes identidem, vbi nulla formido circumstre- pit. (*) Ad quam classem illi sane pertinent, qui absolu- tionem, vt loquuntur, *ad cautelam* intempestive sua- dent atque exigunt: rectius facturi, si homines tenera conscientia ictos melioribus doctrinis imbuerent. Omnes enim mentis anxietates, remorsusque, & scrupuli, in hac faltem causa, ab ignoratione proueniant, quam non tam absolutione & solenni liberatione tollas, quam con- firmatiorem efficias. Interea quis habeat potestatem soluendi & relaxandi, vtrum Pontifex & Episcopi, an imperantes, an Cæsar, an suprema iudicij tribuna- lia, an Principes imperii & status, alterius disquisitionis est, quæ sicuti ab nostro instituto quadantenus aliena est: ita non audemus vagari extra oleas.

(*) Signanter Euripides in tragœdia incerta:

εἰς γὰρ αὐτίνετον

Τὸ θεῖον, δλλὸ εἴει, συνένει τὰς κακῶς

Ha-



Παγέντας ὄρκος οὐκ πατηταγματο μένεσθαι
Συγγνώμονάς τοι τὸς θεούς εἶναι δόκει
Ἐδώ τις ὄρκος Θάνατον ἐπέφευγεν θέλη
Η δεσμὸν, η βίᾳα πολεμίων καὶ.

Non caret sensu DEVS,

*Vt scire nequeat, quod sacramentum dolo
STRUatur, aut quod exprimat necessitas,
Speranda DEVVM facilis indulgentia,
Si quis periculum mortis, aut iram hostium
Aut dura vincla iureiurando fugit.*

Et pertinet hoc sine dubio Germanorum proverbiū :
gedrungen End ist Gott seyd. Exposuit illud eleganter
D. Hertius de Paroemiiis iuris German. nobisque hunc
Euripidis locum suppeditauit.

CAPVT V.

DE

EFFECTV PROMISSIONIS METV EXTORTÆ SECUNDVM IVRA GERMANIÆ ANTIQVA.

§. I.

AMarunt Germani bella, ac ferrum s̄epe inter se strinxerunt : in bello vis est : in armis timor : & tamen in ciuitatibus ac pagis suis pacati egerunt. Valde enim iniurii sunt, qui nullam maiores nostros iustitiae atque iniustitiae rationem habuisse cogitant. Habuerunt omnino. Nam etsi latrocinia apud eos nulla infamiae labē notabantur ; cordate tamen adiicit Cæsar, (*) quæ extra fines cuiusque ciuitatis fiunt. Itaque in ciuitate otium erat, & tranquillitas : aut mini-

N. 2

mum



mum Germanorum voluntate esse debebant. Hinc hospitiis, & convictibus non alia gens effusius indulxit: (***) quin nulla itidem maiorem in pactis fidem, constantiamque in seruandis promissis enixiorem ostendit.

(*) lib. I. cap. VI. de Bello Gallico.

(**) Tacit. de M. G. cap. XXI. §. 3. Apte Pomponius Mela lib. III. de situ orbis: ius in viribus habent, adeo ut ne latrociniis quidem pudeat, tantum hospitibus boni, mitesque supplicibus.

§. II.

Sed cum vero pactum non sit, nisi vterque contrahentium debita ratione se gerat; dubium sane non est, quin maiores nostri omuem vim atque fallaciam ab tali negotio iussuerint abesse: siquidem verum est, nihil magis naturæ contractuum, quam huiusmodi terrorum esse oppositum. Id quidem videtur certum, doctrinam de restitutione in integrum, prout illa in legibus Romanis proponitur, non esse prorsus naturalem: nescit ratio illas ambages: nescit illa iudicium rescissorium: (*) & nesciuerunt id etiam sine dubio Teutoniæ populi, qui ab Romani iuris crepundiis natura videntur abhorruisse. At non itidem ignorarunt iidem, neminem esse lædendum, ac si fuerit iniuste aliquis læsus, actum non tantum non esse ratum, sed etiam nullum.

(*) Congrue ad rem Ioannes Schilterus in Manuduct. ph. moral. ad iurispr. cap. ius gentium ignorat iudicium rescissorium: sed restitutionem in integrum concedit sine rescissione.

§. III.

Sane Visigothi, qui genuinus Germaniæ populus



lus fuerant, ac simul cultior (*) reliquis, diserte in legibus, quas condidere, sapientissimis metu gesta inania declararunt, ac prorsus nulla. Quid enim volunt hæc (***) verba, si id non volunt? Pactum quod per vim & metum extorserit persona potentior vel inferior, sine placita, vel reliquias scripturas, id est, si ille qui pacificatur aut in custodiam mittitur aut sub gladio mortem forte timuerit, aut ne pœnas quascunq[ue] vel ignominiam patiatur, vel certe, si aliquam iniuriam passus fuerit; huicmodi pactio vel scripture nullam habeat firmitatem. Eadem illæ de permutatione præcipiunt: (****) Commutatio, si non fuerit per vim & metum extorta, talem, quamlibet & emptio habeat firmitatem. Nec dissimilia sunt, quæ de venditione adiiciuntur: venditio per scripturam facta plenam habeat firmitatem. Ceterum, si etiam scriptura facta non fuerit, & datum premium presentibus testibus comprobetur; plenam habeat emtio robur. Venditio vero, si fuerit violenter & per metum extorta, nulla valeat ratione. De donatione (†) consulto nihil adiicimus; quamlibet & illa pronuntietur irrita, si terrore sit facta.

(*) Est hæc Hermanni Conringii obseruatio præclarissimis Visigothorum legibus innixa; quam vide sis de origine iuris Germanici cap. III.

(**). Leg. Wisigoth. lib. II. Tit. V. l. IX.

(***) Leg. Wisigoth. lib. V. Tit. IV. l. I. & II.

(†) Leg. Wisigoth. lib. V. tit. II. l. I.

§. IV.

Et videt vero benevolus Lector, nullam hic prætorii muneris mentionem fieri: non distingui iudicia bonæ fidei & stricti iuris: æquiparari paæta & contractus litterales: non apparere remedii reſcissorii vestigium. Saltem modi loquendi, nullam



lam firmatatem habere, & iterum nulla ratione valere tam perspicui sunt, vt nihil possit magis; quid? quod morum simplicitas, & plana litigandi apud has gentes ratio neutquam permittit, vt vel momentaneum eiusmodi pactionibus robur adtribuamus. Quod contra eos potissimum existimamus obseruandum, qui refindi & nullum esse temere confundunt; quo Romanj iuris disciplinam vbique terrarum inueniant,

§. V.

Interea, ne quis existimet, tolos Visigothos latine prudentiae anfractus deuitas, ceteras autem gentes secure eiusmodi placitis acquieuisse, ecce Baiuvariorum legem, quæ Dagoberto fertur accepta, cum cura percurramus; forte occurret nonnihil, quod nostro instituto apprime inseruiat. Et memini titulum XV. illius legis agere de venditione. De hac vero dicitur
 (*) diserte, *cam, si fuit violenter extorta, id est, aut metu mortis, aut per custodiam, NVLLA RATIONE firmam esse.*

(*) Cap. II. l. 2. p. 131. Capitular. R. F. edit. Baluziane.

§. VI.

Quæ omnia Francorum leges, quas Capitularia appellant, nouo robore firmiter. Neque enim illæ absolute iubent, vt pactis stetur conuentisque, sed si ista iustissimis rationibus fuerint inita. (*) Commutatio autem tum demum ad exemplum venditionis adfirmatur tenere, si vis absuerit, (**) metusque. Et iam vero manifeste ostendimus, quodnam robur Dagobertus venditioni, quam metus composuit adsignauerit? Eam ob caussam in Marculphi formulis (***) hæc venditionis ratio & rubrica spectatur: *Idcirco nulli cogentis imperium, nec a iudicaria potestate coactus, sed mea propria & spontanea voluntate & arbitrium accepto vero pretio con-*
stat



Et me vendidisse vel tradidisse, & ita vendidi. Quod argumento sane est, venditionem alterius coactu celebretam ipso iure fuisse nullam.

(*) Lib. VI. Capitul. CXLIX. p. 947. seq. edit. Baluz.

(**) Capit. lib. VI. c. CLII. add. Lex Baiuvar. tit. XV. cap. VIII.

(***) in Append. Marculph. Form. XIV. p. 445. edit. Baluziane.

§. VII.

De cetero, fateor, sententiae, quam propugnamus, speciosa dictu, & quadam veritatis imagine circumdata posse obuerti. Quid enim? ipse Magnus Carolus de restitutione in integrum non tantum aliquid inspergit; verum etiam adeo ad iurisprudentiae Romanæ sensum verba sua accommodat, ut supervacuum videri queat, differere & dubitare amplius, utrum Germaniæ mores cum obseruantia fori Romani exacte conspirauerint, an secus. Quod, ut experiamur, faciam. Integra, inquit (*) restitutio dicitur, si quando res quælibet, aut causæ, quæ pericerat, in priorem statum reparatur, vel id, quod alieni sublatum est, reformatur. Ita ut eorum causæ vel res in integrum reuocentur, qui aut per timorem potestatis alicuius compulsi sunt, aut fraude vel errore decepti sunt, aut per captiuitatem vel quamcunque iniustam necessitatem, substantiam suam, aut statum ingenuitatis prodidisse noscuntur: aut si qui pro necessitate longinquæ peregrinationis se absentant, vel restauranda ea, quæ in damnis minorum gesta esse probantur. Et cap. seq. Quoties de reuocanda re, vel causa integri restitutionis beneficium petitur, aut in rem, aut in personam agendum est, ut res ipsa quæ sublata est, recipiatur. Et cum in personam actio ceperit intendi, is qui rem indebita abstulisse con-

tin-



uincitur, id quod sublatum est, intra annum in quadruplum reformetur, post annum vero in duplum reddendum est. Quid hic quæso clarius posset ad mentem veterum ICIorum adferri? Explicatur enim *methodus* primo natura & vis huius remedii generatim; deinde recensentur species ex caussarum diuersitate ortæ; denique formæ ac modi speciatim exponuntur vna cum cuiuslibet effectu. Quamobrem *Ioannes Schilterus* hanc constitutionem cum iure Romano non solum contulit; sed etiam illi conformem fere, & bene congruam apprehendit.

(*) *Capit. VII. cap. CCX. edit. Baluziane.*

§. VIII.

Atque hinc vero accidit, ut idem vir clarissimus in exercitationibus ad Digesta nullam pæne operam im penderit in exponendis Teutoniæ legibus, quæ ad doctrinam de metu merito referuntur. Putauit is sine dubio, Germanos in hoc negotio consentire cum Quiritibus, adeoque oleum perditurum atque operam, qui, non inspecto, quod vidimus, capitulari, alium fori vsum sibi effingeret. Ego vero, his non obstantibus, in alia omnia eo. Neque enim existimandum est, dictam constitutionem in Germania obtinuisse. Lex Baiuvariorum contrarium sane demonstrat: aliud etiam ex lib. VI. capitularium antea innotuit, aliudque credo posthac apparebit.

§. IX.

Itaque obleruandum est, librum septimum, in quo constitutio Caroli reperitur, ex variis legibus tam Italîs, quam Franco Romanis, ac Germanis promulgatis, & confirmatis esse deceptum; quemadmodum omnes, qui eius rubricam curate inspiciunt, facile co-

gnosc-



gnoscent. Quocirca nihil impedit, quin dicamus, pertinuisse istam legem vel ad Franco Romanos, vel Italos; qui vni Regi id temporis subiecti erant, & Caroli maiestatem non comiter solum, sed omni animi submissione venerabantur. Et hi vero vetus ius Romanum retinuere, sicuti *Bignonius* (*) ad *Marculpum* animaduertit; quod propterea consuetudinem appellatur. Quo fine etiam *Baluzius* Pauli sententias ad marginem huius constitutionis allegavit, non ignarus haud dubie, Franco-Romanos ius illud vetustius habuisse in mente. Est enim hæc lex illa Romana de qua *Ianus a Costa* in titulum secundum libri secundi Decretalium (**) nonnullam mentionem facit: *has tres inquit, leges diu intactas & illibatas in hoc regno remansisse, constat vel ex excerptis capitulis a Carolo Magno ex tripli- ci lege, id est, Salica, Gundobalda & Romana, quæ MSS. ba- bet doctissimus societatis Iesu Presbyter Jacobus Sirmondus.*

(*) p. 927, edit. *Baluzianæ*.

(**) p. 358. adde quæ ipse *Schilterus* confignauit in *Exer- citat.* XI. ad ff. §. VIII.

§. X.

Vnde satis patet, frustra quosdam suspicari, ani-
mumque inducere, vniuersos Germaniæ populos hanc
Caroli legem in usum tori traduxisse. Fruebantur
Alemanni, Ripuarii, Boii, itemque Saxones & Franci
suis moribus legibusque, in quibus nihil profecto oc-
currit, quod acutis Romanorum inuentis in hoc nego-
tio videatur conforme. Igitur multo fit verisimilius,
hos homines antiquos a iuris naturalis simplicitate ne-
quaquam deflexisse; quippe quo metu gesta merito
nullius ponderis habentur.

O

§. XI.



§. XI.

Ergo operæ pretium erit, indagare cum cura, quid sequiori æuo apud Germanos in caufsa metus obtinuerit. Et dolendum est, tam pauca ab historiarum auctoribus memoriae esse prodita, quæ vel ad constitutionem Rei-publicæ, vel etiam ad leges ciuitatium cognoscendas pertinent. Hæ vero ante Friderici II. tempora vix signabantur litteris, nisi quod mores singulares vrbi Cæsarum priuilegia (*) describerent. Nam generalia iuris principia, sicuti rectæ rationi congruebant; ita viris senioribus tam nota erant, quam quæ sunt notissima. Ex quo fiebat, ut præter legum capita, quæ Merouingorum temporibus, atque Caroli æuo sunt perscripta fere nihil residuum sit. Leges Brunsvicensium municipales, quas *Leibnitius*, (**) vir amplissimus, in vulgus emisit, vltra Ottonis Pueri ætatem vix adsurgunt. Goslarienses & Cellenses nouiores sunt. Speculum Saxonicum itemque Alemannicum in Friderici II. & interregni ætatem congruunt, atque hæc iterum non tam vulgaria & rationi peruvia propnunt, quam quæ a simplicitate iuris apertius videntur declinare. Vnde perfacile intelligitur, quamobrem in his tabulis nihil fere occurrat, quod ad nostrum argumentum faciat.

(*) De Friderico Barbarossa apud *Arnoldum Lubecensem* legimus, eum Lubecensibus iura Sufatiæ firmasse: Friderici II. priuilegium, quo præcipuas Goslariensium consuetudines exprefcit, *Heineccius* nostras vulgavit, cum quibus municipales *Leibnitianæ* satis exacte consentiunt.

(**) vid. eiusdem *introductio* in Tom. III. *Script. Brunsvic. Illustr.* p. 14. 15. seq.

§. XII.



§. XII.

Eam ob caussam alia via ineunda est, vt vsum
fori percipiamus. Et hunc autem Fridericus Imus fa-
tis euidenter docuit. Nam si, vti supra obseruauimus,
etiam promissa iurata metu expressa inutilia sunt, ac
nullius momenti; quid fiet tandem de iniuratis? Puto
ea ratione constare, Imperatorem nihil roboris (*) hu-
iustmodi pactionibus adtribuisse. Quidam in hunc fi-
nem etiam *Pacem Constantiae* allegant, vbi promissiones
per impressionem factæ nullæ dicuntur: quo tamen
argumento, vtpote non satis claro, vti nolle.

(*) Sunt quidem nonnulli, qui verba Friderici, utpote Imperatoris Germanici non putant captanda. Credunt illi, modum loquendi in authentica l. i. C. si aduersus venditionem, NVLLIVS ESSE MOMENTI IVBEMVS, ita potius esse exponendum, ut rescissionem indicet : quanquam ego istud potius argumentum arbitrer inuertendum. Quia etenim Teutoniæ Rex fuit, proinde non sit verisimile, eum ad iuris Romani decempadem sermonem suum exegisse.

§. XIII.

Non magis euidens est, quod in Epistolis Petri
de Vineis (*) offendimus. Nam cum delatum esset
Friderico II. nonnullos vi metuque compulsos amisisse
sua ; rescripsit is cuidam in Italia Præfecto, esse coa-
ctores, si rescruerit, puniendos ; simulatque restitu-
endum, quod abest iniuria læsis; non ibi tripli, non qua-
drupli, non rescissionis villa mentio iniicitur. Sed cum
tamen metum incutientes ita depingantur, vt in pira-
tarum fuisse numero videantur, subsistimus, nec istud.

quod allegauimus, exempli, ad vniuersos pretendere coactores audemus.

(*) Lib. V. epist. LXXVIII.

§. XIV.

Igitur ad clarissimum, quod capite secundo, in causa Wenceslai Bohemiæ Regis & Ottonis Brandenburgensis produximus, diploma denuo recurrimus. In hoc imperii sententia continetur expressa per Principes, Comites, & Nobiles, qui confidentes id temporis iudices fuere. Et hi vero diserte pronuntiarunt, dictas *obligationes bonorum, promissiones, fideiinffisiones ipso iure nullas pro cassis & irritis debere æstimari*. Addit Rudolphus, se hanc definitionem de bono & aequo iure subnixa authoritate regia approbare. Quod sane argumēto est, incognitas eo tempore tricas Romanas extitisse; omniaque ex aequo & bono tuisse peracta, ac decisa idemtidem.

§. XV.

Quæ, si ita fese habent, mirum est, plerosque iuris architectos induxisse animum, æquitati admodum conforme videri, vt metu missa per se obstringant, quod superiorum auctoritate tolleretur obligationis contractæ vinculum. Adeo scilicet occæcat homines intempestiuus iuris peregrini amor, vt quod multis ambagibus constat, æquitatis nomine efferant; quod vero de simplici & plano peragitur, & germanæ majorum fidei congruit, iniuriantis vitio commaculent.

§. XVI.

Interea minime nescio, eo demum abripi non nullos, vt rescindi & nullum esse perinde putent. In effe-



effectu, inquiunt, & vsu rerum nihil interest, vtrum actus per restitutionem rescindatur, an ipso iure dicatur inutilis. Quid enim discriminis est, non habere actionem ipso iure, & habere quidem, sed tales quæ per exceptionem eliduntur. Igitur incassum, pergunt, omnia differuntur, si litis euentus vtrinque æqualis est futurus. Quibus alii demum adiiciunt, non esse quidem negandum, naturali iure obligationem metu contractam prorsus esse irritam; in hoc Puffendorf^{io} rationem constare; id assequi etiam vniuersos: at nos vero non amplius naturæ, sed ciuitatis Romanæ institutis viuere: hæc nunc perdescenda; in illa esse incumbendum, Germanorumque veteres mores, qui cerebrinam, vt aiunt, saperent æquitatem, quam tutissime ignorari. Ego vero ante omnia perpendicularendum existimo, non iam quæri, vtrum euentus litis futurus sit æqualis, sed an lis tam cito finiatur, si metu inita pætio sit prius rescindenda? Prius nemo inficias ibit; id veteres quoque agnouere Romani: posterius negabunt omnes, tum Romani, tum Germani. Illi enim alio modo ordinabant lites, si negotium plane erat inutile; atque alio identidem, si, quod mansit, vinculum erat dissecandum: hi vero perspicue sciunt, quas Doctores excogitauerint ambages, quamque in longum extrahantur lites, si abolenda prius obligatio, & concedenda demum, aut instituenda, quæ concessa est, actio. Igitur non est de nihilo prorsus, quam ventilauimus, controuersia, siue forum Romanum, siue nostra tribunalia respicias. Ceteris merito repono, ambigi haud temere, vtrum in hac caussâ legibus Romanis stemus? Vnam hirundinem non facere ver; nec **vnum** iuris mystam constituere praxin: reperiri tot iu-

O 3

re-

reconsultos, qui ad naturalem, æquitatem propendeant quot forte reperiantur, qui triplum crepent, quadruplumue; quin magis videri cerebrosos, qui ius rationi inscriptum cerebrinum appellantent, quam reliquos, qui rectæ rationis breuissimam viam mæandris, & diuerticulis Italorum præferant. Sed de his tamen nunc maxime videbimus, vbi, quæ contra metum prodita sunt auxilia, curatius perlustrabimus.

CAPVT VI.

DE

AVXILIIS CONTRA METVM

SECVNDVM IVRA QVÆ ATTVLIMVS DI- VERSA INPRIMIS HODIERNA.

§. I.

QVi ea, quæ supra inmedium tulimus, suis, vt fas est, ponderibus penitant, illi, credo, euidentibus signis atque argumentis deprehendent, actus eiusmodi coactos, cum ad solam rationem exiguntur, nullo iuris vinculo contineri. Id autem, si est, perspicue iterum consequitur, vt iusto metu adactus rem amissam iure antiquo vindicare, vel etiam pro ea conseruanda, atque afferenda exceptionis, & replicationis præsidia, prout variant exemplorum species, queat circumspicere. Et quoniam is, qui alterum ad promittendum, vel etiam dandum terrore compulit, furi aut latroni persimilis est; iccirco prohibitum censeri vix debet, si quis hunc quoque conuenire ex delicto velit, vt, tanquam publicæ quietis osor, ac perturbator commeritis poenis adficiatur.

§. II.



§. II.

A qua simplicitate Romani iuris auctores quædantenus recesserunt. Nam, et si bonæ fidei contristus, qui timore coiuerunt, inutiles existimarunt, seu nulos; non est tamen non fatendum, eosdem in iudiciis stricti iuris aliorum properasse. Quod, sicut capite tertio copiose ventilauius; ita nunc curatus dispiendium Prætoris auxilium est, tum ut natura actionis arbitrariæ, tum etiam, ut processus Romani ratio in luce collocetur, quem viri ceteroquin docti (*) crassis occultatum & circumfusum tenebris crediderunt.

(*) Est fere in ea opinione *D. Titius* in obseruationibus *ad Lauterbachium*. obs. CXV.

§. III.

Quo circa pro vero ante omnia assumendum est, Romanos huiusmodi vim atque illicitum metum improbius maleficium, facinus, (*) quid? quod scelus (**) appellatasse. Sclera autem nec impunita iidem dimiserunt, nec, ut forent, reipublicæ consultum iudicarunt. Itaque varia ad illam vim compescendam remedia excogitarunt. Permittebat enim ea ratione læsis ob verbera, aliamque vim atrocem, iniuriarum actio; nec lex Iulia de vi publica & priuata suum petentibus præsidium denegabat: ut ptaeteream, non nunquam etiam condictionem ob turpem causam, si quid metu turpiter acceptum, locum habuisse; aut etiam actionem de dolo, antequam formula Octauiana in vnum fori transferretur.

(*) l. 14. §. 11. ff. quod metus caussa.

(**) l. vnica C ex delictis defunctorum in quantum heredes coveniantur.

§. IV



§. IV.

Hac vero inualesce[n]te, factum est, vt etiam in stricti iuris iudiciis vim passi auctoritate Prætoris essent tui. Neque enim vlo tempore ratum is habuit vi metuque gestum. Tantum memoriae imprimendum est, dupl[icem] hoc edicto viam fuisse constitutam: restitutionem in integrum, item actionem quod metus caussa. Vtique remedio pro lubitu experiri coactus poterat. Per restitutionem ius vetus atque actio reddebat[ur], quam per vim metumque amiserat. Sedit enim illa Prætori ob caussas arcanae opinatio, coactum velle, & consentire; talem vero consensum valido auxilio esse rescindendum: secus atque recta suadet ratio, quæ in omni pactione non vnius solum, sed vtriusque legitimam voluntatem exposcit; eoque bona fidei & stricti iuris formulas secure ignorat. Ergo, vt fuit causa ante amissionem; ita etiam erat restitutio. Sed amittimus vero, quod nostrum est, vel alienatione, vel liberatione, vel promissione. Itaque alienatum metu, rescissa alienatione, vindicabatur; (*) quia, si rem suam non tradidisset, iure dominii eandem actionem habuisset. Idem vero in liberatione accidebat. Qui enim debitorem suum liberabat, id vel remissione, vel acceptilatio faciebat. Iccirco dissoluenda erat acceptilatio, aut, si quod aliud esset remissionis genus. Hac vero sublata reuiuiscebat sane condic[ti]o, quæ ante acceptilationem (**) competit: quandoquidem perinde est, siue illa interuenerit, & dissecetur, siue plane non interuenerit. Nam quæ dissoluitur obligatio, non adfuisse merito iuris interpretatione creditur. Quod si vero quis non præstisset, sed tantum perterrefatus aliquid promisisset, tum is conseq[ue]batur in eo inten-



integralm caussam, & ius pristinum sine facto creditoris, eoque aduersus actionem summo iure natam exceptione percommoda defendebatur. (***)

(*) l. 9. §. 2. ff. quod metus caussa.

(**) vid. I. eadem 9. §. 4. ff. tit. cit.

(***) l. 9. §. 4. h. t,

§. V.

Tantum quæsitum est, vtrum inter actiones restitutas, & veteres, quæ ante alienationem ac liberacionem saluæ erant, aliquid differentiæ statuerint Romani iuris artifices. Et subtiliter responsum animaduertimus, veteres fuisse directas, restitutas vtiles. (*) Neque enim hæ ex verbis legis profluebant, sed ex sententia Praetoris, verba legis ita interpretantis: quamquam interea eiusdem potestatis essent, eundemque cum directis effectum producerent. Reapse nihil pæne intererat, nisi quod vtilibus ex restitutione permanentibus annus vtilis, & tandem quadriennium a Justiniano (**) esset præstitutum; directæ durarent perpetuo. Cui alterum adiicit *Donellus*, (***) quod iterum pertinet ad restitutum. Nam cum restitutio efficeret, vt vterque & restitutus, & is, contra quem restitutio impetrabatur, iura sua redintegrarent; tum vero etiam æquitati conueniens erat, vt, si quid metum sustinens accepisset, itidem redderet. (+) Fac ergo te metu coactum dedisse, vt alter vicissim daret. Dedit alter, atque ita accepisti nonnihil: tu in integrum restitueris: rescinditur traditio: tu vindicas rem amissam, & alienatam; sed hac, quod obserues, lege, vt ipse quoque reddas ei, qui metum intulit, quod ex eius facultatibus in tuam potestatem peruenit.

P

(*) Ita



(*) Ita diserte vocantur in lege 21. §. 6. ff. b. t.

(**) l. vlt. C. de temp. in integrum restitut.

(***) Comment I. C. lib. XV. cap. XXXIX. p. 820.

(†) Conf. l. 3. & 4. Cod. de his quæ vi metusque caussa gesta sunt.

§. VI.

Sed cum tamen saepe accidat, vt quæ metu sunt amissa, vel pereant, vel in tertii potestatem perueniant; idcirco placuit Prætori eiusmodi nouam actionem comminisci, quæ tum aduersus eos, qui terrore innoxios impleuere, adeoque ex facinore obligati sunt, licet non amplius possideant, tum etiam aduersus alios, qui rem metu extortam possident, in quadruplum obtineat. Quæ singularia, cum animaduerterent Doctores, acriter cooperunt disceptare, quodnam actionis huius, quæ *ναθ εξοχὴν* vocatur *quod metus caussa*, verum fundamentum sit. Tot enim pæne sententiæ, quot capita sunt. Sed ego vero, vt quod res est, fatear, eam, quam propono, omnium probabilissimam existimo. Est enim exploratum, Prætorem rescisso eo, quod per metum erat gestum, restituisse in rem actionem, summo alioqui iure amissam. Quod si igitur alienatum arbitrio iudicis restitueretur, salua res erat: nulla præterea pœna ei dependebatur, qui metu aliquid tradidit. Si non restitueretur, tripli pœna repugnantem expectabat: crescente actione, vt esset pœnalis, sicuti est a principio pœnalis actio bonorum raptorum. Atque ea ratione primum simpliciter repetebatur res per vim aut metum extorta: deinde propter contumaciam fiebat pœnalis actio, eratque tum in personam. Efficiebat enim primum delictum, nempe metus illatus, vt simpliciter actio restitueretur in rem. Sicubi vero alte-



alterum accederet, vt puta, contumacia restituentis, aut dolus eam corruptentis; tum demum alteri actioni in personam pœnali locus dabatur.

§. VII.

Ex quo clare nunc quidem appareat, quamobrem, si plures intulerint metum, & vnuſ reſtitutionem tecerit, aut quadruplum ſoluerit, ceteri non amplius obſtringantur (*) ad reſtituendum, vel etiam triplum pendendum. Semel quippe arbitrio iudicis paritum eſt. Simili modo perſacile ad intelligendum videtur, qui fiat, vt ſi ſerui intulerint metum, nihilominus a ctio contra Dominum fit. Hæc enim eo tendit, vt is vel damnum reſarciat, vel ſeruum noxæ relinquit. Quod quanquam Vlpianus (**) improbare videtur; quando nihilominus i p ſum conueniri dominum poſſe contendit, licet maluerit noxæ dedere; non puto tamen id eum absolute ſtatuere & velle. Signanter enim adiicit, ſi ad eum reſ peruenit. Itaque id ſine dubio decisionis in animo habuit: metum paſſum & agere poſſe a ctione noxali aduersus dominum, & a ctione quod metus cauſa. Illa, quia tenetur tum ob ſerui culpam delictumque, cum etiam ob eiusdem poſſessionem. Hac vero, quia ex delicto ſerui aliquid ad eum peruenit. Quod quidem ini quum non eſt.

(*) l. 14. ff. §. f. h. t.

(**) l. 16. §. 1. ff. h. t. add. Suendorfer. ad Eckholdum p. 191. n. 3.

§. VIII.

Licet enim tertius poſſessor in bona fide eſſe queat, & ſæpe ſit, quando rem metu expressam penes ſe habet; tamen cum, reſcifto contractu, a ctio ſummo

alioqui iure amissa spiritum recipiat, certe rationi non adeo contrarium est, agere contra possidentem, qui, si non restituat, metum contra bonos mores incussum comprobat, aut saltem iuris interpretatione comprobare videtur. Quod optime idem, quem laudauimus, *Vlpianus* (*) expressit : *Nec cuiquam, inquit, iniquum videatur ex alieno facto alium in quadruplum condemnari ; quia non statim quadrupli est actio, sed si res non restituatur.* Non video, quid ad nostram mentem dici quiuis set præclarious. Iam iam enim in omnium incurrit oculos, actionem quod metus caussa non statim atque absolute in quadruplum institui, sed sub conditione, si contumacia ductus, si ferocia non toleranda percitus vel coactor, vel etiam rei per vim alienatae possessor renuat reddere. Est enim nequaquam adeo inficatum, ut quidam fingunt, contumaciam sic caussam pœnæ fore. Sit ita : per nos licet : quamlibet trepidare alios (**) videam, & adiungere propterea iniuriam aetori illatam nudæ contumaciæ. At vereor valde, ut connexionis, quam cœperunt, lineam sequantur. Quod si §. XVIII. *Instit.* de actionibus cum cura inspicerent, forte intelligerent illi, contumaciam referri in maleficiis, unde actiones pœnales oriantur. (***)

(*) l. 14. §. 3. ff. h. t.

(**) vid. *Wilhelmus Hieronymus Brucknerus de promissione per vim extorta. c. II. §. 12. p. 50.*

(***) add. *Suendorfer ad Eckboldum l. c. n. 4.*

§. IX.

Eam ob caussam illustris *Rhetius* (*) minus recte culpauisse *Oldendorpium* videtur, qui huius actionis formulam non absolute, sed sub conditione ad quadruplum



plum petendum effinxit. Neque enim ad rem faciunt propositæ ab eo species; cum æque ridiculum fore contendit, si quis reum in quadruplum condemnari petit, quam si quis *Titium* gladio percutiendum postulet, si forte adulterio sese polluat, aut fustigari *Meium*, si manus ad res alienas extenderit. Qui enim contra latronem agit, non adeo, credo, inepte argumentatur, si persuadeat sibi, eum vix restituturum sponte, quod extorsit violenter. In hoc negotio coniecturis agitur. Et adsunt vero nullæ vel admodum paucæ, quæ inuictoris benigitari, vel obedientiæ futuræ patrocinentur. Quod nec fecus in tertio possessore est. Imputet enim sibi, verba *Wesenbecii* (*) sequor, qui delictum alienum mordicus defendit: ex eoque rei per metum ablata possessionem retinet, atque eiusmodi ratificatione vim facit suam, peraque atque si ipius eam commisisset.

(*) *Dissert. de operat. Met. cap. vlt. n. 12.*

(**) in parutit. ad h. t. n. 6.

§. X.

At scio, quid *Rhetium*, virum ceteroquin doctissimum, impulerit, vt tam acerbe exagitaret & *Oldendorpium*, & alios quoque, qui cum Oldendorpio easdem inflarunt tibias. Tulit is nouam plane de actione quod metus causa opinionem in medium, eamque absolute, per se, & ex sua natura statuit pœnalem; non autem, vt nos volumus, ex post facto. At vestram ego fidem prudentes! Annon enim quæso iniuste admodum & inhumaniter cum tertio ageretur possessore, si, antequam constaret de eiusdem peruvicacia, ita aliquis postularet: *Condemna iudex Caium eique quadruplum pendendum iniunge, quia rem tenet ab alio mihi*



bi per vim metumque erectam. Credo, plerosque eiusdemodi actionis syllabas fore improbaturos. Quod si quis vrgeat, non esse metuendum, vt ad condemnationem statim properaturus sit iudex: esse enim penes eum arbitrium, vt aestimet, vtrum talem pœnam mereatur inuasor; aut rem abstractam possidens; tum vero non sine causa regererem, superuacaneam videri nouam opinionis (*) speciem, quæ vel eodem recidat, cum antiqua, vel rem per se claram tenebris inuoluat. Sed nullus dubito, quin sit perinde, pœnam petere sub conditione, aut eam iudicis arbitrio relinquere determinandam; vt omittam legem 14. ff. hoc tit. quæ diserte quadrupli conditionaliter petendi mentionem facit.

(*) Defendit eandem opinionem D. Heberus Ictus Wittbergensis, nec memini, esse ab eo aut eiusdem respondentie Rhetium nominatum, vel Feldenum, ex cuius scho-
la sua se didicisse fassus est Rhetius.

§. XI.

Atque ita vero dilucide cognoscimus, esse actionem quod metus caussa prætoriam, esse personale, esse simul pœnale, sed ex post facto; esse in rem scriptam, esse arbitrariam, esse in quadruplum. Quæ tria extrema paullo clarius exponenda sunt. Quod enim primum attinet, video sane multos heic nodos sine caussa necti. Nam cum animaduertissent, distingui hanc actionem ab illa in rem, quod indefinite de eo, quod metu gestum est, sine personæ designatione, ad quam dirigitur, sit concepta; quæsiverunt isti, quare non & aliæ actiones personales ita indefinite concipiuntur? Ego vero, si quid coniecto, hanc interrogacionem



nem non magnopere necessariam puto. Quod si enim Romani hanc propositionem approbassent : *metu gesta nullius roboris sunt*; tum vero indubium est, eos hanc actionem non in rem scriptam, sed in rem absolute fuisse dicturos. At cum contractus stricti iuris, licet metu initos, firmos pronuntiauerint, donec Prætoris auxilio rescinderentur, consequebatur sane, ut in rem appellare nullo modo potuerint. Quid enim est hic iuris in rem, quod certe in eum fuit translatum, qui metum iniecit? Sicuti namque dominium voluntarie, ita etiam coacte potuit transferri; admissa semel, quæ nota est, opinione: coactam voluntatem esse etiam voluntatem. Ergo obliquandi erant sinus, aliudque ex cogitandum fuit nomen. Quamuis enim Prætor resolueret metu gesta, eoque simul etiam translationem dominii vel quasi; non volebat is tamen villam immutati iuris ciuilis speciem præbere; vt ut immutabat reuera, nec tantum ius strictum supplebat, verum etiam corrigebat. Quod qui culpat, is forte totam Reipublicæ Romanæ structuram culpabit, vtpote in qua plebs cum patribus, & hi cùm plebe æternas inimicitias agebant: patribus tere semper triumphantibus, ignaro que populo & fictionibus & nouis nominibus nunquam non illudentibus. Eo paecto mirum non est, actionem quod metus caussa non fuisse in rem nominatam, sed cum addito, in rem scriptam: quod verba scribebantur, & concipiebantur generaliter & indistincte de re solam, de qua agitur, sine designatione ullius personæ; vtpote quam etiam actor plane poterat ignorare. Quod ex Vlpiani (*) Commentario ad Edictum satis eluet: *Animaduertendum autem, quod Prætor hoc edicto generaliter*



literis in rem loquitur, nec adiicit a quo gestum, & ideo, siue singularis sit persona, quae metum intulit, vel populus, vel curia, vel Collegium, vel corpus huic Edicto locus erit. Atque haec profecto responsio multo clarior est, quam illa Rhetii, ac Felseni in speciem excogitata similitudo, qua hanc actionem cum cane comparant, ictum in lapide, non autem in homine eum proiiciente, vindicante.

(*) leg. 9. §. 1. ff. h. t. cui addendus est eiusdem legis §. ultimus, in quo diserte actio quod metus causa in rem dicitur scripta.

§. XII.

His ita constitutis forte intelligemus etiam secundo, quare haec actio nomen arbitrariæ acceperit. Quod ut commode fiat, totum in hac causa Romani iuris ordinem, tam in actibus stricti iuris, quam bonæ fidei ante oculos ponemus; quo arbitrariæ actionis natura insimul clarissime patescat. Et monemus vero, ita moris fuisse, ut actor, si vellet iure iudicioque experiri, die postulationis sicut actionem; ita iudicem, seu arbitrum a Prætore, qui plerumque de iure cognoscebat, peteret; posteaquam hic narrationem actoris, & contradicitionem rei audiuisset. Finge igitur iam, inuasorem, cui per vim metumque promisit Sextius, actoris personam induisse, atque hunc tanquam reum, & sibi ex stipulatu, adeoque stricti iuris contractu debentem in ius vocasse, tum vero nihil supererat, quam ut actionem conciperet Prætor, & qui inter aduersarios conuenisset iudicem daret, hoc est, litigantibus addiceret ea formula, quam nobis Cicero in Verrem lib. II. cap. XII. reliquam fecit, *LVCIVS OCTAVIVS IVDEX ESTO.* Ad quid? ut constituto iudicio, positaque formula de facto cognosceret, & eo cognito, pronuntiaret. In formula autem fuit,

SI



SI PARET, vt vulgo notum est, *REVMDARE FACE-
RE OPORTERE EX STIPVLATV CONDEMNA*. Hic, si
reus non statim obieceret exceptionem atrocis metus
& querimoniam speciatim contra actoris impressio-
nem mouisset, atque ita Prætor exceptionem formulæ
non inseruisset, actum sane erat de reo. Exceptio ve-
ro hoc ferme modo addebatur: *EXTRA QVAM*, vel
NISI SI vel *SI NON TERRORE ADDVC TVS SPO-
SPONDERIT*, quin etiam: *EXTRA QVAM SI PACTVM
CONVENTVM, AVT DOLVS MALVS, AVT METVS IN-
TERVENERIT*. His igitur syllabis omissis in iure apud
Prætorem, reus apud iudicem in iudicio sero & fru-
stra exceptionem, quam habuit, vrgebat, quamuis clau-
mitaret, & vociferaretur Sextius, se vel dolo, vel metu
compulsum promisisse. Vbi enim Prætor non distin-
xit, ibi nec iudici distinguere ius erat: non aliam ob
causam, quam quia in potestate Prætoris erat pos-
tum, dictare (*) iudicium, adeoque Pedanei notionem
certis formularum finibus circumscribere: æquitate,
quæ extra voculas receptas erat, non attenta. Atque
ita vero reus, quanquam inique, sine vlla religione a
iudice condemnabatur, vt qui iussus erat, cognoscere,
an Sextius iure ciuili dare, tacere ex stipulatu deberet,
non autem, quanto æquius melius. Eo respectu Tul-
lius merito pro Roscio Comoedo quærebat: *quid est
in iudicio?* simulatque respondebat: *directum, asperum,
simplex.*

(*) Sed quid? si Prætor actoris gratia permotus exceptio-
nem nollet adscribere? & ait Cicero academicarum
Quest: Lib. IV. Tribunos fuisse appellandos. *Postulat,*
inquit, ut excipiantur hec in explicabilia, TRIBVNVM
*aliquem censeo adeant, a me istam exceptionem nunquam
impetrabunt.*



§. XIII

§. XIII.

Atque hoc quidem ius erat, si reus, re integra, a stipulatore conueniret. Nunc, age, videamus, quid acciderit, si res desisset esse integra, hoc est, si non modo promissa, verum etiam iam foret tradita. Et ibi vero, cum non ageret stipulator, nullus etiam exceptioni videbatur locus. Igitur Prætoris subsidium implorandum erat, quod etiam is nequaquam denegabat. Octauiana formula semel in forum introducta. Quæ ut secundum omnes apices non est cognita; tamen mentis conjectura facile intelligitur; in primis cum in *Verrina II. cap. XII.* similes pæne inueniantur vocula, in quas iudicium Prætorem improbum dedisse *Tullius* finxit: *LVCIVS OCTAVIVS IVDEX EST: SI PARET FVNDVM CAPENATEM, QVO DE AGITVR, EX IVRE QVIRITVM P. SERVILII ESSE, NEQVE IS FVNDVS RESTITIVETVR.* Non erit piaculum, si quis simul addat, *CONDEMNA.* Subsequentia enim *Ciceronis* verba satis indicant, id vocis quoque in Prætoria rubrica extitisse. Non necesse, inquit, erit *Lucio Octavio* iudici cogere *P. Seruilius Q. Catulo* fundum restituere, aut condemnare eum, quem non oporteat? Ipse *Asconius Pedianus*, *Ciceronis* interpres antiquus, iam obseruavit, hanc de condemnatione clausulam ad præcedentem formulam pertinere. Quibus si iungatur *lex 14. §. 1. ff. b.t.* quæ est *Vlpiani*, salua fine dubio res est. Si quis, ait, non restituat, in quadruplum in eum iudicium pollicetur Prætor.

§. XIV.

Ex his vero, tres, nisi me animus fallat, arbitriæ huius actionis proprietates profluunt. Prima est, in isto iudicio non prius licuisse iudici reum damnare, quam



quam si metus probaretur. Vnde in formula dicebatur: *Si paret.* Et parere autem satis debebat, quia non sit verisimile, aliquem vim aut metum, in ciuitate, vbi tuta omnia, esse passum. (*) Ergo omni sollicitudine actori faciendum erat, vt metus praesens iudicii innotesceret. Quod quidem, si interdiu incusus diceretur, binis testibus (**) omni exceptione maioribus fieri poterat, itemque documentis in hanc rem idoneis: sin vero noctu, vel etiam in via regia, hominibus aliis remotis, coniecturis certe opus erat, sed talibus, vt non tantum facultas, verum etiam voluntas incutiendi metum eluceret. Vnde minime ambigitur, quin is etiam, qui mandat, teheatur. Et sic vero, probato timore, altera demum proprietas iudicii erat obseruanda. Non enim ad condemnationem is quiuit proficere, quoad iussorit, alteri ex aequo & bono satisfacere. Verba forte eiusmodi erant: *ARBITROR DEBERE TE ADVERSARIO HAC RATIONE SATISFACERE.* (***) Saltem ab hoc arbitrio nomen videntur inuenisse arbitrariæ actiones. Arbitrium autem idem ac iussus est. Vnde *Theophilus* *episcopu*s *verit*: adeoque intelligitur prior quædam sententia, quam interlocutoriam dicas, aut iussus iudicis, quo rem vult restitui, aut, quod aequum videtur, aestimat. (†) Atque ad hæc tertia demum actionis huius proprietas attendebatur, videlicet, si reus arbitrio iudicis paruit, puta, si rem mente extortam restituit, absoluatur, sin minus, condemnaretur. Tantum quæritur, quid sit obedire, seu parere, quid restituere? Et certum est, non sufficere, ut res tradita retradatur, sed, ut restituatur sine vito, (††) restituatur cum omnibus commodis, (†††) quæ ex re honeste percipi potuerunt; itemque cum iuribus (†) vniuersis, si qua cum re fuere amissa. Quod si obliga-

Q 2

tio



tio periit, (†*) etiam hæc redintegranda; siue sit principalis siue accessoria. Sic si liberatio interuenit ab eo creditore, cui fideiussores & pignora data erant, debent & fideiussores & pignora (**†) in pristinum statum reponi. At si fideiussor solus per vim sese ab obligatione abstraxit, etiam is veteri vinculo subiiciendus est; sin coniunctim cum reo principali ab onere in se recumbente illicite resiliit, & in ipsum & debitorem actione restituenda veniet. (††*) Atque ea ratione demum satisfacientem absoluet iudex. Aliter si esset, tum enim vero condemnatio sequebatur, iussumque excipiebat decretum, denunciationem poenæ grauioris poena ipsa, quæ erat quadruplum, etiam fere, (**††) si sine dolo & culpa rei factum sit, quo minus possit id, quod abest restituere. Sed de hoc quadruplo deinde copiosius differemus. Nunc, quam Hottomannus (†††*) sibi dubitationem fixit, paullulum circumspiciemus. Si arbitrium, inquit, illud & indicis iussus nihil nisi denunciatio quedam est instantis damnationis, nisi reus pareat, ecquis tam insanus futurus est, ut non illi parere malit, quam grauiorem sententiam exspectare? Hanc questionem non modo, qui commode explicarit, sed qui summis digitulis (ut dici solet) reperi adhuc neminem. At pace ingeniosissimi viri dixerim, eum fluctus excitasse in simpulo. Sufficit enim ita hanc actionem esse comparatam, vt esse queat eiusmodi, qualis est descripta, licet in euentu talis non semper existat. (††††) Sic, si rem vindico, saepe fit, vt sententia non egrediatur simplicem rei persecutionem; at non est tamen inauditum, vel incomprehensibile, vt contra duræ ceruicis hominem iuretur in item. Vnde perspicuum redditur, quam non plane necessaria sit Hottomanni responsio,

quan-



quando statuit, duabus actionibus opus fuisse, quoties
damnamndus reus videretur. Prima namque *actione iudicent ampliasse*, tantum ut planius causa cognosceretur, ut
non liquere pronuntiaret: sed tamen illis usum verbis fuisse
arbitror &c. Reum autem sperantem fore, ut res melius
cognosceretur, recusasse: qua de causa in altera actione
sententiam grauiorem fuisse pronuntiatam. Quibus am-
bagibus vtrum debeamus indulgere, quilibet iudicet.

(*) l. fin. ff. pr. h. tit.

(**) l. 12. ff. de testibus.

(***) vid. Hottmannus Comment. ad Inst. de Actionibus.
p. 849. edit. Lectionæ.

(†) conf. Fr. Balduinus Comment. ad Inst. de act. §. præte-
rea p. m. 661.

(††) Vnde etiam de dolo repromittebat reus, ne forte de-
terior res sit facta. l. 9. §. 7. ff. h. t.

(†††) l. 12. ff. h. t. Sed & partus, inquit Ulpianus, ancil-
larum & fætus pecorum, & fructus restitui, & omnem
causam oportet; nec solum eos, qui percepti sunt; verum
si plus ego percipere potui, & per metum impeditus sum,
hoc quoque prestatib.

(††) l. 9. §. 7. ff. h. t.

(†*) l. 9. §. eodem h. t.

(**†) l. 10. ff. h. t.

(††*) l. 9. §. 7. & 8. ff. h. t.

(***†) Obseruat Wissenbachius ad h. r. putasse Bartolum,
non reperiri in Digesto, quod vocant, veteri legem magis
difficilem quam est illa 14. Ulpiani eiusdemque §. 11.
Quæritur etenim, an si res metu extorta, naturaliter, fa-
to, non facto, non dolo, non culpa eius, qui metum in-
tulit, perierit, ille liberetur? Ita laudatus Wissenbachius
statum controversiae format; atque hac ratione distin-
guit: Aut ante condemnationem seu decretum periiit, aut
post condemnationem. Si ante, tenetur in quadruplum, in-
distin-

126 CAP. VI. DE AVXILIIS CONTRA METVM

distincte, sive res eodem modo fuisset interitura, sive non.
 Imputet enim sibi, quod arbitrio iudicis eam restitui iubentis, non paruerit. Si post condemnationem, alia distinctione est opus. Aut enim periit intra tempus actionis iudicati. (id est quatuor mensium secundum, Justinianum) aut post. Si intra rursus distinguendum: vel enim aequo fuisset interitura, metu non illato, vel non. Priori casu a pena quidem tripli non liberatur, (ob contumaciam) reitamen præstatione liberatur, propter iudicati actionem, in qua priusquam mora fieret, interiit. Posteriori casu a rei præstatione non liberatur. Si post tempus actionis iudicati perierit, omni modo & in rem, & in penam is, qui metum intulit, satisfacere cogitur, quia reuera in mora, eoque in culpa aut dolo fuit. Nullum mihi dubium haeret, vniuersita per quam facilia esse ad intelligendum, nisi quidem ea verba legentibus scrupulum moueant: propter iudicati actionem, in qua priusquam mora fieret, interiit. Quid enim? auton is in mora est, qui iussui, & arbitrio nihil obedientiae præsticit? Sed notat præstantissimus Go-
 ueanus, Lect. Variar. I. C. cap. XI. p. m. 796. priorem actionem transfusam esse in actionem rei iudicatae, qua actione nemo teneatur ratione eius rei, quæ naturaliter periit. Rem vero ex caussa iudicati deberi incipere a-
 perte tradit Marcius l. 16. §. 6. ff. de pignoribus. Quod peregrinum in hoc negotio videtur, illud est, grauius premi metum incutientem ante condemnationem, & contumaciam, quam post illam. Vnde Antonius Faber in Coniecturis lib. XVI. c. 19. emblema Triboniani hoc loco inuenit. Quod nec Bachouius in πινακοι negat; quanquam solui hos posse nodos credidit. Sed omnes, credo, cum Fabro sentient, qui neque Triboniani amore, neque etiam odio erga Sabaudum, quemadmodum Bachouius, abripiuntur. Nam quod ius fitigunt humanius, vel non est humanum, quia non cohæret, vel in-
 usori non est applicandum, quia is omni odio merito

cen-



censetur dignus. De cetero ambigendum non est, quin vim alhibens recte conueniatur, quamvis res erepta etiam ante iussum, seu arbitrium iudicis, eoque ante iudicium acceptum interierit. l. 14. §. 8. ff. h. tit. Solum queritur, utrum præter aestimationem rei peremptæ nihil debeat præstare reus, an etiam, iuramento litis præcedente, quadruplandum sit, quod interest? Et aestimationis præstatione eum defungi posse argumento l. 18. §. 1. ff. de dolo concludit Struuius. Sed magis est, ut deterior cum Bachouio latronis conditio efficiatur; isque præstet, quod Julianus IC. l. 14. §. 14. ff. h. tit. præstandum censuit. Imputet enim sibi, quod restituere rem nequeat: fur, raptor, metum inferens semper sunt in mora; ac dolo fecisse putantur, quo minus possiderent. Qui autem rem non restituit ex dolo, is sane pro contumace nunquam non habetur. vid. Bachouius in πρώτοι lib. IV. cap. II. p. 996.

(†††*) Comment. ad Instit. de action. p. 850.

(††††) vid. Huber. prælect. ad Instit. de Action. p. m. 507.

§. XV.

Hæc cum nimis clareant, supereft, vt, qua forma metus illatus in contractu bonæ fidei fuerit coercitus, explicemus. Ergo transeamus in forum Romanum & Sextium metu compulsum conueniri actione bonæ fidei fingamus. An qui sic conuenitur, necesse habet actori apud Prætorem in iure obiicere exceptionem quod metus caussa? sicut facere debent, qui strieti juris contractu obstringuntur, quo exceptione apud iudicem Prætoris auxilio tuti sint? Et vix arbitrer. Nam licet in formula omessa esset a Prætore, (*) in iudicio supplebatur officio iudicis, cuius iam arbitrium liberum & vinculis solutum videbatur. Et hoc est,

quod



quod dicitur, exceptionem in iudiciis stricti iuris Prætoris facto, in reliquis ipso iure niti; aut, vti loquitur *Paulus*, (***) exceptionem actionibus bonæ fidei inesse. Quod, vtrum bene intellexerit *Hottomannus*, (****) est, quod dubitem. Inde enim is collegit, obligationem ipso iure etiam in bonæ fidei iudiciis non tolli; quod demum actioni bonæ fidei inesse statuatur exceptio. Id quam sit absonum ostendam. Neque enim Paulo in mentem vnquam venit, ante oppositum exceptionis obligationem durare; verum Sextium semper esse tutum, quamvis in iure apud Prætorem exceptionem non allegauerit, vtpote quam iudex ex officio allegatam probatamque admittere debeat, vt reus ex fide bona, tanquam ipso iure non obligatus, officio eiusdem absoluatur. Quæ verba postrema contra *Hottomannum* potissimum, aliosque, qui hic cæcutiunt, notanda sunt. Non enim obligationem, quæ nunquam fuit, resoluit iudex, sed inutilem, sed ab initio irritam, sed ipso iure nullam dixit. At hæc tamen tantum locum habuere, si metu perterrefactus actione bonæ fidei fuerit impeditus. Sed quid, si vim passus vltro voluisse agere aduersus coactorem? Et certum est, non tuisse necessariam actionem quod metus caussa, cum sufficeret actio bonæ fidei, qua intercedente a contractu, quasi inuilio, atque imperfecto iudicis officio ipso iure abscedi poterat. Eo pacto vt rationes subducamus nostras, Imperatoris Alexandri (*) rescriptum facit: quod, quum supra rudi tantum minerua considerauimus, nunc paullo curatius intuebimur. Si Pater tuus, inquit, per vim coactus domum vendidit: ratum non habebitur, quod non bona fide gestum est: mala fidei enim emptio irrita est. Adi-

ths



tus ita nomine tuo Præses prouincie auctoritatem suam interponet : maxime cum paratum te proponas id , quod pretii nomine illatum est, emptori refundere. Species hæc est. A. Maronæ, ad quem rescriptum est, Pater vendidit aliqui coactus domum. Itaque ex more illius ætatis adiit Marona Alexandrum per libellum, (††) petens improbari, siue negligi, siue pro nulla declarari, quod gestum est, perinde ac si non foret gestum ; quoniam ex illa venditione Pater atque ex consequenti filius damnum fecerant. Ad eum libellum rescripsit Alexander hoc sensu : Marona, si Pater tuus pauore mali appropinquantis motus domum distraxit, tuque id prouinciæ Præsidi probaueris, iubebit is venditionem irritam esse & quidem ciuili iure. Nam cum pro comperto habeat, contrarium esse metum bonæ fidei, quæ in huiusmodi, id est, bonæ fidei contractu admodum necessaria est ; idque iure ciuili : habebit sane Præses venditionem, in qua arguitur vis metusque, pro imperfecta, id est, ciuili iure inutili, siue nulla : teque, qui emptori refundere, quod pretii nomine Pater tuus accepit, cogitas, iudicis officio iure ordinario, eoque ciuili adiuabit. Sic Marona, si metum, quem indicas, demonstraueris. Quod si ita est, sicuti forte, qui rerum Romanarum sunt periti, inficias non ibunt, liquet, Alexandrum velle, vt bonæ fidei contractus, in quo metus dicitur interuenisse, sine discriminè sit imperfectus ciuili iure ; ideoque ipso illo iure rescindendus, vel, quod eodem recidit, ipso iure inutilis ac nullus. Et utimur vero consulto vocula rescindendi, quo appareat, rescindi idem saepius esse, ac nullum declarari ; quod una cum Hubero (†††) præclare obseruauit Gerhardus Nood-

R

tius



rius, (*†) literarum seueriorum, mitiorumque cultor
longe præstantissimus, qui id præsertim in bonæ fidei
iudiciis sapienter animaduertit. Ea vero ratione mi-
nime opus erit, inter emptionem ac venditionem, & rei
venditæ traditionem distingue; quanquam id *Colle-
gii Argentoratensis* (†*) auctor fecit, & ipse *Cuiacius*, quem
is allegat, ac sequitur. Quare enim, hæc quæso, ita di-
spararemus? vt locum habeat rescissio? at, si emptio
ac venditio, quemadmodum ipsimet fatentur, irrita est,
atque ipso iure nulla, quid impediet, quo minus etiam
traditio, quæ emptionem comitatur, dicatur imperfæcta.
Verumtamen scio: offenderunt illi hanc legem sub
titulo *Codicis de rescindenda venditione*; ergo putarunt
quoque, fieri non posse, quin rescindatur id, quod ante-
ta fuit perfectum & firmum. Sed, cum verba rescri-
pti adeo tuerint clara, vt non nisi obstinatissimus em-
ptionem ac venditionem metu coalitam ratam habere
possit, factum est tandem, vt circa traditionem confi-
dentes eam crederent soluendam. Sed fateor inge-
nue, non tantum videri inconcinnum, verum etiam
incomprehensibile prorsus, vt effectus sit melior sua
caussa, hoc est, traditio firmior, quam ipse est emptio-
nis ac venditionis contractus. Nec iuuat, nouum vide-
ri consensum (*†*) interuenisse, dum res traderetur.
Id enim si foret, forte nec rescissio locum haberet. Qua-
re relinquitur, vt traditio, quæ eidem metu est adscri-
benda, simili etiam ratione, sicuti emptio & venditio, sit
inutilis atque omnis firmitudinis expers. His perpenfis
sine negotio iam intelliguntur *Vlpiani* (**†) verba, qui
Alexandro οὐχεον exiitit: *si iniusto, inquit, metu per-
territus cognitionem, ad quam ut vincitus iret, potens ad-
uersa*



uersarius minabatur, id quod habere licebat compulsus vendidit: res sua equitati per præsidem prouinciae restituitur. Optime namque a Ioanne Goeddeo, (†*) doctore Marpurgensi obseruatum est, non hinc effici continuo, ut venditio illa ipso tenuerit iure: cum sua equitati tum etiam res per præsidem restituatur, quando petenti denegat actionem propter rei vel negotii infirmitatem. Ego addo, id quoq; fieri, si iudicis officio secundum iuris ciuilis tenorem is iubeat venditionem declarari irritam.

(*) v. Gerardus Noodt de Jurisdictione. cap. XIII. p. 63. seq.

(**) l. 3. ff. de rescindenda venditione.

(***) Comment. ad I. de Exceptionibus. p. 905.

(†) l. 1. C. de rescindenda venditione.

(††) Soliti sunt veteres, non magistratus modo, sed priuati quoque, cum de iure aut incerto, aut etiam certo dubitarent, Principem adire per epistolam: isque consuevit consulentibus, vel subscriptione, vel epistola responderre, idque ex Vlpiano l. 1. de Constitut. Princip. infinitis que Codicis & Pandectarum locis cognoscitur. v. Gerhardi Nodtii Diocletianus & Maximianus cap. II. p. 5.

(†††) in præl. ad ff. h. t. n. 3.

(††) de forma emendandi dolii mali cap. IX. p. 57.

(†*) tit. ff. de rescindenda venditione. n. 4. p. 1056. edit. Bechtold.

(††) vide quæ perperam hanc in rem disputat acutus ceteroquin Goeddeus l. cit. c. III. n. 164. seqq.

(**†) l. vlt. §. 1. ff. quod metus caussa.

(††*) de contrahenda & committenda stipulatione cap. III. n. 157. p. m. 23.

§. XVI.

Illud dignum quæri, an is, qui vi metuque adductus vendidit, possit rei vindicatione, antequam nulla declaretur conuentio, rite vti, quodque indecenter ab

R 2

empto-

emptore acceptum est, repetere? Et aperte dicam, id posse fieri. Etsi enim reus sine dubio excipiendo obiiciet titulum, dominiumque in se translatum adfirmabit, cum sibi res venderetur; non deerit tamen hoc casu actori replicatio, se coactu alterius id tecisse, vt ut pro legitimo emptore sese venditat. Et ad hanc replicationem, si probata fuerit, etiam pedaneus iudex propter clausulam, *ex bona fide*, respicet, dominique, quod obtenditur, translationem omni carere effectu ex officio pronuntiabit. Quod si quis oggereret, Pomponium IC. in 1.9. §. 3. b. tit. exceptionis tantum, & actionis quod metus caussa mentionem facere, non autem replicationis, ei merito regererem: non ita coarctandam esse exceptionis voculam, vt ne simul replicationem, duplicationem & triplicationem comprehendat.

(*) Eft enim replicatio exceptionis depulsio, indeque sine dubio dicta est, quod implicatam, & quasi teftam exceptionis iniquitatem replicet, atque patefaciat. Quod contra eos potissimum tenendum est, qui Pomponium temere alicuius incuriae insimulant.

(*) Confer. leg. 2. ff. de exceptionibus. add. Colleg. Argent. ad tit. eundem ff. n. 3. p. 13. Zanger de except. p. 1. cap. III. §. 1.

§. XVII.

Magis intricatum ac dubium videri posset, vtrum is, qui ad contrahendum adactus est metu malo, possit actione venditi petere, metum purgari, stabilitatem in cæteris retinente contractu? Clarius loquar: fac me experiri, quanto pluris vendidisset, si non interuenisset vis atrox: non ago, vt totus exolescat contractus; sed vt addat nonnihil pretio, quod forte suis-

set



set adiecturus emptor, si integre ac sincere, omni vi
metuque, quem leges improbant, remoto egissemus.
An patitur id bona fides? annon repugnat Iurispru-
dentiæ Romanæ hæc quanti maioris actio? Et cre-
dam, tantum abesse, vt repugnet, vt potius cum illa ami-
ce conspiret, & ex illa prona consequentia permanet.
Nam cum nihil dubitationis superfit, fieri id posse, si
vltra dimidium aliquis sine vi doloque sit læsus; non
cerne comprehendo, quomodo aliquid obscuritatis &
ἀπογίας suboriri artem iuris intelligentibus queat, vbi
de venditione metu extorta quaestio moueat. Parum
etenim rationis habet, quod afferunt: metu celebratam
venditionem nostra opinione ipso iure esse nullam; eoq;
effici vix posse, vt valeat ex parte contractus, ex parte non
item. Quasi vero id adeo foret absolum, si recte ex-
ponatur. Certe si actio venditi, vtpote bonæ fidei, ad
omne id, quod contrahentes sibi ex iure vel moribus
præstare debent (*) extenditur, quis ambiget, me quo-
que experiri posse, vt iustum pretium suppleatur? Ita-
que contractus quidem nullus est, ac iudicis etiam of-
ficio rescinditur, si volo, si consultum sit, si placeat
mihi: non autem si causas habeam sat graues petendi,
quod deest, vero rei pretio; si non expedit amplius
rem venditam recipere, vtpote immutatam, corruptam,
atque ex post facto vitiosam. Et non dubitauit vero
Iulianus lctus (**) actionem ex vendito dare, quanto
pluris hæreditas valeret, si illa dolo emptoris minoris
fuerit empta. Nunc, cum bonæ fidei æque aduersetur
metus atque dolus; bene colligitur, vt & metum passus
eodem remedio ad supplementum veri pretii conse-
quendum possit vti. Id, nisi fallor, ex lege 8. C. de rescin-
denda

denda venditione quoque elicitor; vbi Diocletianus & Maximianus rescribunt, non quidem ad rescindendam venditionem, vel petendum, quod iusto deest pretio sati esse, ut paulo minore pretio fundus sit venditus; sufficere tamen, si vel enormis laesio contingat, vel dolor ex calliditate atque insidiis emptoris arguatur, vel metus mortis, vel cruciatus corporis imminentis detegatur.

(*) l. 31. §. 20. ff. de cedilitio edicto. v. G. Noodtius de Formula emendandi doli mali. cap. IX. p. 65.

(**) l. 13. §. 5. ff. de actionibus empti & venditi.

§. XVIII.

Ex quibus omnibus facile iam de quaternis, quæ hic potissimum pertinent quæstionibus existimare poterunt, qui harum rerum non prorsus sunt incuriosi. Prima est, vtrum actiones, ob metum in actibus bonæ fidei interuenientem, institutæ directæ sint dicendæ auctiles; id est, an rei vindicatio, an actio empti venditi, quas recensuimus, videantur auctiles, quemadmodum supra §. V. de illis, quas restituit Praetor, id legum testimonii suffulti adfirmauimus? Et fateor, posse aliquem primo obtutu ad hanc opinionem adduci, vt creditat, Vlpiianum l. 21. §. 6. ff. h. t. Iequi forte de iis, quas in bonæ fidei iudiciis obtinuisse liquido haetenus ostendimus. Sed mutabit statim mentem, qui probe perpenderit, descendere illas ex edicto Praetoris; has autem officio iudicis contineri; illis in stricti (*) iuris his in bonæ fidei contractibus locum esse. Id autem, si est, colligitur protesto, vt haec ipsæ, quas in §. XV. XVI. XVII. exposuimus, directæ sint, durentque perpetuo, quemadmodum rei vindicatio, itemque actiones empti, atque venditi. Quod in prioribus secus est.

(*) v. l. 9. §. 4. ff. quod metus causa.

§. XIX.



§. XIX.

Altera controuersia eo redit, vtrum actio quod metus caussa sit remedium extraordinarium, an ordinariū. Prius vulgo affirmant; posterius politioribus (*) placet. Res tota statim apparebit atque explentur paullo obscuriores voculae. Ordinariū iudicium vocant, vbi actionis formula, vbi iudex pedaneus. Extraordinariū, vbi præter iudiciorum consuetum ordinem prætor, vel etiam Prouinciae præses (+) cognoscit; cuius generis exempla titulus ff. de extraordinariis cognitionibus suppeditabit. Quod si igitur in hac caussa non ipse iudicavit Prætor, perspicue apparet, iudicium hoc non fuisse extraordinarium. Caussa opinionis contrariae tortaffis illa fuit. Persuasum habuere doctores plures, habentque adhuc amplius, sublatos nouo iure esse iudices datos, etiam formulas, tactumque id omne esse a Diocletiano & Maximiano l.2. C. de pedaneis iudicibus. Ergo concludebant post hanc ætatem omnia iudicia restitutoria sunt extraordinaria. At, inquit, Noodtius, (**) ea in lege neque formularum mentio fit, neque differentiæ actionum bona fidei & stricti iuris; imo ne iudicium quidem datio in solidum aboletur. Nam ut de bac primum loquar, tantum iubentur præsides in caussis, in quibus solebant iudices dare, deinceps perse cognoscere; sinon multitudine litium, aut negotiorum impediuntur: at si ea sit; tum iudicium datio non interdicitur: utique ius in caussis, in quibus ante obtinuit: excepta caussa ingenitatis & libertinitatis. Simili ratione idem vir eximus demonstrat, formularum impetrationem neque a Diocletiano, & Maximiano, neque a Theodosio & Valentini-
ano



ano prorsus esse sublatam. Si quid cessauit, solennis formulæ impetratio cessauit: res sublata non est; etiam post id temporis actio apta rei, & proposito negotio competens esse debebat. Quod & de exceptione siue postulanda, siue opponenda, siue contestanda tenendum est. Ceterum, qui alio sensu restitutioes in integrum remedia extraordinaria (***) vocat, is suo abundet vocabulo suoque sensu.

(*) *Lege imprimis Vinnium l. i. Select. Iur. quest. cap. X.*

(†) *Alii adicerent extra ordinem: ego non item. Op-*

ponitur quippe cognitio iuri ordinario. Illa inquit,
Grævius ad classicum Suetonii locum in Claudio cap.
XV. magistratum, & maximorum iudicium, hoc vero or-
dinariorum, & priuatorum, delegatorum, eorumque qui dati
fuerant a Prætore. Ita semper accipitur in prisca aucto-
ribus cognitionis vox. Quod pluribus docet, ostendens et-
iam Tribonianum in titulo Digestorum de extraordinariis
cognitionibus illud extraordinariis de suo adiecisse Cl. Sal-
masius de modo usurparum.

(**) *de Iurisdictione lib. II. cap. XV. p. 73. seqq.*

(***) *Ea significatione Vlpianus l. 16. pr. ff. de Minoribus. resti-*
tutionem minorum extraordinarium auxilium appellat.
Doctores id nominis ad omne restitutionis genus tra-
xerunt.

§. XX.

Ea propter tertiam potius doctorum virorum contentionem considerabimus, quæ ob duplex iudicium rescindens & rescissorium inter eos iam diu surrexit. Et sunt vero, si bene memini tres hac de re opiniones sat celebres, nec minus argutæ. Prima vulgaris est, in omni restitutione, adeoque etiam in actione quod me-
tus caussa rescindi primum alienationem, deinde vero
ipsius



ipsius rei, qua de agitur, vindicationem permitti. Illud rescindens, hoc rescisorium dicunt. Quam sententiam Iacobus Cuiacius (*) indignam credidit, quæ a se refutaretur. Sed fecerunt id tamen alii, in quibus familiam dicit Hottomannus, (**) quem Gipbanius, Ant. Mathæi, A. Winnius, A. Faber I. Strauchius, Franzkius, aliquique sere in numeri qui ad §. 5. Institut. de actionibus aliquid adnotarunt, sunt secuti. Ac putant illi, (***) errorem hunc manasse ex ignorantie ordinis iudicarii, qui apud veteres fuit; ubi tere in omnibus actionibus quædam duplicitis iudicij species occurrebat, dum aliqua apud prætorem, seu magistratum tractabantur, nonnulla apud iudices datos: ceterum reuera vnum tantum erat iudicium, ideoque unus tantum libellus, vna litis contestatio, vna sententia desiderabatur. Addit Ioannes Strauchius, (†) Ictus non ex triuio, non quidem esse negandum, diuersos actus secundum prius & posterius, etiam in iure, apud Prætorem, animo concipi posse. Nam dum Prætor formulam concipit, seu actionem dat, ut agi possit, petique, is etiam gestum prius recidisse putandus est. At non, ait, rescindit, ut volunt Pragmatici homines, per peculiare decretum. Quæ, quamquam satis videntur manifesta, non tamen acquieuerunt in his par nobile Ictorum Ulricus Huberus, (††) itemque Henricus Cocceius, sed tertiam opinionis speciem tum suopte ingenio, tum legum quarundam præsidio effinxerunt. Ac posterior quidem in peculiari dissertatione de Rescidentis & rescisorii iudicij diversitate subtili animo distincta exempla primum separat, ut ne gemino huic iudicio aliquid damni per λογοπαχια eueniat. Ait igitur, non quæri, an duplex petitio oculi.

S. tach. v. 1. ac. cur-

currat, si nihil prorsus per vim metumque sit amissum; quin nec ambigi, vnam actionem sufficere, si res metu vel dolo amissa ex edicto repetatur: at hoc queri, idque potissimum disceptari, quid obseruetur, si actio perdita, & restituenda sit, vt puta, si creditor metu inductus remiserit illam, aut cogenti cesserit. De ultima hac specie contentionis serram duci. Et peruidere autem peritos rerum, binas utique esse actiones, amissam, & eam, qua amissa repetitur. Posteriorem antiquam, priorem nouam videri oppido. Nouam autem rescindentem appellari, antiquam rescissoriam: aliud igitur peti rescidente actione, nempe relendi ac restitui amissum: aliud rescissoria, seu restituta, nempe declarari dominum, haeredem creditorem, cetera, pro cuiusque actionis indole. Quod ut magis comprehensibile fiat exemplum proponit. Finge, inquit, Caium metu, uno eodemque actu a prædone compulsum pariter ei & equum derisse, & actionem cessisse, vel si ipse prædo debuerit, remisisse. Vtrumque Caius actione quod metu repetit: Hac actio quod metu, qui minus distincta & diuersa videri potest ab actione amissa, quam ab equo amissò? Ergo Bæckelmanum ille cum primis reprehendit, qui intempestive exclamarit, (tit) unde probabis? Se enim abunde illud rescindens ac rescissorum iudicium probatum dedisse. Enimuero, si obstrepare tanto nomini liceret, fortasse an ex vero adfirmarem: id quidem euidentibus signis a viro clarissimo fuisse ostensum, actionem quod metus caussa & veterem amissam mentis præcisione considerari merito tanquam distinctas; idque tam videri certum, quam bis tria continere sex. At in foro Romano, in ipsis rerum argumentis quid obtinuerit,
 illud



illud in summa luce nondum est constitutum. Si quid enim mentis iudicio adsequor, eo tota controuersia reducitur, vtrum duplex libellus, duplex citatio, duplex litis contestatio, duplex probatio, duplex cognitio, & demum duplex sententia fuerit necessaria? Quod profecto clariori demonstratione indiget; neque etiam dum satis videtur probatum: quamuis nemo dubitet, quin, quæ vno iudicio fuere proposita, mentis solertia possint separari. Qui namque a Prætore postulauit actionem quod metus caussa, neutquam petiit, vt, æquitate Prætoris, singulari decreto ius inuasoris discederetur; sed vt liceret sibi ad rei amissæ restitucionem, &, si forte contumax esset reus, ad quadruplum agere. Quod si adsentiret Prætor, vti fas erat, & formulam conciperet, & litigatoribus iudicem addiceret; tum vero rescissio tacite iam præcesserat, eoque ad iudicis arbitrium, si metus probaretur, vel restitutio rei, quæ aberat, fiebat, vel, ni obedientiam præstaret reus, condemnatio in quadruplum sequebatur. Nec penetrat, illustrem *Auctorem* non de re, sed de actione restituenda potissimum loqui; quam forte remisisset, aut cogenti cessisset metum passus. Merito enim regero, neque hic aliquid differentiæ obseruari: quod ita demonstro. Fac, me experiri contra Quintum, quem liberaui ab obligatione, qua mihi erat deuinctus: Quid ago apud Prætorem? Peto, vt res integritatem accipiat: hoc est, vt in eum statum restituatur, in quo antequam vis esset illata, extitit. An quæso prius rescindit Prætor peculiari acceptilationem decreto? Si negas, vbi est igitur iudicium rescindens? si affirmas, etiam atque etiam vrgeo, non hunc fuisse iudicii ordinem. Dabat prætor formulam, & sic, tacite restituta actione,



contententes ad indicem ablegabat. Hic, si pareret metus, cogebat debitorem, ut solueret. Quod si ita est, ubi quæso geminum cernitur iudicium? Non enim satis argumenti habet, quando dicitur: vsu venire interdum, ut, quamvis cesserit dies, neque dum tamen venerit ille; seu quod eodem recidit, restituï sâpe actionem, sed quæ demum instituatur ex post facto. Et hic vero iterum respondeo: vel non esse necessarium, ut rescissio peculiari actione petatur, antequam tempus solutioni destinatum venerit; vel, si sit, non adesse in restitutione geminum iudicium. Neque enim plus restituitur, quam habui antea. At ius tantum agendi aliquando cum effectu mihi ademptum est. Itaque relinquitur, ut illud etiam restituatur; non autem ipsa actio, quæ forte post sexennium elapsum demum contra vim inferentem reapse institui potest. Atque eo pacto ne sic quidem duplex iudicium exsculpitur: nisi quidem contra usum loquendi in scholis Iure consultorum receptum, illa, quæ post sexennium intentabitur, actio rescisorium iudicium nominetur. Quod si quis nihilominus faceret, in λογικας insidias inscius forsitan incideret. Quod contra Huberum quoque animaduertendum est; qui peculiarem sibi rescisorii iudicij significatum struxit. Πρωτον γενεθλιον totius litis a Ioanne Strauchio egregie fuisse detectum, iam notauiimus, ac denuo cum cura inculcamus. Nam cum audirent legentque, gestum dissolui, rescindi; multi animum induxerunt, id peculiari definitione fieri: quod falsum est. Eo ipso, dum Prætor formulam præscribit; mente iam facta est rescissio, restitutio, dissolutio, adeoque restitutio non in impetracione formulae cubatur, sed eam

præcepit
CORTELLI



præcedit. Quod ad confutandam sententiam parum cohærentem sufficit.

(*) *Obseru.* Lib. VII. *obseru.* XXXI.

(**) In *Comment.* ad I. de *Actione.* §. 58.

(***) vid. in primis *Vinnius select.* I. *Quæst.* lib. I. cap. X. cuius verbis sententiam doctorum allegatorum expressimus.

(†) in *dissert.* ad L. *decis.* III. cap. I. n. 23.

(††) in *præl.* ad ff. *de Rest.* in *Integ.* n. V.

(†††) ad tit. ff. *de R. in integ.* §. V.

s. XXI.

Quartum, quod supereft, *geminum* leuiculum videtur. Etsi enim nonnulli in percontando posuerunt doctores, (*) num in actione, quod metus caufa, quam vulgo resciforiam appellant, duplex sit iudicium, duplex etiam sententia; tamen etiam illi, qui geminum alias iudicium mascula ratione defendunt, hic subsiftunt. Istud quidem verum est, iuſſum iudicis ordine ut plurimum præcedere; deinde secundum hunc demum, si superbe reus arbitrium despiciat, condemnationem exaudiri: sed quis propterea duplē sententiā statuat temere? *Vel enim paret reus, verba Hahnii* (***) recito, *vel non paret: illo casu in arbitrium sententia quodammodo degenerat, quia sub conditione conceptum erat.* Hoc casu licet singularis condemnatoria sequeretur, tamen hoc tantum, & sic nihilominus una hic erat sententia definitiva, in quadruplum puta, de quo quædam nunc quidem in medium afferam.

(*) *Ipse Horromannus* ad hanc dubitationem est adductus.

(**) ad *Wesenbec.* paratit. h. t. n. VI.

S 3

§. XXII.



§. XXII.

Potest etenim primo statim obtutu exoriri scrupulus, quare Prætor quadruplo puniendum iudicauerit contumacem, seu potius triplo, quoniam simulum ad rei persecutionem pertinet? Et difficile, fateor, id illis erit intellectu, qui oculos a vi bonorum raptorum actione auerterint. Neque enim dubium est, quin *Oænus* Prætor inde sua depromserit, eumque, qui se obstinate perucacem ostendit, ut latronem, ereptoremque iudicauerit puniendum. Sicuti igitur ereptor triplum pendit læso; ita metum incutiens, qui contumaci vultu nullam ad iudicis iussum vocem reddit, idque quod extorsit restituere flagitiose renuit, eandem tripli pœnam aduersario suo exsoluit. Cui is persimilis videtur, qui vim comprobat, seseque non restituendo delicti prorsus participem reddit. Ecce vero actio bonorum raptorum in triplum fuerit efficta Doctores plerique (*) silent. Mihi sic videtur. Olim pœna dupli furto nec manifesto fuit statuta ex XII. Tabulis, non autem *ex edicto*, vti palam e *Gellio* (**) constat. Illud autem duplum e iure Græco, adeoque Solonis legibus Romæ innotuit: quas Decemviri in furto nec manifesto censuere imitandas: in furto manifesto seuerior Draconis lex placuit, eoque sensu Virgilii scholiafestes (***) scripsit: *Furtum capitale crimen apud maiores fuit ante pœnam quadrupli.* Hæc enim sequiori demum æuo a Prætoribus introducta est. Nam igitur, cum ereptor fur sit improbior, fieri certe non potuit, quin Prætor eum quoque atrocius quam furem non manifestum puniendum statueret, quandoquidem etiam Solonis leges seueriori eum pœna affecerunt, quam furem. Saltem



tem Demosthenes in Midiana hanc legem laudat :
 τόν Βία ἐτεῦν ἀφελόντα διπλὸν ἔκτινεν τῷ ιδιώτῃ, καὶ τὸ ίσον τῷ
 δημοσίῳ προτιμᾶν. Qui per vim aliquid abstulerit in duplum
 tenetor ei, a quo per vim abstulit, in duplum quoque æra-
 rio publico tenetur. Cuius instituti Samuel Petitus (†)
 eam rationem reddit; quod quæ per vim gesta sunt
 tyrannidem olere videntur, nec priuatos tantum, sed
 & rempublicam eunt euersum. Quid autem magis
 terrificum in popularibus ciuitatibus tyrannide videri
 poterat ? Vnde ἐν παρόδῳ notamus, actiones pœnales
 (††) ex Atheniensium dicasteriis, ac democraticis Græ-
 corum rebus publicis in ipsas XII. tabulas, quid ? quod
 Prætorum edita atque tribunalia fuisse deriuata : qui
 postremi id diligenter astuteque operam dederunt, ut
 populo bolum deglutiendum obicerent, pœnasque,
 quas introducebant, sub velo iuris æquioris, priuatis ap-
 plicarent. Interea minime mirandum est, quam ob
 rem Prætor latronibus atque ereptoribus non æque
 atque furibus manifestis capitis pœnam dictauerit. Quid
 enim ad eum, inquit, Tullius, qui ius dicit ? Lex est ; pœna est :
 de publicis iudiciis Prætores non edicunt. Ex quo
 liquido mea opinione dignoscitur, qui factum sit, quod
 ereptores licet improbiiores furibus ; tamen mitius fu-
 ribus manifestis a Prætoribus fuerint puniti. (†††) Quan-
 topere enim alii sese torqueant, ex innumeris ad tit.
 institutionum de vi honorum raptorum commentariis li-
 quet.

(*) Quæ D. Thomasus in medium tulerit in dissertatione
 de usu actionum pœnalium I. R. in foris Germaniae cap.
 III. §. XLVII, vide & diligenter lege,

(**)
 be

(**) Noct. Attic. lib. XI. c. XVIII. Solo, ait, ex septem illis inclusis sapientibus fuit. Is sua lege in fures, non, ut Draco anteā, mortis, sed dupli poena vindicandum existimauit. Decemūri autem nostri, qui post Reges exactos leges, quibus populus Romanus vteretur, in XII. tabulis scripserunt, neque pari severitate in puniendis omnium generum furibus, neque remissa nimis lenitate usi sunt. Nam furem, qui manifesto furto prensus esset, tum denum occidi permisérunt, si aut &c. Vnde merito Duarenun aliosque, qui post Antonium Contium scripserunt, doctores culpat Cornelius a Bynkershoeck, amplissimae eruditionis Iureconsultus, obseruat. I. R. lib. III. cap. XVI. quod locum Gelii a Contio indicatum negligentes ex edicto dupli poenam deriuauerunt.

(***) ad Aeneid. lib. VIII. p. 516. F.

(†) in Comment. ad leges Atticas lib. VII. tit. IV. de vi bonorum raptorum p. m. 528.

(††) de furti actione, de vi bonorum raptorum id intelleximus: de conuiciis, de damno iniuria dato aliisque id possemus ostendere.

(†††) Inde vero probabili conjectura colligitur, Praetoris dictum, de furto manifesto per quadruplum puniendo, edicto de vi bonorum raptorum recentius esse.

§. XXIII.

Cætera, quæ de quadruplo superant notanda, tere nota sunt. Est enim perulgatum, in quadruplo etiam contineri rem: (*) & quadruplicari quoque omnia, quæ sunt (**) restituenda, & fructus, & omnem caussam; nec tamen, quia præatoria est & odiosa, hanc in quadruplum actionem ultra annum utilem durare, putato tempore ab initio moræ, siue metus illati: (***) quantum altera in simplum perpetua est, dummodo causæ cognitio præcedat, & alia actio non sit. (†) Illud

ad



adhuc controuersum videtur, an Iustinianus, vti supra innuimus, annum vtilem in quadriennium continuum mutauerit. Inueniuntur enim, qui *Cuiacio* (††) contradicant. At mea sic est ratio, & ita quoque animum induco meum, eam litem meliori ratione definiri vix posse, quam si caussa, quæ noui iuris impulerit conditorem prorogandi tempus restitutionum in integrum, gnauiter perpendamus. Et geminam enim uero in *vlt. Cod. de temp. in integrum restitut.* offendimus. Nam cum Constantinus iam antea sustulisset annum illum vtilem, & plures annos continuos pro eo substituisset, sed varie, pro regionum locorumque varietate: non tantum Iustinianus illam locorum differentiam abrogauit; verum etiam quadriennium continuum dari restitutionibus in integrum iussit. Quinque enim Constantinus Romæ, quatuor in Italia, tres in prouinciis præscriperat. Quæ diuersitas sicuti inepta prorsus & absurdâ Iustiniano visa est; ita in lege una *C. de annali exceptione* ostendit, quam intricata & captiosa esset vtilem dierum æstimatio atque supputatio. Etsi enim id caret dubio, annum vtilem constare CCCLXV. diebus vtilibus, vt annus continuus diebus CCCLXV. continuis describitur; tamen computatio difficilis fæpe, & inexplicabilis reddebat: quia non solum, verbis Francisci Balduini vtor, (†††) quando Prætor iudexue se-deat, aut sui copiam faciat, varie quærebatur, sicuti & cum quærebatur de diebus feriatis, fastis, nefastis, intercisis: sed & præterea hic erat quæsto facti, an quis alioqui potestatem habuerit iuris sui persequendi: neque solum per Prætorem, sed & per suas occupationes conditionemue id potuerit. Itaque illa, vt ita dicam, incerti temporis vtilitas

T

litas



itas Imperatori displicuit, inque primis in restitutionibus in integrum pro tempore utili continuum suppedituit. Putat equidem *Henricus Habnus*, (*†) non videri Iustinianum regulam de prætoriis actionibus absolute sustulisse, præsertim cum actionis quod metus causa non meminerit diserte: & insuper l. 14. §. 1. ff. b. t. annum utilem nuncupet. Verumtamen non potuit negare *Habnus*, nec debuit quoque, Imperatorem loqui de restitutione maiorum & minorum in genere; eique perinde esse, siue maior per absentiam, siue per metum, alienationem, vel errorem sit laesus. Saltem lex non distinguit. De reliquo obseruatum iam ab elegantissimo *Balduno* est, *Tribonianum*, qui ceteroquin veterum Iureconsultorum sententias inuercundate saepè interpolauerat, hic potissimum quosdam Pandeclarum & Codicis locos interpolare debuisse, ne annus utilis æuo sequiori turbaret iuris arti deditos. Quod vero idem Imperator litem restitutionis intra quadriennium continuum in eadem lege moueri & finiri iussit, absurditatis nota non carere *Wissenbachius* adfirmat. Actio enim, inquit idem, (†*) rescissoria verbi gratia extremo mense; imo die quadriennii extremo mota (ut moueri potest l. 6. ff. de O. & A.) non potest illo mense, nedum die finiri.

(*) l. 14. §. 9. ff. h. t. Interea difficilis locus est in l. 22. §. 1. ff. de pignoratitia actione, vbi *Antonius Faber* de erroribus Pragmaticorum decade LXXXI. errore X. tere naufragium fecit. Nam cum vidisset, creditorem, cui per metum pignus abstulisset debitor, accepto quadruplo nihil in fortem de sententia *Papiniani* imputare, conclusit is, quadruplum in edicto totum esse poenam. Sed ego vero ciuiliter intelligendum *Papinianum* credidimus.



rim. Non enim potuit hic existimare, nihil proisus contineri quadruplo, quod sortem minueret: etiam id Icti verba vix exprimunt. Ex eo, inquit, quod consecutus est neque restituet, nec debito imputabit. Si quid coniicio, videtur subintelligendum: ex eo quod pœna nomine consecutus est. Non enim credibile est, Papiniandum ignoraturum prima juris elementa. Aliter si sortet, quemadmodum præcipiti consilio putauit Faber, variae, eoque plures repugnantia superessent tollendæ. Gonzalez ad decretales p. 951. una cum Martino de Larratigui aliam responcionem excogitauit & dedit, quem videbis. Atque ita quidem scripsieram, antequam Græcos interpres euoluissent. Nunc autem perspicue comprehendendo, verba Vlpiani librariorum incuria esse corrupta. Sic enim Græci: Εἰ δέ ὁ χρεῶντος κλέψει, η̄ τάξη καὶ τὸ φόβον τὸ εὐέχυρον, ὡπέρ καλῆ πίστει ὁ δανειστὴς οὐ εἰς εὐέχυρον λαζαρὸν τετραπλῆν ὡπέρ αὖ πάραχη διὰ τῆς ἐω̄της κλωτῆς σύγωνται, η̄ τῆς εἰς τὴν διὰ φόβον αἵτια σύγωνται εἰς ὀνταλάμβανει. Στέ εἰς τὸ χρέος αὐτῆς λογίζεται. Si vero ipse debitor subripuerit, vel metus causa pignus acceperit, quod bona fide creditor pignori acceperat, quadruplum quod præstiterit per actionem furti, vel quod metus causa, non recipit: neque in debitum imputatur. Ex quo manifestum sit, quadruplum pertinere ad actionem furti, non metus causa. Ergo ita forte Vlpianus scripsit: Idem (Papinianus ait) si debitor surripuerit, & si metus causa seruum pigneratum debitori tradiderit, quem bona fide pignori acceperat: nam si furti egerit, & quadruplum consecutus est, nihil: neque si quod metus causa, restituit ex eo, quod consecutus est, nec debito imputabit. Sic plana sunt omnia: non pœnam furti imputabit creditor debito, non pœnam ex eo, quod metus causa. Et aliter vero olim fuisse lectum Græci euincunt: quid? quod redundantes particule ostendunt, subesse hic non nihil lacunosi.

(**) v. l. 14. §. 14. ff. *quod metus caussa.* Sed quæritur vero utrum ad id, quod interest pertincent, quoque usuræ? Et magis est, ut de iure ciuili negemus, quia id tantum, quod reuera extortum est, quadruplicatur: usuræ autem fructibus & causæ opponuntur, nec sunt in fructu per l. 121. de V. S. quin inauditum est, usuras peti pœnarum. vid. D. Bergerus Oeconom. Iur. lib. VII. tit. XV. not. 5. (***) vid. Sichardus ad l. 4. C. h. t. n. 7. & 8.

(+) *Alia autem actio,* inquit Auctor Collegii Argentoratensis thes. XXX. h. t. sic esse potest, si is cui vis illata, est, anno elapsō decesserit, herede Titio instituto, ager is hereditatis petitione post annum elapsum contra possessorem, quoniam pro possessore, qui vim intulit, possidet l. 19. de hered. petit: non actione, quod metus caussa, quamvis etiam hæres intra annum hac in quadruplum actione experiri potuisset. d. l. 14. §. 1. & 2.

(++) *in paratitl. C. de dolō malo.*

(+++) *in Iustiniano lib. III. p. m. 256.*

(*) *in not. ad Wesenbecium h. t. n. VII.*

(+*) *in Comment. ad Cod. l. vlt. de temp. in integr. Rest. p. m. 129.*

§. XXIV.

Atque hæc quidem de auxiliis, quæ contra metum iuris Romani conditores suppeditant. Nunc quid canones patrum pontificumque disponant, paucis dispiendendum erit. Et iam vero supra a nobis probabilitatione fuit ostensum, ignorasse pontifices stabilitatem pactionum, quas metus composuit; ignorasse ex consequenti prætorium auxilium: etiam contractuum bonæ fidei & stricti iuris differentiam nesciuisse eosdem. Vnde nihil dubitationis supereft; quin simili modo ab illis improbatum sit quadruplum. Saltē e Decreto (*) notum est, Eusebium Papam epist. II. voluisse quidem

dem, ut sacrilegii reus refunderet quadruplum: at contra statuisse Magnum Gregorium, (***) generatim negantem, iuris esse, ut ecclesia cum augmento recipiat, quod de terrenis rebus videtur amittere, & lucra damnis queratur. Quæ verba Iureconsultos Belgas in primis mouerunt, ut actiones dupli & quadrupli canonico iure inualuisse irent inficias. Tametsi enim Gratianus illud Gregorii de ecclesiastica mansuetudine intelligit; non sequitur tamen, ut Eusebii opinio vsu pontificii fori fuerit probata. Idem Gratianus hanc potius ad legum pertinere severitatem (****) contendit. Et cui autem ignotum est, quæso, maximos Pontifices in omnibus pœnis singularem non tantum affectasse lenitatem; verum etiam alienum ab omni lucro animum præ se tulisse? Quod si est, relinquitur forte, actiones pœnales & moribus & arcanis sacerdotum consiliis parum videri accommodas. Minimum istud verum est, non extare in decretalibus vel locum, vel exemplum, quod fidem ficeret probati receptique in caussa metus quadrupli.

(†) Egregium in hanc rem locum inueni in *Registro*, quod vocant, epistolarum S. Gregorii lib. VI. indict XIV. epist. LXVI. Tom. II. Oper. p. 842. edit. *Parisensis Benedict.* vbi Pontifex Athanasio presbytero de Isauria, qui se verberibus exceptum iniuste & violenter aliqua fecisse affirmabat, ita respondit: *quoniam ea, quæ vi impulsoris sunt, canonum minime censura recipiat, NB. & IVRE habeantur INFIRMA;* quia ipse ea dissolut, qui iniustum fateri fierique compellit: sed magis illa suscipienda confessio. &c.

(*) Causs. XII. Quæst. II. c. n.

(***) Cap. IV. *Responsionum ad Augustinum Anglorum episcopum*, quod in edit. *Bened. Parisiens.* inuenitur lib.



epist. XI. Indict. IV. p. 113. Et monet in notis ad hanc responzionem Gussanuillaeus, *Gregorium alibi legem sæculi vulgarem adulisse, secundum quam quadruplum restituant, qui prædam fecerint.* Saltem huius legis etiam in decreto caus. XII quæst. II. c. 8. mentio fit, quam falso tamen ex epist. Gregorii 33. lib. 4. citauit Gratianus. Idem Gussanuillaeus non sine formidine fidem adhibet Gra-
tiano, cum sub initium sæculi VI. Ioannem Papam I. scri-
psisse ait, *in ecclesiæ antique statutis esse decretum, vt, qui aliena inuidit, non exceat impunitus, sed cum multiplicati-
one omnia restituat.* Vix enim id probabile est: cum iam tum temporis religionem sibi iniecerint patres, vt ne eiusmodi multiplicatio haberetur pro ysura.

(****) Ea verba Schilterus in exerc. ad ff. XLII. n. XLIII. magnopere ventilavit & excusavit, vt ne actiones poena-
les e iure Canonico prorsus eliminarentur. Sed non
pensitauit ille, *Gratianum Eusebii opinionem ad ius se-
uerum, quod sacerdotibus minime probatur, retulisse.*

§. XXV.

Itaque ad Teutonum tribunalia procedamus, ac mores eorum simplices cum Romanorum legibus atque institutis luculenter contendamus. Neque enim ambigitur, quin hæc sit conuenientissima via ad usum fori hodiernum indagandum. Iam vero adnotatum est antea, non affectasse Germanos tam acutum, ac subtile ingenium, vt ordine iudicario tam anxie disposito, formularum auctiis tese dederent, & bonam fidem absolute talem ab exuberantiori, volo dicere, contractus bonæ fidei ab illis stricti juris adeo tollerter distinguerent. Apud eos una ac simplex iudicandi ratio obtinuit, quæ directum & verum, & iustum, & æquum, & bonum sive suo complexa est, in omni dissi-

dio,



dio, in omni conuento, pactione, contractu, eadem ratione ac forma obseruanda. Quamobrem minime videtur dubitandum, nunquam in Germaniaæ foris actionem quod metus caussa fuisse receptam. Nam si ipso iure eiusmodi pactionem, per vim expressam, tum leges naturæ, tum mores nostri declarant nullam, sicuti cap. V. copiose demonstrauimus, quare quæso actionem quod metus caussa, tot constantem ambagibus, tot implicatam difficultatibus in ciuitates, in forum, in curias aduocemus? Ea autem cadente, imo exulante, vel rei vindicatio obtinebit, vel publicana, vel actio ex contractu, vel condic̄tio indebiti, vel, si nihil dum præstitum, exceptione perpetua erimus securi. Atque ita vero vno ictu præscindentur tot quæstiones spinosæ, videlicet, vtrum sit actio ordinaria an extraordinaria? an, requiratur iudicium rescindens & rescissorium? vtrum actio sit utilis an directa? unde trahat originem? vtrum sit rei persecutoria & pœnalis ex postfacto? an statim initio? quid actio in rem scripta? num duplex in hoc arbitrario iudicio sit sententia? num exigendum quadruplum? quid quadrupletur? quid contineat illud? num simplum cum pœna, num pœnam tantum? quid annus utilis? vtrum is mutatus Iustiniani voluntate in quadriennium? an post annum utilem seu quadriennium caussæ cognitio requiratur? num in actibus bonæ fidei locum habeat, & quæ sunt aliae eius generis contentiones, ac lites? vt taceam, in toto iudicio arctiores laqueos futuros, id est, tot circuitiones, inflexiones, anfractus, mæandros, diuerticula opima & pacatissima ratione iri deuictatum.

§. XXVI.



§. XXVI.

Verum enim vero non placuit hæc germana maiorum simplicitas recentioris æui Iureconsultis. Persuaserunt illi nescio, quo fato, sibi, ius Romanum in Germania ita saltem esse receptum, vt vbi contraria non inueniatur lex, eaque expressa, illud certe obtineat. Ergo certatim istud rationis adoptarunt: quia coacta voluntas esset voluntas, idcirco pactionem metu coalitam nonnihil roboris accipere, quod rescissione summi magistratus, & cui is iuris dicendi facultatem permiserit, demum sit abolendum. Et talia argumenta deinde iudicium rescindens & rescissorium etiam in nostra fora traduxerunt: eadema effecerunt, vt peculiares formulas fabricarent, (*) quibus primum rescissio actus, post res amissa peteretur: quamvis Romani iuris architeeti nunquam admiserint tam absona, tamque ab omni iudiciorum ordine aliena: vt taceam, eosdem in stricti iuris contractibus tantum actioni quod metus caussa locum reliquisse. Atque ita vero factum est, vt lites in longum extraherentur, & annos ferrent, & vetustate proficerent; quando ex vna contentione sic fierent binæ. Quod quum alii, qui paullo sapientiores esse volunt, animaduerterent, fecerunt illi, vt vtraque petitio in vnam rubricam compingeretur: (**) addita ratione, plures actiones ad eandem caussam cumulari posse; & hic vero consentanea iungi ac peti: quam in rem iuris canonici textus allegarunt, vt ne confusioni de- esset quidquam. Rursus alii, qui hæc omnia quasi e longinquò adspexerant, in eam tandem opinionem sunt prolapsi, parum interesse hodie, siue ipso iure nul-

Ja



la sit, siue rescindatur denum talis obligatio. (***)
Quam tamen opinionem iam præcedenti capite re-
tellimus.

(*) v. Schacheri Colleg. Pract. ad ff. h.t.

(**) v. H. Cocceii dissert. de rescind. & rescissor. sect. III.
n. 6.

(***) In ea opinione versatur D. Titius in obseruat. ad
Lauterb. h. t. quamvis is alias actionem quod metus cau-
sa non esse necessariam existimet. Id certum est, in e-
uentu litis nihil diuersitatis notari. At vbi vbi statim
ad litis deuenitur euentum? Quidquid rescindi debet
longiorem moram exposcit, quam quod iam est rescis-
sum, seu nullum. Homines recti animi ambages &
circuiciones defugiunt; quas in prætoria actione defu-
gere minus licet. Accedit, quod hæc quadriennium du-
ret; vindicationibus vero & condictionibus longius
præfixum esse spatium scimus.

§. XXVII.

Itaque bono animo multi ad quadruplum ocu-
los conuerterunt, quod priuatis applicandum existima-
runt. Prætores in orbe Romano, vbi iam actionum pœ-
nalium insignis cumulus reperiebatur: vtpote quæ ge-
nio populi, cuius auaritiae arcano consilio aliquid indul-
gendum credebant, optime conuenirent. Talem cau-
sam, licet celeberrimi in Germanis doctores non ha-
berent; tamen metu coactis idem deberi quadruplum
audacter contendebant: præsertim, vbi contumax ap-
pareret inuasor, & animum refractarium etiam post de-
lictum commissum ostenderet. Eo modo rationes sub-
duxit Iohannes Brunnemannus in commentario ad pan-
dectas: hunc Rhetius, Stryckius, Schæpferus, Hamelius,
P. Mullerus aliique securi sunt; sed, quod notandum id



solum posse fieri litteris prodiderunt; donec iam *Bergerus*. vir in foro versatissimus, istud multis argumentis reapse obtinere ostenderit. Neque enim is in resolutionibus ad *Lauterbachium* tantum, & dissertatione de *vnu actionum pœnaliu pag. 93.* hanc sententiam defendit; verum etiam in *Oeconomia iuris*, quam nuperrime vulgauit, p. 893. quadam decisione firmauit, quæ quoniam a Professoribus *Wittebergensibus* in causa *Nobilis e D. N. M. C. F. G. H.* contra *I. C. W.* in eadem prouincia degentem emanauit, operæ pretium duxi, hoc in primis loco illam recensere atque annectere totam:

Dass beklagten Principal das libellirte Spiel-Geld derer 3000. Thlr. und zwar die hierunter mit begriffene pretiosa, ingleichen den Wagen und Pferde/ in natura nebst dem interess, und verursachten Unkosten binnen 4. wöchentlicher Frist an interuenienten hinwieder zuerstattet/ in Verbleibung dessen aber an noch das zu recht diffalls loco pœnæ geordnete triplum, also zusammen 12000. Thlr. Capital, sammt dem von ihm gezahlten 3000. Thlr. hieran auffgelauffenen vierfachen Interesse, wie nicht weniger denen anderweit auffgewendeten Unkosten demselben zu bezahlen schuldig/ von Rechts wegen.

Rationes decidendi.

Ob wohl nach Beklagten von W. Anführen unterschiedene bewehrte Rechts-Lehrer darvor halten/ dass per mores der rigor

L, I. & ylt, C. de aleator,

nich



nicht mehr in Obseruanz sey/ und das Geld so auff Kar-
ten/ und dergleichen Glücks-Spielen auffgesetzet / und
verloren/ nicht wieder gefordert werden möge/dasfern
nur die spelende Personen freye Disposition ihres
Guts/ & donandi licentiam haben.

Struu. Exerc. XV. th. 57.

Carpz. Lib. II. Resp. 96. n. 16.

cum alleg.

Welches auch insonderheit des Herzogthums Magde-
burg Policey-Ordnung de anno 1688. c 55. §. 5. der-
gestalt bestärcket/

das die condictio indebiti wegen dessen so auff
dem Spiel bezahlet/ nicht statt finden solle/
Beflagter aber wegen der gewonnenen 3000. Thlr.
vermittelst des Obristen von W. interposition, theils
durch Kugsch und Pferde/ auch einen Ring / theils
durch einen Wechsel-Brieff Zahlung und Versicherung
erlanget/ immassen er besaße der Aeten W. und derer
darinn enthaltenen Dresdnicchen Registraturen fol.
32. seqq. dieser Schuld halber den Obristen von W. zu
Dresden vermittelst ausgewürckten Captur-Befehls
in Arrest nehmen lassen/ dieser auch hernach den Ori-
ginal-Wechselbrieff produciret/ und daher die Zahlung
zu prælumiren/ ein fideiussor aber nach dictandten Rech-
ten auch debitum naturale bestärcken / und sich dazu
efficaciter obligiren kan/ quod autem victor in ludo ci-
tra legis ciuilis prohibitionem soluere promisit, id na-
turalem obligationem producere dubitandum non est

D. Stryk Vf. mod. Tit. de aleat. §. 4. fin.

und demnach Beflagten von Obristen von W. seine
Forderung nicht als Spiel-Geld/ sondern ex causa fi-



deiussionis, & correalis obligationis exigiret/ in mehrer Erweigung/ daß er sich mit Klägern in solidum verschreiben/ in welchem Fall der ausgestellte Wechsel-Brieff vim transactionis hat/ in transactione autem non amplius videndum, qualis causa obligationem præcessit, sed quid transactum sit,

L. 32. C. de Transact.

Hierüber Beklagter davor nicht könne / wann der Obriffe von W. die 3000. Thlr. Quæstionis vom Correo, dem von H. wieder erpresset hätte / nemo enim pro fundamento intentionis suæ ius & factum tertii allegare potest , zugeschweigen daß in Wechsel-Sachen exceptio non numeratæ pecuniæ nicht statt hat / und in causa turpi, si talis hic subesset, potior causa possidentis, in übrigen wann actio quod metus causa erhoben würde/ die violentia nicht eingeräumet / und actio quadrupli annalis schreibe/ so aber von Interuenienten dem Ansehen nach nicht beobachtet worden/

Dennnoch aber und dieweit allhier nicht so wohl auff das verlohrne Spiel-Geld an ihm selbst/ und dessen zu Recht zwar zulässige/ oder per mores inhibirte Condictio[n]n, sondern vielmehr auff desselben Qualitat/ und dabey sich ereignende Umstände zu reflectiren/ Gestalt aus dem Zeugnuß Rotulo fol. 109. in Act. sub O ad art. 1. 4. 5. und Rot. Act. sub † fol. 86. seqq. ad art. 12. 13. erscheinet/ daß Beklagter Interuenienten nach St. einladen lassen/ ihn allda zum Drunk/ und hernach zum Spielen veranlasset/ so wohl nach Interuenientens Entschuldigung/ daß er kein Geld bey sich habe/ ihm dasselbe dazu vorgestreckt/ und demselben folgends iuxta depos. ad art. 9. fol. 51. b. Act. sub O item



item ad art. 14. 15. 16. 17. Rot. fol. 87. ibidem & ad
art. 15. Rot. 95. seqq. sub † etliche 1000. Thlr. abgewon-
nen/ zu geschweigen/ was die Zeugen wegen Begne-
mung Interuenienten Gelds und dergleichen ad art. d.
9. 10. 11. & seq. in Act. sub Ⓛ so wohl art. 14. 15. 16.
Act. † deponiret/ insonderheit aber sie nach geendeten
Spiel denselben nicht wegfahren lassen wollen/ bis er
gezahlet hatte/ und ihn alsdann der Collutor von M.
nebenst Beklagten zwis. Bedienten erst auff das M.
Gut nach P. so dann nach Naumburg/ ferner nach
S. zu dem von B. item nach M. und end-
lich nach W. wo Beklagter das Quartier gehabt/
herumgeföhret/ da Beklagter Interuenienten auch ge-
gen einen Wechsel-Brieff nicht dimittiren wollen bis
der Obriste von W. dazu kommen/ gegen welchen In-
teruenient alsdann iuxta depos. ad art. 22. fol. 14. Actor.
sub † gar sehr jämmerlich gerhan/ und gebetten sich zu
interponiren/ und ihn wieder zu befreien/ zn dem En-
de der von W. selben am Fenster/ weil er
nicht aus der Stube gelassen werden wollen 6. Thlr. ge-
geben/ und weil Klägers dimission nicht zu erlangen
gewesen/ endlich derselbe nebenst ermeldten Obristen
die fol. 71. 72. 73. A Et. sub Ⓛ besindliche Wechselbrieffe
und Reuers auszustellen genöthiget worden/ dadurch
erst Interuenient wieder auff freyen Fuß gediehen/zu
Recht aber heilsam versehen/ dass dasjenige/ was durch
Gewalt/ und Furcht/ es mag Geld/ Gut/ oder eine
Obligation und Schuld-Beschreibung seyn/ von einem
andern erhalten/ per restitutionem Prætoriam zernich-
tet/ und derjenige/ welchem hiedurch Gewalt gesche-
hen



hen in integrum wegen Capital, interesse, und Unko-
sten restituiret werde/

Cum enim res metu extorta, & tradita est, vel
saltem promissa, tum casu priori actio datur, vt res re-
tro tradatur cum fructibus & accessionibus ; si autem
saltem promissa fuerit, stipulator stipulationem acce-
pto facere tenetur, dergestalt daß wann Beklagter ius-
fui iudicis nicht pariret/ so dann actio poenalis quadru-
pli, ita tamen ut simplum insit ; statt hat/

L. 12. ff. quod met. causs.

L. 9. §. 7. ff. eod.

Franzk. ad d. tit. n. 18.

Allermassen in actione quod met. causs. duplex caussa,
nempe vis & contumacia concurriret/ da vis impulsio-
ua habitu & aptitudine, wann contumacia rei erfolget/
poenam tripli nach sich ziehet.

D. Berger de vl. act. poenal. §. 29. & in Not. ad
Lauterbach. Tit. eod. fin.

und nach heutiger Gerichts Observanz alsdann nicht
nothig/ vt iussus aut sententia iudicis separatim præce-
dat, sondern es mögen beyde condemnationes in sim-
plum & triplum in ein Urtheil füglich gebracht werden/
dergestalt/ daß Beklagter vorher rem principalem vi-
metuue exactam unter der Bedingung/ & in hunc e-
uentum cum omni caussa erstatten solle / daß wann er
hernach binnen der Zeit/ que iudicatis datur, nicht fol-
ge geleistet/ er hierüber das triplum ceu poenam con-
tumacia zu zahlen schuldig sey/

Muller ad Struu. Tit. quod met. causs.

Bachou. ad Wesenb. eod. tit. §. 6. & ad Treutl.

Disp. XI. th. V. litt. E.

Eckold



Eckold ad d. tit. §. 4. n. 2. & 5.

So destomehr der Billigkeit gemäß/ wann von Collusore reo Veredung zum Spiel vorher gegangen/ so wohl Gefahrde in Spiel erfolget/ und die Zahlung/ Wechsel-Brieße/ oder andere Versicherung deshalbē modo violento erhalten; arestum priuatum enim res vetita, & species violentiae est, contractus autem ab arrestato gestus non subsistit, licet ab arrestato in eadem conditione existente denuo agnitus fuerit: neque istantum arestatus dicitur, qui in vinculis est, sed & qui sine dedecore non recedere potest, ceu cui vel iuramento, aut fideiussore interueniente vel custodibus, appositis, facultas abeundi interdicta

Guido Papæ Quæst. 253. n. 2. 3.

Dem dann Beklagtens ferner Einwenden nicht entgegen ist/ daß wider einen Wechselbrieff exceptio non numerata pecuniae nicht statt habe/ weil Beklagter allhier nicht darauff geklaget/ sondern interuenient restitutionem in integrum wegen desjenigen/ daß er vor Spiel-Geld zugeben und auszuhändigen forciret worden/ gesuchet/ ex diuersis autem valide argumentari non licet. Noch auch quod in caussa turpi melior sit conditio possidentis, als welches zu verstehen/ nisi lex intercedat, & conditionem permittat, aut vetet, so daher bey der angestellten Klage auch nicht zu appliciren/ und endlich ebensals unerheblich/ daß actio quadruplici poenalis annalis, und præscribiret sey/ immassen nicht allein annus utilis allhier zu verstehen/ der per textum generalem, quoad restitutions minorum & maiorum, auch in actione quod met, causs, in quadriennium continuum verwandelt

L. fin.



L. fin. pr. C. de tempor. in integr. restit.

Eckold. d. l. verb. intra annum cum alleg. Scotan.

D. Stryk ad Lauterb. Tit. quod met. causs, verb.
non est mutat.

sondern auch interuenient in Aet. sub ☽ an. 1704. fol. 46. seqq. intra annum naturalem bereits auffstejezo ge- flagte Umstände / dadurch ihm in Spiel so viel 1000. Thl. abgewonnen/ geklaget/ welches ihm in Aetis sub + fol. 109. anderweit zu vrgiren/ und das quadruplum in eueutum zu bitten/ unbenommen gewesen/ ihm auch daher keine præscription in Wege seyn kan/ wan- nenhero wir allenthalben vorstehender massen zuer- kennen bewogen worden.

Ex hac definitione varia colligimus : primo, D. Wittebergenses existimasse & solutionem , & obligatio- nem per restitutionem prætoriam esse rescindendam ; deinde quadruplum esse reddendum , & fructuum & vsurarum, ita tamen vt simplum insit ; post intra qua- driennium actionem quod metus caussa institui posse; tandem non esse hodie necessarium, vt iussus aut sen- tentia iudicis separatim præcedat , ac tempus iudicati quatuor menses contineat. Quæ vniuersa atque sin- gula Erfurtenses lCti probarunt, eoque modo graua- tis ansam dederunt, vt appellationem facerent.

§. XXVIII.

Nullum mihi dubium hæret , quin ii , qui pro vnu actionum pœnaliū, & speciatim pro actione, quod metus caussa mordicus depugnant, cum impetu dictu- ri sint : ecce viridem Romanarum legum in caussa metus obseruantiam ! En consensum Bergeri pragma- tici !



tici! faceſſant iam nouatores, qui hoc, quidquid eſt, e foris Germaniæ eunt expulſum. Salve iudicium duplex reſcindens, & reſcifforum! Felicem rempubli-cam, in qua quadruplum contra inuiaſores & vim me-tumque adhibentes inualescit! feliciores iureconsul-toſ, qui ſalutaria remedia in vſum fori reducunt, aut, potius, poſtquam ius Romanum receptum fuit, ſoller-ter vindicant. Et profeſto inconciſinum inter tot plauſus, ac virorum magnorum auſtoritates videtur, opi-nari aliter, ac tendere in contrarium; maxime cum non tantum ſit demonstratum, dictari poſſe quadru-plum; ſed vere tuuſe dictatum. Ego vero, qui nun-quam non veritati operam dedi, & magnorum nomi-nūm viubras præteruectus perſpicua ſemper & cohæ-rentia quæſiui, veniam me impetraturum ſpero, ſi in hoc etiam negotio propriis videre oculis velim, nec ap-plaudentium ſtrepitū cupiam obtundi. Quid enim? An eſt ita certum atque exploratum, ius Romanum, patriis iuſtitutis in exilium pulsis, eſſe receptum? Vbi hoc inuenitur? in qua extat lege? Id ſcio, id concedo, in hoc conſentio, eſſe receptum, ſed ſub conditione, ſed ea lege, ne patriæ repugnant leges (*) ac mores. Quid igitur eſt, quod omittant mores, & legum ſcriptarum tantum mentionem faciant? In hoc πρᾶτον Λεόν. Ber-géri latet, in hoc ſicutā forenſis ſpecies ſeſe occulit. Quid enim iſtud conſequentiæ eſt? Leges Germaniæ expreſſæ quadruplum non prohibent, aut nihil etiam de poena coaſtoris diſſerunt, ergo ius Romanum in ſu-bfidium vocabimus, ergo actionem quod metu cauſſa, illam arbitrariam, illam in rem ſcriptam, illam reſci-dentem & reſcifforiam introducemus. Tu priuſ circumſpice, utrum mores, qui e ſtatu Reipublicæ fluunt, eiuscemiodi auxiliū admittant? Romani a Græcis



pœnales actiones acceperant : hi aliquid indulgere populo cogebantur ; ac illi tandem simili ratione, præfer-
tim, cum placere plebi studerent Prætores, eiusque ca-
ptarent auram. Saltem in hoc negotio ambigendum
non est, quin aliquid L. Octavius dederit multitudini:
cuius fauorem ea ætate ambiebant Pompeius, Cæsar,
& sexcenti alii, vt patet abunde ex Cæsare *Suetonii*.
Num vero vlo modo necessitas imposita est nobis, qui
sub principatu viuimus, vt, quod in democratia, ac po-
pularibus ciuitatibus vtile fuit absone imitemur & ipsi?
Tolerabiores viderentur, si in ciuitatibus liberis im-
perii, vbi populus saepe summam rerum tenet, eiusmo-
di pœnas priuatis applicandas pronuntiarent vtiles : at
dum promiscue inculcant, & iuri conformes, & nece-
sarias in foris patriis dicunt, eoque quadrata rotundis
miscent, terendi non sunt. Accedit, quod & illud non
sit prorsus indubium, institutis Romanis esse locum, vbi
leges Germanorum fileant scriptæ. Fac enim, nihil
esse proditum statutis certæ ciuitatis de sepulchris &
locis religiosis : num illa priuatorum commercio adfir-
mabis exempta? num in horto, in fundo, in agro priua-
to mortuum me posse condere meum ac sepelire dixe-
ris? Tute potius repugnabis, arbitror, & id moribus
aduersari hodiernis sine dubio dices. Finge itidem, si
aliud placeat, nihil speciatim reperi in statu-
tis Magdeburgici tractus de inuentione vnionum, & la-
pillorum pretiosorum, nihil de metallis, quæ de fundis
priuatorum possint erui, nihil de auro fluuiatili : pone
iam, detegi talia, inueniri tam pretiosa. Quis erit do-
minus? an inuentor? Si hoc, quid fiet de potentissimi
Boru ssiæ REGIS iure metallodinarun? quid de iure
circa *αδεσπότην*. Sin aliter, actum sane erit de brocardico
horu m doctorum: statutis silentibus iuri Romano ape-
riri



riri amplissimam fenestrām. Quare enim non aperis quæso? Romanæ leges non obstant. Quæ sic inueniuntur, acquirentis fiunt. Sed obstat, inquis, patriæ consuetudo; & reipublicæ nostræ conditio. Id vero est: hoc omiserunt nostri Doctores; eam nihil pensi habuit *D. Bergerus*: & hæc tamen in primis videtur perpendenda, ac consideranda. *Quo cī* ca permittam paullisper, nihil in nostris legibus & statutis aperte esse proditum de iis, quæ per vim metumque fiunt; tamen non consequetur, puto, omnes fidiculas & machinas esse adhibendas; vt legum Romanarum affectata subtilitas in forum irruat. Nostri populares satis habent, nihilque conqueruntur amplius, si suum recipient; si quod abest recuperent, si ab obligatione sibi imposita in libertatem reponantur. Contra Itali & Græci, sicuti plebis studio tenebantur, eiusque mores olebant; ita etiam non nisi pecunia placabantur. Quod si vrgeas, non defuturos inter nos, qui quadruplum magna auiditate sint acceptaturi, facile regero: non defuturos quoque, qui hos homines in sordidis numerent; vt qui modis ingenuo homine indignis cupiant ditescere. Ad paucos vero, & ad id quod raro contingit, nunquam respiciet *ICtus*; quemadmodum etiam *Prætor* auræ popularis captator in sua republica eos nullo modo contuitus est, quibus forte generosior, quam multitudini mens spiritusque obtigit: vt præterea, secundum *Iurisprudentiæ* Romanæ præceptiones actionem quod metus caussa in curiis nostris inualescere vix posse, vbi contractus bonæ fidei & stricti iuris eodem sane pede moduloque metimus. Quod ii cumprimis, velim, perpendant, qui ius Romanum continue crepant,

- - *vt picta pandant spectacula cauda:*
licet ipsi hic turpiter sese dent, & quid in iure iudicio-



que fuerit actum, secure ignorent. Nam si verum est, sicuti probatum dedimus abunde, actionem quod metus caussa ordinario iure in actibus stricti iuris tantum institui potuisse, relinquitur sane, ut sit pragmaticorum conspicuus error, qui in omnibus contractibus promiscue eam admittunt, quid? quod hodie commandant, ubi illa contractuum distinctio non tam euauit, quam nunquam fuit. At sat scio, raro ab iis iuris Romani artem accurate intelligi, qui eam tam frequenter iactant, tamque mirifice laudant. Nam si inteligerent, peruidenter sane, eam moribus nostris accommodari vix posse, nisi quidem vim inferant patriæ moribus eosque Diis hominibusque indignanribus e foro, e curia, e ciuitate eiiciant. Vtrum in causa metus idita fuerit factum, iis permitto existimandum, qui, quæ a nobis e Germanorum vetustis legibus sunt allata, atque excerpta rite considerauerint. Est enim oppido quam falsum, licet καὶ ἀθετού disputaturus contrarium tantisper antea concesserim, nihil in Germanorum iurisprudentia de metu fuisse prescriptum. Habemus leges expressas: habemus iudicata: (**) metu initas pactiones, stipulationes, caussas esse nullas: idque non nisi iis, qui oculos claudunt, & cæcos simulant, obscurum esse potest, Teutones ex æquo & bōno eiusmodi negotia diiudicasse. Id autem si est, quamobrem, quæso, sinistrorum abeamus, & vno nobis errore omnibus illudi partibus permittamus?

(*) Optime obseruat Dattius in libro eruditio de pace publica p.m. 76. hanc fuisse an 1495. Cameræ iudici & ad sefforibus praescriptam juramenti formulam: daß sie nach des Reichs/ und gemeinen Rechten/ auch nach redlichen/ erbaren und leidlichen Ordnungen/ Statuten/ und Gewohnheiten



ten richten sollen. Quod contra eos maxime vrgendum,
qui ius Romanum indistincte receptum somniant.

(**) vide caput nostrum V.

§. XXIX.

Vanum quippe effugium est, nos nunc iure Prætorio stare, non iure patrio, non meritis naturæ præceptis. Id enim iam confutauimus, & si quid intelligo, clare admodum ostendimus, illud prætoris edictum in nostra forâ neque induci co[n]mode, neq[ue] irrepere potuisse, nisi quis Romanum ius animo concipiatur, quod non est Romanum, non ciuale, non Quiritium. Et hi autem, vereor, ne, si redirent ab inferis, conuitum nobis facerent, & doctores exploderent, qui tam illepidâ vendent pro Romanis. Videor iam mihi Paulum *μυστηγούς*, si audiret iudicium rescindens & rescissorum; si rescisseret actionem quod metus caussa, vbi arbitrium & condemnatio coniungerentur, & antequam hæc nanisceretur effectum, spatium Saxonicum obseruaret idem. Quid autem foret *Iulianus* dicturus, si quadruplari usuras perciperet, quas itidem non quadruplabant Quirites; quid itidem *Vlpianus*, si promiscue in omnibus contractibus actionem quod metus caussa adhiberi experiretur; equidem nescio. Sed coniicio tamen, eos aspernaturos tam turbata tamque confusa; impensisque laudaturos, quæ propriis generibus distinguuntur, quam quæ passim veluti abiecta, & quodam quasi cumulo sunt permista. Neque enim ad rem facit, aptari ius Romanum moribus nostris, quoad possit. Bene, inquam, si possit, si conueniat, & nostris institutis consentaneum sit. Enimuero

*Humano capiti ceruicem pictor equinam
Iungere si velit, & varias inducere plumas,
Vndique collatis membris, ut turpiter atrum*



*Desinat in piscem mulier formosa superne,
Spectatum admissi risum teneatis amici.*

Et vereor autem, vt ne in piscem desinat hodierna praxis in cerebro nonnullorum doctorum enata. Procul enim a veritate abest, omnes etiam lCtos admittere quadruplum. Belgæ sane (*) Struuus, (**) Heberus, (***) Titius (†) Thomasius (††) non admittunt: multi silent: dumque rem iudicatam afferunt nullam, suopte ii indicio produnt, hanc actionem non obtinere: quidquid ceteri de possibilitate, vt Arnobii vocabulo utar, aut obseruabilitate, quod placet D. Bergero, (†††) in contrarium afferant. Aut enim hæc possilitas ita describitur: actiones pœnales, & speciatim actionem quod metus cauſa nondum quidem esse introductam, sed posse tamen auctoritate superiorum introduci; aut illam esse iam permisam, sed deficere exempla; raroque occurrere, qui quadruplum petant. Prior significatus, si eligatur, tum vero lubenter concedo, posse id fieri; posse etiam a Principe quadruplum præcipi restituendum. Id enim, quamvis non sit necessarium nec moribus nostris conueniens; non tamen est iniustum. Necessarium non est; quia Germani pœnas delinquentibus infligunt, non applicandas priuatis, sed publico, sed fisco, sed luendas etiam in corpore. Quod contra eos potissimum memoriæ imprimendum est, ne quis infrunita ratione garriat, Teutones a duplo, triplo, quadruplo neutquam abhorruisse. Id enim extra dubitationem positum est, non penitus improbasse Germanos multas: at has ad se trahebat fiscus, non is, qui erat læsus; vt qui præter damni reparationem vix aliquid consequebatur amplius. Quæ obseruatio D. Thomasium merito permouit, vt nonnihil differentiæ inter actiones pœnales

Ro-



Romanas & Germanorum ostenderet, simulatque negaret, apud maiores nostros totidem verbis tripli, quadrupli, dupli, quemadmodum in Romana republica, fieri mentionem. Eodem argumento forte etiam alia obiectio in fumum abibit, quando dicunt: nulla esse misericordia dignos, qui metum incutiunt, & peruicaci animo restitutionem rei ablatæ negant. Quis enim miseratione horum hominum permouetur? Per me, licet, castigentur acerbius: res militari eripiatur manus: reparent damnum: compingantur in carcerem, eiiciantur e ciuitate; emungantur pecunia: puniuerunt vim etiam Germani: id sectiones, rubricæ, capita testantur de vi publica: tantum quæritur num hæc pecunia quadruplum æquare debeat, numq; istud prudenter contra Germaniæ mores aptetur & permittatur priuatis. Eo fane lCtri animum dirigant oportet, atque oculos, vt ne id tantum suadeant, quod absoluta imperantium voluntate, sed quod apposite, commode, & cum fructu ad effectum adduci potest. Qui autem, sodes, hic sperari potest fructus, vbi tot simul tricæ, tot quæstiones implicatae, tot ambages cum actione quod metus caussa in forum recipiendæ sunt & adoptandæ? (*†) Sed iterum quasi e longinquo prospicio doctorum multorum infelix ratiocinium: iura Romana propterea esse maioris facienda, quod sint ingeniose excogitata, omni- que mentis sollertia elaborata: quibus tamen vniversis sanum Iosæ Simleri (*†) iudicium oppono, qui, cum in Heluetiis ex æquo & bono, & legibus atque consuetudinibus singulorum populorum lites quascunque diuidari scripsisset, sequentia, excusationis loco, adiicit: scio, inquit, banc agendi rationem barbaram a multis iudicari, qui existimant tantum iure scripto Romanorum vendendum esse, sine quo in grauium & obscurarum controuersiarum



arum explicatione s^epe homines etiam prudentes a vero & iusto aberrent. Ego vero Romanas leges a prudentissimis viris conscriptas maximi facio, neque earum auctoritatem vel verbulo labefactatam velim: sed controuersiarum disceptationi, quae hodie in usu est, & iudiciis illis nostri temporis, in quibus ex iure ciuili Romano ius dicitur, nostram agendi & diindicandi rationem anteponendam dico, & id iudicio bonorum & non litigiosorum hominum me probatum confido. Primum enim negari non potest, plerosque causidicorum, non tam iustitiae & equitatis quam juris studiosos, qui singula verba & syllabas legum venantur, & suo arbitratu exponunt, captiunculas alias simplicibus struerre. Deinde cuncta fere ab his ad priuatum commodum referuntur, unde non explicandis sed inuoluendis & obscurandis controuersias operam dant: ita fit, ut lites in multos annos extrahantur, & s^epe etiam ad nepotes transmittantur: summa cum molestia viriusque partis, & immenso sumptu, quo nonnunquam integra patrimonia exbauriuntur. Unde non immerito quidem pragmaticos hos & causidicos sanguisugas & hirundines appellare solent: qui opes vulgi & ipsum etiam sanguinem exsugunt. Quod si in nostris iudiciis nonnunquam error aliquis committitur in causis implicatis & obscuris, qua tamen rarius occurunt, nequaquam tamen tantum damni inde datur, quantum ex litium diuturna illa prorogatione accipitur. Neque tantum nostra agendiratio ne sumptus minuantur, & parcitur populo, sed longe minor est litium & controuersiarum numerus, dum sententia cito lata controuersia tollitur, & litigantes rursus in gratiam redeunt: cum alibi contra videamus lites quotidie nouas oriri, & una nondum decisa plures succrescere.

(*) In his Grænewegium refero, Wissenbachium, Zypæum, Cyprianum Regnerum, Gudelinum. Contra quos, quamquam nonnulli excipiunt, atque in Germania omni eos aucto-



auctoritate priuant ; tamen silentio prætereundum non est, Belgarum mores ita congruere cum nostris, vt e summo puto similius vix queat aqua aquæ sumi, quam hi sunt atque isti. Hanc similitudinem, utrum sustulerit legum Romanarum in foris nostris plenior receptio, re sponsione vix videtur dignum.

(**) *Iurisprud. R. G. For. lib. III. Tit. XXII. p. 516.*

(***) *Dissert. de act. quod metus causa indole peculiaris. §. XIII.*

(+) *in obseru. ad Lauterbach. h. t.*

(††) *de vsu A.P. in for. G. cap. III. §. XIV.*

(†††) *in dissert. de vsu action. pœnal. n. VIII. p. 67.*

(*†) *in dissert. cit. cap. II. §. XVI. XVII.*

(†††) Optandum foret, vt, antequam illa ordinis iudicarii, qui viget in Saxonia, recognitio, ad quam prouocat *D. Bergerus*, publico rescripto firmetur, tollerter perpendent viri ciuili prudentia instructi, utrum actiones pœnales cum fructu ad obseruantiam in Saxonum terras possint traduci. Caussidicos, rogo, non audiant. horum enim usibus inferuiunt tricæ Romanae : ex his sibilis suo priuato compendio consulunt. Ceterum, dum de novo fori usu deliberant, claret sane, eas actiones in mores & usum irrepsisse nondum.

(*†) *lib. II. de Republ. Heluetiorum p. m. 329. seq.*

S. XXX.

Hæc cum minus videantur ad dissentientium palatum, non habeo sane ambiguum, quin ad alteram possibilitatis significationem descensuri sint, qua actionem in quadruplum iam statuunt permissem, dummodo sint, qui urgeant, atque petant. Sed inde vero probabili ratione coniicere potuissent, longe a nostrorum hominum grauitate eiusmodi petitionem abire ; quod

tam pauci sint, qui petant, aliorumque delictis suas conlocupletare loculos studeant. Qui obseruantiam iatet non de potentia, sed de actu, oportet, differat, nec de vnioco tamen, & ementito, sed pluribus ; qui obseruantiam demum constituant. Obseruabilitas autem nondum obseruantia est. Eodem pacto illud videtur animaduertendum , ad obseruantiam in Germaniae foris inducendam non vnius atque alterius Iureconsulti suffragium sufficere, aut etiam istius, & illius collegii umbratilem decisionem. Neque enim ignari sumus, quam febriculosa nonnullos & intempestiuia stabilendi iuris Romani cupiditas exagit ; vt, vbi terrarum viuant, sere nesciant. Cæterum vix est credibile, ita ad vnum omnia conspiratura fore tribunalia, vt quadruplum in actione ob metum sint probatura. Meo iudicio rectius faciunt, qui tripli petitionem pro non adiecta cum *Strauio* existimant, & simplum maiora angelantibus graculis decernunt. Et fuit autem is quoque pragmaticus, ac sani syncipitis Iureconsultus. Nam quod *D. Bergerus* de iure incerto tandem adiicit, si Romanarum legum definitio negligatur, non adeo inuicti videtur roboris. Iurarem certe plus in hoc negotio confusionis atque incerti ex decisione *Bergeriana* oriturum, quam ex simpliciori iuris Germanici. Neque enim concordant adhuc doctores, vtrum separatim præcedere iussus debeat, an secus ? Hæc quæstio iam *Bartoli* tempore fuit ventilata. *Schneidevinus* (*) in *Bergeri* sententiam concedit : *Bachouins*, (**) *Malcomesius*, (***) *Brunnemannus* (†) contra : *Brucknerus* (††) turius facturum iudicem pronuntiat, si rem non una, sed



sed dupli sententia expediat, ne reus arripiat ansam impugnandi totum decretum, ut nullum. Simili ratione amplius dilectabitur, vtrum annus utilis in quadriennium continuum sit mutatus? Multa hic *Habnius* mouent atque *Struinius*, ut euincant contrarium. Alii usuras non putabunt quadruplicandas: nonnulli spatium Saxonicum reiicient: rursus alii totam decisionem versicolorem dicent, vt pote quæ nonnihil trahat e disciplina iuris Romani, aliquid e patriis moribus, plurimum ex proprio ingenio. Ego iudicium meum suspendo, atque, dum id facio, quod ex Comœdia non nemo adiutavit, attente perpendo:

- *Incerta hæc si tu postules*
Ratione certa facere, nihil plus agas,
Quam si des operam, ut cum ratione insanias.

Ceterum sat scio, decisionem patrii iuris, ut pote rationi congruam, planam esse, nullisque difficultatibus circumseptam. Quod si sint, quibus arrideat aliud, ac nostra non necessaria, atque illaudabilis opera videatur, ii rogantur, ut in se descendentes experiantur prius, vtrum nulla fibi erratio euenerit, nulla itidem vanitas insit? Plura non addo.

(*) ad §. quadrupli XXV. I. de action. n. 59.

(**) ad *Treutl.* disp. XI, thes. IV. lit. E.

(***) ad h. t. n. 6.

(†) ad l. 4. C. h. c.

(††) in *dissert. de promiss per vim extorta cap. II* §. 19. p. 59.

TANTVM EST.

Menda operarum extantiora.

Pag. 86. l. 18. lege *ullos* pro *nullos*.

pag. 90. l. 26. pro *iudicii* lege *imperii*.

pag. III. l. 8. lege *processus*, *quem vocant*.

pag. 130. l. 16. pro *fuerint* lege *sint*.

pag. 146. l. 3. pro *ut* lege. *ut ne*.





S

154045

AB 154 045

X2407318


DR 768 ta





Farbkarte #13

B.I.G.



avid Christoph [Resp.]

ERON. GVNDLINGII
RVSSIÆ REGIS SACRIQE TRI-
ST IN DVCATV MAGDEBVRGICO
OQVENTIAE ET ANTIQVITA-
M P. P. ORDINARII


DE

ENTIA METVS
OMISSIONIBVS LI-
ENTIVM TVM ETIAM HO-
VATORVM AVXILIISQUE
NTRA METVM

ER SINGVLARIS

IN QVO

INGVLA SECUNDVM IVRA NATV-
ROMANVM PONTIFICIVM ANTIQVAS GER-
RIMIS OBSERVANTIAM FORI HODIERNI
IVR ATQVE ILLVSTRANTVR.



MAGDEBURGICÆ.
OFFICINA RENGERIANA
ad locum CCXI.

